

# **APOSOLO GONO DI MINANI'**

## **MONOVO**

### **Aposolo Gono Di Minani' Monovomu' Gomu' Gataa' Gamazi**

Aposolo Gono Di Minani' Monovo gizive nene gulive've gizamine' ve. Ne'mine ogani' neine'za evene' malite lisa gomu' aka'milati' Luka' gizine' ve lani' ve. Ti' li lani'za mono' godolou' nene Luka'nimu' ei' monovo danava've vai' lamani' ve. Ne'mine ani'za Paulo' ne'mo Zuda ve minamine' tota ve minine' ve line'. Ido' Paulo' aza Timoteo'ni luhuwo nite' naba 2 gize-dingu' nene Lukakisi maka' nosive lo gizine' ve. Ido' a'mine luhuwo nite' nene Paulo' nala' numungu' mino gizine' ma gele none' ma neive. A'midot'i gamene ha'na minamivo Loma vete bili hilani' ve. Olihe bili hilamayo ebe' ebeku' ha nomonivo inite' mata' soto' inekumukisi ido' aposololite gono di minani' monovomukisi asi've Luka' gizingu' nene Paulokisi maka' monusive lo gizine' ve.

Luka' ne'mo luhuwo nite' ve naba Teohilo'ni buku sita' gize-dine'. Ma bukuu' nene Izusu' ogo molo ine' initekumu' nene gizo gize do lemo lumola nene O'moso'mo Izusu'ni Okulumoku' do dizo vine' nemu' gizine' ve.

Ido' luhuwo nite' gohi ma gizine' nene aposololite gono di minani' monovo nene gizine'. Aposolo gono dani' monovo api' ogo gizida nene O'moso'mo Izusu'ni Okulumoku' do dizo vine'

nemu' gohi gizine' ve. Ido' a'midot'i nene O'moso'mo lo huko line' gamazi nene ha salani moloko Sikalahu' nene eletavo lemo Izesu'ni gili imi gelekele' i-di minaa' ani' aleve minangu' nene vovo'ningu' mino inite' ogo molo minelive lo ne'mine ine' nemu' gizine' ve. Ido' Sikalahu' ne'mo hize ele' o-ngidivo aposolo linge ma nete igi mili ani' inite' linge ma nemukisi gizine' ve. Aposolo gono muki' dani' nemukisi ma lo soto' amine' ve. Aposolo nete Izesu' line' gamazimu' gelekele' ani' nene mone mone igi Zelusalemi numuno ebeku' ei' gamazi've nene li-ngimi ngimi' ani' nemu' gizine' ve. Ido' Zudaia misubou' Zelusalemi numuno ebe' ne'mo misubo hela hela miningu' ne li-ngimi ido' misubo ma gulive Samalia neu' nesi nene moni Izesu'nimu' gamazi lamine' nene li-ngimani' ve. Izesu' olihe amivo nene Zuda ve nete O'moso'mi gamazi lamine' nene engikumukovo' nehe li gilii ido' evene' Zuda ve minamani' muki' nene O'moso'mi zuho nizamave li gilani'za Luka' gizingu' nene O'moso'mo ei' gamazi've di vi Zuda ve minamani' heta ato' ve minani' nesi li-ngimilisive lo Paulongi Petolongi lo-ngidine' nemu' gizine' ve. Ido' Paulo' ebe' mukiku' Izesu' gamazi've nene do monine' nemukisi gizine' ve. Gize do vo lumola nene Paulo' numuno ebe' naba ma gulive Loma nela vine' nemu' gizine' ve. A'mine Loma nene Loma veti guve'nesi ve naba ne'mo gizebo ine' misubou' numuno ebe' minani' nene ngivile' ogosa minine' ve. Ido' a'mida Paulo' nene gamazi lamine' nesi lo-ngimine' ve.

Aposolo Gono Di Minani' Monovo gateline'

nene numuno ebe' ido' misubo mukikumu' ne gatelesane. Ido' misubo'mi mapi me buku'mi mehenela neingu' mene ningeline' nene a'mine misubo ma ne neize ido' ne numuno ebe' ma ne neize lo ninge lamine' olosane.

*Izesu' O'moso'mi Sikalahu' Imiselelesa Lo Hukine' Gamazi*

<sup>1-2</sup> O Teohilo', Naza luhuvo nite' lingela ma gomu' gize-giduhe. A'mine luhuvo niteku' nene Izesu' api' ogo gono do minine' ne'mi gamazisi ido' evene' apize ngimine' gamazi nesi nene gize osu' luvoni' ma neive. Ido' a'mine gamazi nogizo Izesu' aza gono do evene' apize ngeme'mo dizosa do kegese-ngidive aposolo gono dalizani' gamazi nene O'moso'mi Sikalahuli'mo lido' lo-ngemavo O'moso'mo Izesu'ni Okulumoku' ele'mizo dizine' nene gizosa gamazi gohi ma gizamo luhuvo nite' nene hulo-giduvoni' ma ve.

<sup>3</sup> Ee, lohoto' zalo' bili badikevo mulumo gelo helo oto velesi mino aposolo soto' o ngimine' ve. Neze ha neive li gilikevo gihile izeleseive lo ele'vole' nite' muki' nene ogo ngelebzizo neivo gamene foti novivo eze ningika' ningika' navo ezesi gamazi li volelo' melo' igi lani' ve. Ido' aza nene O'moso'mo gizebo o-ledeline' gamazi lo-ngimine' ve.

<sup>4</sup> Ne'mine ogo engikisi mino ti' lo lo-ngimine': Lingine Zelusalemi numuno ebe' mene hulamilo. Me'neho Sikalahu've imiselelove lingumu' lo-lingimuvoni' mamu' nene gizebo igi minilo.

<sup>5</sup> Zohane' aza evene' noso holo-ngedavo ingine haza nosovo' dani'za lingine gamene ha'na ogo

vamivo O'moso'mi Sikalahu' neve nene dalisave  
lo lo-ngimine' ve.

*Izesu' Okulumokuko Dizo Vine' Gamazi*

<sup>6</sup> Gamene ma izipahala zuhosи di gese' igi  
mini Izesu'ni ti' li longo' i-dani': Guvekasi ve  
make, guve'inesi ve nabalite avotemotine gizebo  
i-ngidi minaa' ani' ma'mine ogo gaza Guvetesi ve  
naba lolо' ogo leze Isilaele' ve gizebo o-ledeline'  
gamene nene idise nehe. Olo.

<sup>7</sup> Ne'mine li likevo Izesu' aza ti' lo lo-ngimine':  
Naza olihe ne'mine amuvo gamene ma ogo viline'  
nene nehe ido' gomu' soto' iline' inite' nene nehe  
neve nene lengi' initetine ne nominako lingine  
ma gilamilisave. Nanitekumu' ve. Me'neho  
asi've amuzo'velo' molo gelo mino lo hukine'  
nemu' ve.

<sup>8</sup> Ne neine'za O'moso'mi Sikalahu' lengita lemo  
amuzo molo lengemavo nenи' gamazi'ne nene  
Zelusalemi numudoti' api' igi li Zudaia misub-  
oukosi Samalia misuboukosi vi li soto' ikevo mis-  
ubo lumolasi vo osu' liliive.

<sup>9</sup> Ti' lo lo-ngemavo ingine vonu' bili nizavo  
Okulumokuko dizo volosa nodizivo limuso'mo  
molo hite-davo vo halekavo ma ningamani' ve.

<sup>10</sup> Okulumoku' vo halekavo ingine okene' igi  
ningi nizavo ve seta' genegana'ne mokonokisi  
lite' mate' li vovo'ningu' soto' asine' ve.

<sup>11</sup> Soto' igi ti' li li-ngimasine': nGalilaia ve  
lingine nanimu' okene' igi ningi nizave. Izesu-  
tine lengikisi minidotи' O'moso'mo Okulumokuko  
ele'mizo dizive nene ningi nizavo dizine' ne'mine  
ogo lemo aloseive li li-ngimasine'.

**12** Ne'mine ikesivo aposolo nene Oliva gololoti' tibizi aka alite minida vi Zelusalemi numuda hetelani'.

**13** Heteli numuno mulolo' ma minine' numungu' ingi minaa' ani' numungu' nene dizi minani'. Engi' gulive'ine nene Petolo' ve Zohane' ve Zakobo' ve Adelea' ve Hilipo' ve Tomasi' ve Batolomaio' ve Mataio' ve ido' Alahaio' gipele Zakobo' ve ido' Simoni aza Loma ve ngimiselelone lo amuzonga laa' ive neve ido' Zakobo' gipele Zudakisi ve.

**14** Vekise nesi ido' vene' linge masi Izesu' izeleho Maliakisi ido' Izesu' akunolomotesi di gese' igi mini lu'ine mili hamo' igi O'mosola li minani' ve.

### *Zudado' Medelo Minelive Ma Di Kegesi-dani' Gamazi*

**15** A'mine gamene neu' nene Izesu' evenele zuho eyene' vani hadeti tuvedi (120) ne'mine nene igi mulise mili nizavo Petolo' aza vo'ningu' ote mino ti' lo lo-longimine':

**16** Zogone zuhokizo, gililo. O'moso'mi Sikalahuli'mo Davidi'ni do ote-davo Davidi' aza Zuda' ado' Izesu'ni dalizave gomu' molo ngemo ngelebizive mamu' line' gamazi gizikani' nene ghile izeline' ogavosa ghile izine' ve.

**17** Lezesi maka' gono dalive lo Izesu' aza Zuda'ni do kegeso ele'mize molani' nenako aza Zuda' leli' aleve minine' ve.

**18** A'mine ve nene monovo goloso ogo Izesu'ni nene adeu' molalive li biluvalite moni imani' nedunu' nene misubo ma meni hizo a'mido' yo mino godololati' velepe' izeko lemo gatuno izo ho'lavo iseve nene dulungizo do'mozine' ve.

**19** Nemu' Zelusalemi aleve muki' gili a'mine ebeli'mi gulive nene engi' gamazi'ninguti' Akeledama ve li milani' ve. Ido' a'mine gulive nene leli' gamaziuti' vanise ebe' ve lo neive.

**20** Ido' O'moso opo'ni li nama laa' ani' nama mono' godolou' ma ti' li gizi nizani' ma neive. Numu've nene hulavo zupo' molo neivo evene' mali'mo a'mingu' minamoloseive li gizi nizave.

Ido' ma nene ti' li gizi nizave:

Ei' gono velelo' nene ve mali'mo do ti' ogo dalive li gizi nizani' ma neive.

**21-22** Nemu' nene Izesu' hilinguti' ote neine' gamazi lo soto' ilive lo ve ma do kegeso leli' aposoloku' do gi'mize-do ele'mize molalone' ogave. Ado' Izesu' ha neivo Zohane' noso holo-dine' gameneloti' api' ogo mine do dizo O'moso'mo vovoteuti' Izesu'ni Okulumoku' do dizo vine' gameneu' ezesi maka' minuniveuti' ma do kegeso ele'mize molalone' ogave.

**23** Petolo' ti' lo lo-ngemavo Izesu' evenele zuho ingine ve sita' ma Zosehe' ado' gulive ngomo Balasaba' ve lo mininekisi ido' gulive ma Zusito' ve lo mininekisi ido' ve ma gulive Matatia' nesi nene di soto' i-ngidi

**24-25** O'mosola ti' li opo'ni lani' ve. Agae, Guvetesi ve make, evene' muki' luteu' ningaa' anive neke, Zuda' aza aposolo gono hulo O'moso gei' do va'va' ogo molo-daine' ebeta vo mo gopo ogaze. Eze gono velelo' dalive lo mene ve sitakuti' ma do kegeso lelebizezo.

**26** Ti' li opo'ni li O'moso gelavo di kegesaa' zohiku' ngele'mizi milikevo Matatia' ivile' ogavo

aposolo leveni minangu' nene di gi'mizi-dani' ve.

## 2

### *O'moso'mi Sikalahu'Lemo Ani' Gamazi*

<sup>1</sup> Zuda veliti avo'ningine O'moso'mo ise'ine izingumu' gili minaa' ani' holise' nene osu' lavo neloti' salele seveni ogo vavo noso' nite' api' igi di naa' ani' holise' mo ogavo Izesu' evenele zuho ingine numuno hamoku' ma mulise mili nizavo

<sup>2</sup> hepe' naba amuzo'vesi gugu laa' neine' ne'mine Okulumokuti' nene lite' mate' lo gugu lo lemavo gugu line' ne'mo minani' numungu' nene amuzo molani' ve.

<sup>3</sup> Ne'mine ogavo ningi nizavo olo' vele gele vine' nene soto' pizo evene' godo'nido' hamo' hamo' mine hutile' ogo minavo

<sup>4</sup> O'moso'mi sikalahu' ne'mo lu'ningu' lemo gono do do lapa nomine' o-ngedavo ato ato' gamazi gilamani' gamaziuti' api' igi li'mi vani'.

<sup>5</sup> Ti' igi nizavo a'mine gameneu' nene Zuda ve mono' gilaal' ave numudo' namado' ve Zelusalemi ebeta igi mini

<sup>6</sup> gugu line' nene gili nemu' mulise mili aposolo ingine gamazi'ninguti' gamazi'ninguti' likevo gili gopo ga'ine gilani'.

<sup>7</sup> Gili golize li sizaga li ti' li lani': Mene gamazi nilave ingine nGalilaia misubokotikovo' nizani' ve.

<sup>8</sup> Ne nadi' isa leze note gihile izete metetidati' gilune' nene likevo gilune.

<sup>9</sup> Laza misubo ato atokuti' none. Palatia ve ido' Mede ve ido' Elame ve ido' Mesopotamia

misubouti' ve ido' Zuda ve ido' Kapadokia ve ido'  
Podo ve ido' Asia ve

<sup>10</sup> Piliglia ve ido' Pamahilia ve, Aigita ve ido'  
Libia misubo ebekuti' Kilene ve ido' Loma ebetasi  
ungunive ne none.

<sup>11</sup> Ido' laza Zuda ve gehepeve noube ido'  
monokumu' Zuda vela do gi'mizunive noube ido'  
Keleta ve nehe Alabia ve nehe laza muki' gelo  
leli' noteti' noteti' O'moso'mi ele'vole' sunomu'  
likevo gelekune.

<sup>12</sup> Ne'mine lii golize li gili gopo igi agae, mene  
nani suno ve li lani'.

<sup>13</sup> Ti' li lani'za ve linge ma nete a'mine di ledi  
mini gize' i-ngidi ti' li lani': Vaini noso gosoho'  
nisa sipaki igi mini nilave.

### *Sikalahu' Lemo Angumu' Petolo' Line' Gamazi*

<sup>14</sup> Sipaki igi mini nilave likevo Petolo' aza  
gonolomote levenisi ne ote mino gamazi naba  
lo ti' lo lo-ngimine': Vekizo, lingine Zelusalemi  
alevesi ido' Zuda ve mukikisi naza gamazi ma lo-  
lengemeloze. Gatine huli gili minilo.

<sup>15</sup> Lengi' nene gili ladani ikeve. Nedenga'  
naeni kiloku nene olihe aminako me ve ne sipaki  
amave.

<sup>16</sup> Sipaki amani'za soto' neine' initekumu'  
mene O'moso'mi gamazi lo soto' ogal' ive Zoele'  
luhuvo gizine' ne'mi gihile nene me neive. Ti' lo  
gize neive:

<sup>17</sup> O'moso'mo ti' lo line':  
Mino alinge' gamene alitavo Sikalahu'ne evene'  
muki' lehize-ngedekuovo  
a'mine Sikalahu'ne ne'mo nene zatuho' o-  
ngedavo

gipe alu langa'vopilemo' nete nenil' ve'neti'  
gamazi li soto' igi  
li-lingimilisave.

Ido' a'mine Sikalahu'ne ne'mo do soto' o-  
ngedavo  
inite' ato ato' nene goso' vetineliti ve'nido' o  
molavo  
ningika' ningika' navo ozohotinelitesi vamu'  
ningi'mi vi minilisave.

**18** Ee, a'mine gameneu' Sikalahu'ne nene  
a'mine gelekele' alu izipe'ne nesi lehize-  
ngedekuvo  
nenil' gamazi'ne nene li soto' igi evene' li-  
ngimilisave.

**19** Ido' ne'mine navo hoze okulumo' veletasi ido'  
misubo gala'mudasi nene  
ele'vole' inite' muki' noso molo lengelabizele-  
suve.  
Ado' misubola nene vanisesi olokisi soto' ikesivo  
sokile'mo limuso ne'minosa soto' ogavo  
ningilisave.

**20** Ido' Guvelesi ve'mi gamene naba olihe alita-  
mivo  
ho' velelo' nene hitavo liti'muso ize mineleseive.  
Ido' a'mine'mine ogo ike'nisi nene gulehe'  
kulehe' lizo  
vanise ne'mine geleleseive.

**21** Ido' Guvelesi ve'mi gulive di minilizave nene  
O'moso'mo do ngu' ize-lengedeleseive lo gize  
neive.

**22** Ne'mine lo Petolo' imine' molo ti' lo line':  
Isilaele' alevekizo, ma lo-lengemeloze. Gililo.  
O'moso'mo lingine nezelati' ve ve li ningilizave  
lo Nasalete ve Izesu'ni do amuzo molo-do hize  
ele' o-davo ele'vole' nitekisi golize nitekisi ogo

noso molani' nene lengi' vovotingu' ine' nemu'  
gili nizani' ma neive.

<sup>23</sup> Eze nene O'moso'mo gozopo' gelo lo huko  
gele neido' ogo aka elebizo adingu' molani' ve.  
Adingu' molavo lingine bilani' ve. Ee, lingine  
likevo biluva've gamazi gilamavete lohoto' zalo'  
nilidunu' bilikevo hiline'.

<sup>24</sup> Ne'mine ikeni'za gonoso milaa' angu'  
mine gili' lamiline' ogavo nemu' mulumo gelo  
hilinguti' O'moso'mo do ote-dine' ve.

<sup>25</sup> Davidi' ezemu' ti' lo gizine' ve:  
Guvelesi ve nezesi gamene gamene minaa' neive  
lo  
a'mine nene ga'neu' soto' o neivo naza gele  
minaa' uvoni' ve.  
Aza inite' mali'mo do goloso o-nedalive lo nen'i'  
a'ne zamela minaa' neive.

<sup>26-27</sup> Nem'u lu'neu' lamine' gelo  
mulu'neu' gulumo avile lisavo nolize gamazi  
noluve.  
O'moso'ne make, vo'nehaza nene hilavetida  
minelive lo mudise hulamolosane.  
Ido' lu'ne geita molo gelekele' o-giduve nen'i'  
nene hulo-nedanivo  
oko'ne geleso unuvo amoloseive.

Nemu' nene gele hamo' ogo hongu lo gizebo ogo  
minelesuve.

<sup>28</sup> Naza minevo' minevo' ogo lu'ne gosoho' do  
mineloni' aka nene nelebianivo  
gezesi minusidi'mo lu'neu' gulumo avile liso mi-  
navo  
ne'minovo' minelesuve lo gizine' ve.

<sup>29</sup> Neni' zuhokizo, naza avoteho Davidi'nimu'  
nene mo lamineto' lo-lengemelesuve. Aza helavo

galese izi-dani' ve. Gonoso galese've nene idisesi soto' neivo ningominaa' noune.

<sup>30</sup> Ne neiha aza O'moso'mi gamazi lo soto' oga'ive polohete minine' nenako a'mine line' gamazi nene O'moso'mo gamazi've do amuzo molo lo huko-dine' gamazimu' gelo mino line' ve. Ado' ezelo' medelo eze a'vopilemo' zuhouti' mali'mo eze mo'mosi've dalive lo lo huko-dingumu' gele minosa line' ve.

<sup>31</sup> Ee, aza alinge' soto' iline' initekumu' gele mino O'moso'mo do lu' izelive lo imiselelesa live nene hilinguti' do ote-delinguemu' line' ve. Ado' O'moso'mo a'mine ve hilavetida mudise hulo-damivo oko'no gelesamilive line' nene O'moso'mo hilinguti' do ote-delinguemu' line' ve.

<sup>32</sup> O'moso'mo Izesu'ni do ote-dine' nene eze izipahala zuho laza vete gihiletunu' ningi none' ma neive.

<sup>33</sup> Ido' meleho O'moso'mo evene' muki' livile' ogo dize minive ve li ningilizave lo ana zamela ele'mize molo gozopo' lo huko-dido' e'meto eze Sikalahu've emavo lehize-lidine'. Ido' idise gili ningi nizani' inite' ado' eze Sikalahu've lehize-lidine' nene gili ningi nizave.

<sup>34</sup> Ido' Davidi' aza oko'no losuvosi Okulumoku'dizamine'za aza gamazi ti' lo line':

Vozeu' ve'mo aza Guve'nesi vemu' ti' lo lo-imine': Gaza evene' nabavo' minaa' ada a'ne hulaa' uvoda minezo.

<sup>35</sup> Mine do vo nanivo biluvaka nete gelekele' i-gidi minilizave lo  
gizengauko do'mo leme-ngedelesuve line'.

<sup>36</sup> Nemu' lingine Isilaele' zuho muki' gili lamine' ilo. A'mine ve ma lingine bilikevo hilive

Izesu' nene O'moso'mo Guvelesi ve ve lo ido' do lu' izelive imiselelesa live ve lo ele'mize molavo neive lo Petolo' lo-ngimine'.

<sup>37</sup> Ne'mine lavo evene' gili mulu'ine hukavo mulumo gili Petolo' ve aposolo linge ma nesi longo' i-ngidi ti' li lani': Zogole zuhokizo, nadi' okunivo lamine' ilive.

<sup>38</sup> Ne'mine likevo Petolo' ti' lo lo-ngimine': O'moso'mo lihimete hulo-ledelingumu' ve li lingine hamo' hamo' igi lutine di velepe' izilo. Ne'mine ikevo laza Izesu' Kilisito' gulivelou' mono' noso holo-lengedekunivo O'moso'mi Sikalahu've nene lehize-lengedelesive.

<sup>39</sup> Linginesi langa'vopilemo' hota nizavesi elese molo-lengemavo aliza aleve muki' nene eze Sikalahu've lehize-lengedelesa lo huko neine' ma ve.

<sup>40</sup> Petolo' aza ti' lo lo-ngemosa gamazi muki' imine' molo ga'ine do ti' lo lo-ngimine': Evene' zuho goloso minani' mene O'moso'mo goni' o-ngedo ngebelelingu' nene lengikisi lengebelamivo lukuvo nalizangisi olovo' ilo lo lo-ngimine'.

<sup>41</sup> Ti' lo lo-ngemavo eze gamazi gili dave gohi tili tauseni (3,000) nene imine' milavo mono' noso hili-ngidani' ve.

### *Izesu'nimu' Gili Ele'vole' Avelite Igi Mili Minani' Monovoli'mi Gamazi've*

<sup>42</sup> Ne'mine ogavo gamene gamene amuzo mili di gese' igi gili hamo' igi aposolo apizi ngimani' gamazi gili haza noso' nitekisi lebeni initekisi ni O'mosola li minaa' ani'.

<sup>43</sup> Ti' igi nizavo aposolo ingine O'moso'mi amuzo ningilizave li ei' velemu' ato ato' initekisi golize nitekisi di soto' ikevo evene' muki' ngehelele izivo minani'.

<sup>44</sup> Izesu'<sup>ni</sup> gili imaa' ave ingine muki' hamo' zuho lili' igi inite' mata' di minani' nene mukito' inite' ogavo di minani' ve.

<sup>45</sup> Misubo'ine nehe heneni nganeni'ine nehe nene meni hizi a'midoti' moni dani' nene inite'ine nomivo vise' iga' ave ize' mili engi' votigilelo' ngimani' ve.

<sup>46</sup> Lu'ine ga'ine mili hamo' igi mono' numuno nabau' mulise milaa' ani'. Ido' numungu' numungu' di gese' ika' ika' igi mini noso' nite' naa' ani' nene mulu'ningu' lamine' gili balu i-ngidi

<sup>47</sup> ni mini O'mosola opo'<sup>ni</sup> li minikevo evene' muki' ningi lamine' i-ngidani'. Ne'mine navo Guvelesi ve ne'mo gamene gamene evene' gohi ma do ngu' izo ei' evenele zuhou' do imine' molo-ngedaa' ine' ve.

### 3

#### *Mono' Numuno Naba'mi Gatedo' Ve Gebili Ma Di Lamine' I-dasine' Gamazi*

<sup>1</sup> Gamene ma Petoloki Zohaneki nivenga' gamene tili kilokulo' nene O'mosola laa' ani' gamene ogavo mono' numuno nabau' dizilisa nivasivo

<sup>2</sup> ve ma izelehi mulunouti' gebili soto' ive nene mono' numuno ne'mi gateni ado' lamine' goloso neive laa' ani' gatenilo' nene gamene gamene ele'mizi di huli-dikevo a'mido' mino evene' dizi

limi ave nene monimu' voku' voku' lo-ngedo minaa' ine' ve.

<sup>3</sup> Petoloki Zohaneki mono' numuno nabau' dizilisa nivasivo ningi monimu' voku' lo-ngidine'.

<sup>4</sup> Voku' lo-ngedavo Petoloki Zohaneki vonu' bili Petolo' ti' lo lo-imine': Vonu' lebelezo.

<sup>5</sup> Ti' lo lo-emavo ve gebili aza giline' nene inite' ma nemelesa lihe lo vonu' ngibiline'.

<sup>6</sup> Ne'mino neivo Petolo' ti' lo lo-imine': Nezela moni heneni'ne nomine'za inite' hamo' ma neine' nene gemekuvo dalosane. Nasalete ve Izesu' Kilisito' ei' velemu' lo-gemekuvo oto aka monezo.

<sup>7</sup> Ne'mine lo-emo ana zamela do do ote-davo lite' lo gizene luhisesi omuvosi amuzo molavo

<sup>8</sup> lite' lo ote pehe lo aka mono oluto' dize dize' ogo mono O'moso opo'ni nolivo engikisi mono' numungu' maka' dizani'.

<sup>9</sup> Dizikevo aka nomono O'moso opo'ni nolivo evene' muki' ningi

<sup>10</sup> gateni lamineku' mino monimu' voku' voku' lo-ledo minaa' ive ma neive li gili lamine' ingumu' sizaga li geke' li-dani' ve.

### *Petolo' Mono' Numuno Nabau' Mino Gamazi Lo-ngimine' Gamazi*

<sup>11</sup> A'mine di lamine' i-dasive nene Petoloki Zohaneki engita vo gi'mizo neivo evene' muki' ningi mono' numuno neu' he' numuno naba gizikani' gulive Solomoni' ve langu' nene loti' izi vi di gese' igi ve'ine gahava nomivo minani'.

<sup>12</sup> Petolo' evene' ningi ti' lo lo-ngimine': Isilaele' alevekizo, ve mene ningi sizaga goloso nilani' nene leli' amuzotedunu' nomive. Idol'

leli' laminetemu' ogo ma do lamine' o-damusive.  
Nemu' vonu' vonu' libilamilo.

<sup>13</sup> O'moso ado' avotemote Abalahamule Isakale Zakobole ido' avotemote muki' gelekele' i-daa'  
ave nene aza gipele Izesu' gulive do hozi lo  
amuzo've do soto' ogavo ningave. A'mine ve  
Izesu'ni nene lingine guvelesi ve Pilato' anau'  
ele'mizi milikevo Pilato' aza iseve ize-delove lo  
nolivo lingine Pilato' velelo' mehedine imi bele-  
live lani'.

<sup>14</sup> Ee, a'mine lulo laminekisi ve lisihe' lamine'  
nene ezemu' gosele' lengebelavo o've li-di evene'  
bele hilive ma gomukuti' nalato' neivo lingine  
Pilato' iseve ize-davo a'mine evene' bele hilive  
lezesi minelone lani'.

<sup>15</sup> Ne'mine igi minevo' alevo' ne'mi melehine  
bili hilani' ve. Bili hilani'za O'moso'mo hilinguti'  
do ote-dine'. Ido' do ote-dine' nene la'liset Ning  
none' ma ve.

<sup>16</sup> Izesu' gulivel' gele ele'vole' ogo minosa  
ningaa' ave mene do lamine' o-dusivo aza  
Izesu'nimu' gele ele'vole' idi'mo lamine' ine' ve.

<sup>17</sup> Zogone zuhokizo, linginesi gizebo vetinesi  
Izesu'ni i-dani' nene gili lamine' ami ladani igi  
minani' nemu' i-dani' ne gele nouve.

<sup>18</sup> Do lu' izelive lo O'moso'mo imiselelesa live  
mene aza mulumo gelo heleleseive lo O'moso'mo  
line' gamazi ado' polohete mukilite li soto' ikeni'  
gamazi nene ne'mine ogo do gihile ize-dave.

<sup>19</sup> O'moso'mo lihimetine gilit-  
lengedelingumu' ve li lutine di velepe' izi goloso  
nitetine hulilo.

<sup>20</sup> Ne'mine ikevo O'moso'mo hongu lo lamine'  
mina' nene do soto' o-lengedo do lungu' izelive

lo imiselelove lo lo huko salani molo-lidive nene lengita imiseleleseive. A'mine do lu' izelive nene Izesu' ma ve.

<sup>21</sup> Eze nene Okulumoli'mo asabu' o-davo a'mida mineline' ogave. Mino O'moso'mo inite' mata' do gosoho' iline' gamene nene alitavo ma tine' molo aloseive. A'mine gamenemu' nene O'moso'mo gamazi've ve'ningu' molavo gozopo' aka'milati' ei' polohete've kekeize li minani' nete li soto' ani' ve.

<sup>22</sup> Ido' Mose' aza gamazi ma ti' lo line': Guvetinesi ve O'moso aza lengi' zuhouti' ve ma eze gamazi lo soto' ilive polohete nenii' ne'mine do ote-do hulo-lengedeleseive.

A'mine veli'mo gamazi lo-lengemeline' nene gili dalo.

<sup>23</sup> Ido' a'mine polohete'mo lilin'e gamazilo' ve malii'mo gele damiline' nene

bilikeyo O'moso'mi evenele zuhou' minamo osu' liliive lo line'.

<sup>24</sup> Ee, gamazi li soto' igi minani' polohete ado' Samuvelikisi ido' ezelot'i alinge' milavesi muki' idise mene gamenemu' li soto' ani'.

<sup>25</sup> Lingine polohete minaveti gize'nido' lisi nimonaze. O'moso'mo avotingine gamazi lo huko lo-ngimine' nene linginemukisi line' ma ve. Nemui' neve Abalahamu'ni ti' lo lo-imine': Ga'vopilemo' ma misubou' zuho ato ato' nene no'noho' ize-ngeleseive lo line'.

<sup>26</sup> Gana' Zuda ve lengikumu' ve lo gipele do ote-do imiselavo lingine goloso nite' di'mi vi minangut'i nene lengi' hamo' hamo' do ti'ne-lengedo no'noho' ize-lingidine' ve.

## 4

*Petoloki Zohaneki Kanisoleti Vovo'ningu' Minasine'*

<sup>1</sup> Petoloki Zohaneki gamazi ne'mine li evene' li-ngimi nizasivo eveneto' medeli mini O'moso inite' lehizi-daa' ave nabasi mono' numuno nabau' gizebo iga' ave pilisi veti guve'inesi ve nabasi Sadukaio' evene' masi engita igi heteli nizavo

<sup>2</sup> evene' apizi ngimi O'moso'mo Izesu'ni hilinguti' do ote-dine' ne'mine ogo evene' masi do ote-ngegedeleseive li lasingumu' gili goloso igi

<sup>3</sup> a'nido' diki ti' li lani': Nivenga' mo molako aize' goni' o-ngedelone li na'navा numungu' huli-ngidani'.

<sup>4</sup> Ne'mine i-ngidani'za lasine' gamazi gilave muki' nene gili ele'vole' ani'. Ido' ne'mine ikevo gili ele'vole' ave nene imine' milikevo naba'ine nene faef tauseni (5,000) ine'.

<sup>5</sup> Ingi go' lavo Zuda veliti guve'inesi vesi mono' gizebo vesi mono' apizi ngimaa' avesi Zelusalemi numuda mulise milani'.

<sup>6</sup> Ee, eveneto' medelo mino O'moso inite' lehize-daa' ive naba Anasi' ve Kaaha' ve Zohane' ve Alekisade' ve ido' eveneto' medelo mino O'moso inite' lehize-daa' ive naba'mi zuho mukikisi mulise mili mini

<sup>7</sup> aposolo ngele'mizi di igi vovo'ningu' di ot-ingidi ti' li longo' i-ngidani': Ve a'ne'minelitise lingine zahidati' amuzo di ido' zahi gulivel' me suno dasive.

<sup>8</sup> Ti' li longo' i-ngidikevo O'moso'mi Sikalahuli'mo Petolo' lulou' gono davo aza ti' lo

lo-ngimine<sup>1</sup>: Evene<sup>1</sup> guvetesi vekizo, ido<sup>1</sup> gizebo vekizo,

<sup>9</sup> ve gebili ma do lamine<sup>1</sup> o-dusine<sup>1</sup> mamu<sup>1</sup> nene nadi<sup>1</sup> igi di lamine<sup>1</sup> i-dasive li longo<sup>1</sup> nii-lidahe.

<sup>10</sup> Linginesi Isilaele<sup>1</sup> aleve mukikisi gililizave lo lo-lengemeloze. Gililo. Nasalete ve Izesu<sup>1</sup> Kilisito<sup>1</sup>ni langisetine lohoto<sup>1</sup> zalo<sup>1</sup> bilikevo O'moso<sup>1</sup>mo hilavetidati<sup>1</sup> do ote-dive ne<sup>1</sup>mi amuzo<sup>1</sup>velo<sup>1</sup> me ve nene lamine<sup>1</sup> ogosa vetida ote neive.

<sup>11</sup> Mono<sup>1</sup> godolou<sup>1</sup> gamazi ma ti<sup>1</sup> li gizi nizani<sup>1</sup> ma neive:

Numuno gizaa<sup>1</sup> geheni lingine numuno gizaa<sup>1</sup>  
ave nete ningi hulani<sup>1</sup> ne<sup>1</sup>mo nene geheni  
muki<sup>1</sup> ngivile<sup>1</sup> ogo numuno do amuzo mo-  
laa<sup>1</sup> geheni

lolo<sup>1</sup> ogo neive.

<sup>12</sup> A<sup>1</sup>mine geheni nene Izesu<sup>1</sup> ve. Numudo<sup>1</sup> namado<sup>1</sup> ve lelikuti<sup>1</sup> do lu<sup>1</sup> izelive gohi ma nomive. Ado<sup>1</sup> eze gulivel<sup>1</sup> lamine<sup>1</sup> olonive gohi ma nomive. Ei<sup>1</sup> hamokovo<sup>1</sup> nene neive lo longimine<sup>1</sup>.

<sup>13</sup> Ne<sup>1</sup>mine lavo Petoloki Zohaneki ngehelele izamivo gamazi livi<sup>1</sup> kiselivi<sup>1</sup> igi lasine<sup>1</sup> nemu<sup>1</sup> ingine sukulu ma lamasive haza ve matise ve li gili sizaga li Izesukisi maka<sup>1</sup> minasive matise lasi nave li gilani<sup>1</sup>.

<sup>14</sup> Ne<sup>1</sup>mine igi di lamine<sup>1</sup> i-dasive nene engikisi minavo ningi ngelemilizani<sup>1</sup> gamazi vise<sup>1</sup> igi hulan<sup>1</sup>.

<sup>15</sup> Vise<sup>1</sup> igi huli goni<sup>1</sup> numunguti<sup>1</sup> ngele<sup>1</sup>mizi heto<sup>1</sup> igi engikovo<sup>1</sup> ti<sup>1</sup> li li gili ha gele ani<sup>1</sup>:

<sup>16</sup> Ve mene nadi' o-ngedelone. Ingine ato' suno dikesive li Zelusalemi aleve muki' nene gili osu' likenako laza nadi' ogo ataize lo-ngedelone. Ne nomive.

<sup>17</sup> Nem'u' a'mine gamazi hutile' ogavo evene' masi gilikelizave lii Izesu' gulive ihe' gohi li soto' igi li-ngimamilizo lo ga'ine dalone lisa

<sup>18</sup> alizo li asi li-ngidani'. Asi li-ngidikevo ike-sivo Izesu'nimu' li-ngimi eze gulive gohi li soto' amilizo li o've li amuzonga li li huki-ngidani'.

<sup>19</sup> Li huki-ngidikevo Petoloki Zohaneki di velepe' izi ti' li li-ngimasine': Langisetine gili ningilevo. Lengi' eveneliti gamazi gele do O'moso'mi gamazi gele hulokusivo O'moso'mo gilivo lamine' ilihe.

<sup>20</sup> La'lisetet ningo gilusine' inite' nene nanitekumu' hiteko minelesive. Lo soto' soto' ogo minelesusive.

<sup>21</sup> Ne'mine likesivo gizebo ve naba' naba ingine ngehelele izine' gani gohi li-ngimi soto' ine' initekumu' nene evenelite O'moso opo'ni li minanako lilimikelizave li ngibililizani' akamu' vise' igi haza ngimiseli hulikevo vasine'.

<sup>22</sup> Golize inite' di di lamine' i-dasive nene kilisi-masi've foti (40) ivile' ogo minine' nenako nemu' evenelite O'moso opo'ni li minani'.

### *Izesu' Gamazi've Lovo' Kiselevo' Ogo Lolone Li Eze Zuho Nete O'mosola Lani' Gamazi*

<sup>23</sup> nGimiseli hulikevo limi ingine zuho nizada vi eveneto' medeli mini O'moso inite' lehize-daa' ave nabasi mono' gizebo ve nabalitesi li-ngidani' gamazi nene vetete' igi li-ngimikesivo

**24** gili lu'ine mili hamo' igi O'mosola li ti' li lani': Vozeu' ve Guvekasi ve, Okulumo' misubo guvo noso ido' a'mingu' minani' inite' muki' do soto' aniveke,

**25** Sikalahuka ne'mo geze gelekele' gipa avoteho Davidi'ni nene do ote-do gamazi veleu' molavo ti' lo line':

Evene' heta ato' ve nene ngizebolo' molavo gopo gani lani' nene

ido' evenelite haza gopo igi gamazi goloso li hukani' nene nanimu' neve.

**26** Misubou' misubou' veti guve'inesi ve ido' gizebo ve'ine ingine,

Guvelesi vesi ido' ve naba ve lo do kegese-divesi nene lovo o ngemelone li di nene igi di gese' ave lo line'.

**27** Ee, lulo laminekisi gelekele' gipa Izesu'ni nene do lu' izelive ve lo eze do kegese-danive nene lovo imilisa Helode' ve Podio' Pilato' ve heta ato' vesi Isilaele' alevesi ingine lamine' mene ebeku' di gese' igi

**28** gasika gozopo' gaka gelo amuzokalo' molo gelo salani molo-dane' inite' nene i-dani' ve.

**29** Ne'mine ani'za Guvetesi ve make, lehelele izine' gamazi lani' nemu' gele mino gamazika livi kiselivi' igi lilizave lo gelekele' veka leli' nene vete do lapa nomine' o-ledo

**30** amuzoka lemanivo inite' gizi dave do lamine' o-ngedo eze monovo ningilizave lo gelekele' gipa lulo laminekisi Izesu' gulivelo' ato' suno do gono dalone lo nolune li lani'.

**31** Ne'mine li O'mosola likevo di gese' igi minani' numuno nene gulukulu' ogo mo'mongo'

ogavo O'moso'mi Sikalahu' ne'mo lu'ningu' gono do ve'ine do lapa nomine' o-ngedavo O'moso'mi gamazi livi' kiselivi' igi golise gilami li-ngimika' i'mi minani' ve.

*Initi' Mata' Nene Mukito' Initi'ine Di Minani' Gamazi*

<sup>32</sup> Ido' gili ele'vole' igi minani' aleve ingine lu'ine ga'ine mili hamo' igi initi' mata'ine di minani' nene gei' initeka ve nen'i initi'ne ve lami mukito' initi'ine di minani'.

<sup>33</sup> Ne'mine igi nizavo aposolo ingine Guvelesi ve Izesu' hilinguti' otine' gamazi nene amuzo mili li soto' i ngimi' ngimi' igi minikevo O'moso'mo hize ele' o-ngedavo evenelite ingine mukikumu' ningavo lamine' ine'!

<sup>34-35</sup> Numuno nehe misubo nehe initi' me'ninge nete meni've di di vi aposolo ngimikevo evene' linge ma initi' mamu' vise' ikevo ma vise' ani' votigile ngimaa' avo engikuti' ve mali'mosi initi'kumu' ma vise' amaa' ine' ve.

<sup>36</sup> Ido' ne'mine suno nene Zosehe' nesi dani' ve. A'mine Zosehe' nene aposololite gulive gohi ma Banabasi' ve li mili-dave Levi' a'vopilemo' zuho mono' gono daa' aveuti' minive ado' Kipilo ailaniu' soto' ivemu' noluve. Ido' a'mine gulive Banabasi' ne'mi monovo nene do ngu' izaa' ive ve lo neive.

<sup>37</sup> A'mine ve aza ebe' za zuho've ma do minine' nene meni hizikevo moni do aposolo do vo ngimine' ve.

## 5

*Ananiaki Elenaho Sahilaki Gamazi Gosoho'  
Lasingumu' O'moso'mo Lihime nGimine' Gamazi*

<sup>1-2</sup> Banabasi' ne'mine ine'za ve ma gulyive Ananiakisi elenaho Sahilakisi angise'ine gamazi li gili ebe' za zuho'ine evene' ma ngimi a'midot'i moni dasine' nene lingela di halekisa lingela Anania' do vo aposolo ngimine'!

<sup>3</sup> nGemayo Petolo' ti' lo lo-imine': Ananiamo. Gaza Satani'mo lemo lukau' gono davo nanimu' O'moso'mi Sikalahu' soza gani lo-emo misubo'mi meni lingela do halekekane.

<sup>4</sup> Misuboka geita minelinako gasika gelo nge-maine' ma ve. Ido' ngemo meni daine' nene gei' monika neine'za la'lise voku' lo-gedamune. Nedunu' do inite' mataka dalo ma dalinako gei' luka'mo goka izavo nanitekumu' ne'mine ane. Evene' soza lo-limuhe lo O'moso soza lo-emo golo izane.

<sup>5</sup> Ti' lo nolo-imivo Anania' nogelo nogelo lemo pou' lo ongo hiline'. Helavo ningi gilave nene ngehelele naba izine'.

<sup>6</sup> Izi-pe goso've minani' nete gonoso nene lavolavotunu' asabu' izi di vi galese izi-dani' ve.

<sup>7</sup> Galese izi-dikevo gamene tili aua ne'mine ngomo mine ha'na noogo elenaho a'mine gamazi gelamo vanaho ha neihe lo ogo heteline'.

<sup>8</sup> Hetelavo Petolo' ti' lo longo' o-do line': Olo. Misubolot'i meni've mo a'nevo' dasine' nehe. Ne'mine lavo aza ti' lo line': Oo. Mo a'nevo' ve.

<sup>9</sup> Lavo Petolo' ti' lo lo-imine': Lingine nanitekumu' gamazi li halekiki Guvelesi ve'mi Sikalahu' golo izasive. Vangahine di galese izidave ma nesu gateda lidi lidi li niigi lanako gezesi a'mine a'mine igi di vi galese izi-gidilisave lo nolo-imivo

**10** nogelo galinali lo gizeneu' lemo pou' lo ongo hiline'. Helavo goso've nete dizi gonoso ne ningi di vi vanahine galese izi-dado' galese izi-dani' ve.

**11** Galese izi-dikevo noso hilave mukikisi evene' linge ma a'mine gamazi gilave mukikisi nene ngehelele naba izivo minani' ve.

*Aposololite Ele'vole' Inite' Ato Atoli'mine Di Soto'Ani'*

**12** Aposolo ingine ato ato' suno di eveneta inite' ato ato' muki' di soto' iga' ani'. Ido' Izusu'nimu' gili ele'vole' iga' ave muki' lu'ine di hamo' igi mini mono' numuno naba'mi he' numuno ma gizikani' ma gulive Solomoni' ve lo minine' neu' nene di gese' igi minaa' ani'.

**13** Nizavo evene' heta minavete engikumu' sizaga li di naba i-ngidani'za ngehelele izavo vi engita gi'mizamani'.

**14** Vi gi'mizamani'za vene' vemoho' muki' vanu hizi igi gili ele'vole' igi Guvelesi vela igi imine' mili gi'mizaa' ani'.

**15** Ne'mine ikevo gebili nabili inite' gizi davesi ngele'mizi vi Petolo' ogo novivo mumuno'mo nesi linge ma avuto' ngebelavo lamine' ilizahé li holomosi ingaa' ani' initekisi di vi akalo' huli ngimika' ani'.

**16** Zelusalemi ebe' gahevela ingani' aleve mukikisi igi engita inite' gizi dani' alevesi ido' lu'ningu' sikalahu' golosoli'mo mino do goloso o'ngedo minivesi ngele'mizi ikevo di lamine' igi osu' li-ngidani' ve.

*Aposolo Goboni Mili-ngidani' Gamazi*

**17** Ne'mine igi nizavo eveneto' medelo mino O'moso inite' lehize-daa' ive nabasi ezela igi gi'mizave muki' ado' Sadukaio' aleve a'mido' mulise milaa' ave engikuti' minikevo ngizebolo' goloso molavo

**18** aposolo a'nido' di gili' li ngele'mizi di vi evene' mukiliti nala' numuno gizikangu' huli-ngidani'.

**19** Huli-ngidikevo nizavo holuka' liti'musou' Guvelesi ve'mi angelo' mali'mo ogo nala' numunguti' akahe si'ze-ngedo ngele'mize heto' ogo ti' lo line':

**20** Vi mono' numuno nabau' oti mini O'moso'mo do lu' izavo minevo' minevo' ogo minaa' gosoholi'mi monovomu' gamazi muki' nene li soto' igi evene' li-ngimi minilo.

**21** Ne'mine lavo gili go' lolosa neivo mono' numuno nabau' dizi a'mine gamazi li soto' i-ngimi minani'. Nizavo eveneto' medelo mino O'moso inite' lehize-daa' ive nabasi ezela gi'mizi minavesi di nubo igi engi' Isilaele' aleveti gizebo veti kanisole naba'ine vise li di mulise mili-ngidi a'mine ve ngele'mizi alizave li pilisi ve ma nala' numuda ngimiselani'.

**22** nGimiseliikevo vi ningani'za nala' numungu' nene nizamavo vise' igi di tibizi vi ti' li li-ngimani':

**23** Vune'za nala' numuno'mi akahe nene gizi gili' likevo gatedo' gizebo iga' ave nene ha oti nizavo ningune'za akahe si'zune' nene evene' hamokisi ma nizamavo ningune' ve.

**24** Likevo mono' numuno nabau' gizebo iga' ave ado' pilisi veti guve'inesi ve nabasi eveneto'

medeli mini O'moso inite' lehizi-daa' ave nabasi gili aposolo nadi' ahe li gopo ga'ine gili alinge' nene inite' ma nadi' ogo soto' ilihe li lani'.

<sup>25</sup> Ne'mine li nizavo ve mali'mo ogo hetelo ti' lo lo-ngimine': Mene gililo. Lingine nala' numungu' huli-ngidave nene mono' numuno nabau' mini evene' mono' li-ngimi nizave.

<sup>26</sup> Lavo pilisi veti gizebo ve'ine aza pilisi ve ma ngele'mizo vo aposolo ngele'mizo ani'. A'mine pilisi ve nete ngele'mizi ani'za evenelite gehenidunu' libilikelizave li golise gili ngibilami zou li ngele'mizi ani' ve.

<sup>27</sup> nGele'mizi kanisoleti vovo'ningu' huli-ngidikevo nizavo eveneto' medelo mino O'moso inite' lehize-daa' ive naba ne'mo ti' lo longo' o-ngidine':

<sup>28</sup> Laza a'mine ve'mi gulive igi li-ngimi' ngimi' amilo lo amuzo molo lo-lengemamune' nehe. Olo. Lingine peleseve' izi a'mine gamazi nene Zelusalemi numungu' li hutile' ikevo buu line' ma ve. Ne'mine igi a'mine ve bilaveliti lihime'ine nene leli' okodela dizelive lisa nahe.

<sup>29</sup> Lavo Petolole aposolo linge masi di velepe' izi gamazi ti' li li-imani': Eveneliti gamazi gele do O'moso'mi gamazi gele hulaa' ne ma nomive.

<sup>30</sup> Lingine Izesu'ni lohoto' zalo' bili hilikevo avotemoteliti O'moso'ine ne'mo do ote-dine' ve.

<sup>31</sup> Otavo Isilaele' aleve lingine lutine di velepe' izikevo lihimetine hulo-lengedelive lo Guvetesi ve ve lo ido' do lu' izaa' ive ve lo O'moso'mo ei' amuzodunu' do dize-davo neive.

<sup>32</sup> Ido' a'me luvoni' inite' nene ninga gelosa a'minemu' lo soto' o lengemelonive nene leli'

ne none. Ido' lelikovo' nomive. O'moso'mi Sikalahu've nesi nene lo soto' oga' neive. A'mine Sikalahu've nene O'moso'mo eze gamazilo' gele daa' unive nene leme neine' ma neive lo longimine'.

<sup>33</sup> Ti' lo lo-ngemavo ngizebolo' goloso molavo mo ngebelelone li gilani'.

<sup>34</sup> nGebelelone li gilani'za Zuda veliti kanisole mulise nabauti' ve ma Halisaio' ve aza Mose' lou' gamazi gize ngimine' nene apize ngemaa' ivo evene' muki' ezemu' gilavo dize minive ne'mi gulive Gamaliele' ne'mo oto aposolo vi heta igi gamene ngomo minilizave lavo vi minikevo

<sup>35</sup> kanisole alevemu' ti' lo lo-ngaime': Isilaele' aleve neze zuhokizo, lingine a'mine ve nadi' ingidilizahe. Gatine gili nge li minisa i-ngidilo.

<sup>36</sup> Gamene gozopo' aka'mila ve ma gulive Teuda' aza oto ve guve'nesi ve naba nouve lavo evene' fo hadeti (400) ne'mine ezela gi'mizani'za alinge' ngamani nete me'nibine bili hilikevo ezela gi'mizave nene hutile' igi vi haha ikevo a'mine inite' osu' line'.

<sup>37</sup> Ido' alinge' gulivete gizani' gamenela nGalilaia ve ma gulive Zuda' ve lo minive ne'mo oto evene' linge ga'ine do lovo do soto' ogo ngamani ngebelelone lavo gili imikevo lovo hizangu' nene Zuda'ni bili hilikevo eze aleve muki' vi hutile' igi vi halekani'.

<sup>38</sup> Nemu' ne mene vemu' lo-lengemeloze. Gililo. Lingine huli-ngaimekavo haza minilizave. Ingine di soto' ani' inite' nene haza evenelite ga'ine gili gono di di soto' ani' noline' nene mo gopo ogo haha oloseive.

**39** Ido' O'moso'mo hize ele' o-ngedo minivo di soto' ani' noline' nene lingine O'moso ivile' igi ingine gono nidangumu' nene ngeli o've li lingidilizahe. O'mososi lovo i imi minikelizave lo nemu' nolo-lingimuve lo lo-ngimine!. Longemavo ingine gili di

**40** aposolo gohi ngele'mizi numunguko dizi lobuno gavosodunu' ngibilivi' ngibilivi' igi Izesu' gulive igi evene' li-ngaamilizave li li huki-ngidi ngimiseli hulani'.

**41** Ido' ngimiselikevo a'mine kanisole alevesi minadoti' huli-ngidi ngolize izi'mi limi vani'. Ido' ngolize izi'mi limi vani' nene ingine O'moso'mo lelikumu' gelavo lamine' ogavo ingine Izesu' gulive di minangumu' ve li biluvalite di'mi limi-ngidi ngibililizani' nene monoku' amuzo'ine nene a'mine geni ha gihilizado' lisihe' o neive lo giline' noloseive li ngolize izi'mi vani' ve.

**42** Ne'mine ogavo gamene gamene mono'numuno nabaukisi numudasi O'moso'mo do lu' izelive lo imiselelesa live nene Izesu' minine' nenako nemu' gamazi lamine' nene di halekami li soto' igi apizi ngimi' ngimikovo' igi minani' ve.

## 6

### *Evene' Hize Ele' Oga' Gonolo' Gizebo Ve Seveni Di Oti-ngidani' Gamazi*

**1** A'mine gameneu' nene Izesu' evenele zuho mo imine' mili'mi nivavo engikuti' evene' ma ado' nGiliki eveneliti gamazi'ninguti' laa' ave nete ti' li li mulu'ningu' goloso gilani'. Gamene gamene noso' nite' ize' mili ngimaa' angu' leze

muliseuti' minani' geto' vene' ne ningi huli-  
ngidi noso' nite' mili-ngidisa'mave li mulu'ningu'  
goloso gili Zuda veti gamazi'ninguti' laa' ave  
ngelemilisa lani'.

<sup>2</sup> Ne'mine ikevo aposolo tuvelu ingine Izesu'  
evenele zuho muki' vise li di mulise mili-ngidi ti'  
li li-ngimani': Laza noso' nite' ize' molo ngemo  
minelesa O'moso'mi gamazi lo-ngemaa' noune'  
nene hulolone' ne edamoloseize.

<sup>3</sup> Leze zuhokizo, lingine lengikuti' evene'  
seveni O'moso'mi Sikalahu' gili imi nizavo  
lu'ningu' gono daa' neive ido' gamazi noso'vesi  
laminekovo' laa' ave evene' ningi gamangi  
mili-ngidaa' ave di soto' ikevo laza gono mene  
dalizave lo ngele'mize molalone.

<sup>4</sup> Ido' ne'mine ogo la'lise O'moso opo'ni lo ido'  
evene' O'moso'mi gamazi lo-ngemo lute hamo'  
minavo amuzo molo minelone.

<sup>5</sup> Likevo Izesu' evenele zuho muki' gamazi  
lamine' ve li Setehano' nene O'mosola amuzo  
molo gele emo minavo Sikalahu've'mo lulou'  
vauve elo gono davo minive nesi ido' Hilipokisi  
ido' Polokolokisi ido' Nikanolokisi ido' Timon-  
akisi ido' Palamenakisi ido' Nikolao' ado' Adiokia  
ebekuti' monokumu' Zuda vela gi'mizive nesi  
nene di kegesi-ngidi

<sup>6</sup> aposolo nizada ngele'mizi milikevo ingine  
a'mine gono ngimilisa O'mosola li a'ine  
godo'nido' hitani' ve.

<sup>7</sup> Ne'mine ikevo O'moso'mi gamazi hutile' ogo  
novivo Zelusalemi ebeta Izesu' evenele zuho  
vanu hizi imine' mili muki' goloso soto' navo  
eveneto' medeli mini O'moso inite' lehizi-daa'  
ave linge muki' ma Izesu'ni gili imi gamazi've gili

dani' ve.

*Setehano'ni Analo' Di Goni' I-dani' Gamazi*

**8** Ido' O'moso'mo Setehano'ni ninge lamine' ogo hize ele' o-do amuzo muki' emavo O'moso'mi amuzo ningilizave lo eveneta ato ato' suno doo do soto' ogo minine'.

**9** Ne'mine ine'za evene' malite oti gamazi lido' nene e'menga li-imani'. Ingue Zuda veti mono' mulise hamokutii' minani' ve. Ado' gobonii gelekele' ve minanguti' kuluhizi-ngidikevo minaveliti mulise'ine ve languti' nene minani' ve. Engikuti' ve ma Kilene misubouti' ve minavo ido' ve ma Alekisadalia ebekuti' ve minavo ve ma Kilikia misubouti' ve minavo ve ma Asia misubouti' ve minavo minani' ve. Ingue oti Setehano' gamazi lido' nene e'menga li-imani'za

**10** Sikalahu' ne'mo hize ele' o-davo Setehano' gamazi laminekovo' lavo ingue eze gamazi ngeli ivile' amilizani' ogavo

**11** evene' ma di ezemu' soza gamazi li-ningimilizani' nene suno' li-ningimisa di otin-gidikevo ingue me ve nene Mose'nisi O'mososi dovo ledevo' ogo gamazi nolivo gelekune li lani'.

**12** Likevo ingue haza vesi gizebo ve'inesi mono' apizi ngimaa' avesi go'ine izi di upuho' i-ningidikevo lite' mate' li vi analo' di engi' kanisole aleve nabala gonito' ele'mizi vani'.

**13** Ele'mizi vikevo sakupo gamazi laa' ave soza li ti' li lani': Me ve nene mono' ebe' memukisi O'moso'mo lavo Mose' lo huko-lidine' gamazi mamukisi dovo ledevo' ogo lo minaa' neive.

**14** Aza ti' lo gamazi nolivo gele noune' ma ve. Nasalete ve Izesu' aza ebe' mene do goloso ogo

Mose' gize limine' gamazilo' ogo molo oga' une'  
monovo nene do gopo' napa' oloseive line' ve li  
lani'.

<sup>15</sup> Likevo kanisole numungu' minave muki'  
nete vonu' bili ningani' nene golo velelo' ne  
angeloli'mi golo vele gele neivo ningani' ve.

## 7

### *Setehano' Ei' Monovo'vemu' Lo-ngimine' Gamazi*

<sup>1</sup> Ne'mine ogavo eveneto' medelo mino O'moso  
inite' lehize-daa' ive naba'mo ti' lo longo' o-dine':  
Mene gamazi nilani' nene mo lamine' nehe.

<sup>2</sup> Lavo Setehano' ti' lo lo-imine': Lingine  
gono'nemote ido' neze zuho gamazi lokuvo gililo.  
Avoteho Abalahamu' olihe Halana' misubouko  
vo minamo Mesopotamia misubouko ha neivo  
labana'vesi minaa' neine' O'moso ne'mo soto'  
omo

<sup>3</sup> ti' lo lo-imine': Geze misubokasi ido' geze  
zuhosi nene hulo-ngedo misubo ma gelebizeloni'  
nelo' nene vo mineline.

<sup>4</sup> Lavo gelo a'mine Kaladia' misubo hulo Halana'  
misubou' ne vo minine'. A'mida mino  
meleho helavo Abalahamu' aza O'moso'mo lavo  
leli' none' misubou' meuko nene ani' ve.

<sup>5</sup> Ogavo do goto' misubo lolol' ogo minamine'.  
O'moso'mo misubo ngomo ha nitekisi ma  
emamine'. Ee, misubo ma emamine'za azasi  
ido' a'vopilemo' zuhosdi minilizani' misubo  
ve lo salani gamazi lo-emo a'mine misubo  
lengemelove lo lo huko lo-dine' ve. Ido'  
a'mine ga'vopilemo' zuhosdi lengemelove lo line'

gameneu' nene Abalahamu' aza izipahala ma nomivo minine<sup>1</sup> ve.

<sup>6</sup> Ido<sup>1</sup> a'mine gamazi lo gamazi gohi ma ti<sup>1</sup> lo lo-imine<sup>1</sup>: Ga'vopilemo<sup>1</sup> vi misubo mala minikevo a'mida goboni izipe lili<sup>1</sup> i-ngidi mulumo gono ngimi di goloso i-ngidi nizavo kilisimasi fo hadeti (400) ogo voloseive line<sup>1</sup>.

<sup>7</sup> Ne'mine lo gohi imine<sup>1</sup> molo ti<sup>1</sup> lo line<sup>1</sup>: Kilisimasi ne'mine ogo vavo a'mine goboni izipe lili<sup>1</sup> i-ngidiliza aleve nene na'nise<sup>1</sup>ne goni<sup>1</sup> ongedelesuve. Ne'mine okuovo ngimiselikevo ga'vopilemo<sup>1</sup> me misubouko di tine<sup>1</sup> mili igi nopo<sup>1</sup>ni li gelekele<sup>1</sup> i-nidi minilizave lo lo-imine<sup>1</sup>.

<sup>8</sup> Ido<sup>1</sup> O'moso<sup>1</sup>mo salani molo-ngidine<sup>1</sup> inite<sup>1</sup> dalizave eze zuhouti<sup>1</sup> minilizangumu<sup>1</sup> nene Abalahamukisi ido<sup>1</sup> ei<sup>1</sup> a'vopilemo<sup>1</sup> zuhosu engi<sup>1</sup> gipe<sup>1</sup>ne oko<sup>1</sup>ne lolovo huki huli-ngidi O'moso<sup>1</sup>mi noso mili-ngidilizave lo lo huko lo-dine<sup>1</sup> ve. Ido<sup>1</sup> lo huko-davo gipele Isaka<sup>1</sup> soto<sup>1</sup> idoti<sup>1</sup> nene gamene seveni ogo vavo eiti malo<sup>1</sup> ne O'moso<sup>1</sup>mi noso molo-dine<sup>1</sup>. Molo-davo Isaka<sup>1</sup> aza mino naba ogo Zakobo<sup>1</sup>ni gidine<sup>1</sup>. Ido<sup>1</sup> Zakobo<sup>1</sup> ne'mo avotemotine tuvelu ne gidine<sup>1</sup> ve.

<sup>9</sup> Ne'mine ogavo a'mine avotemote ingine naku<sup>1</sup>ne ma Zosehe<sup>1</sup>nimu<sup>1</sup> livile<sup>1</sup> ogalinako li lukehe bili evene<sup>1</sup> ma ngimisa ei<sup>1</sup> oko<sup>1</sup>noloti<sup>1</sup> meni dani<sup>1</sup>. Dikevo a'mine ve nete ele<sup>1</sup>mizi Aigita misubosuko vani<sup>1</sup>za O'moso<sup>1</sup>mo Zosehe<sup>1</sup>nisi mininako ne<sup>1</sup>mo

<sup>10</sup> mulumo alumo nite<sup>1</sup> muki<sup>1</sup> soto<sup>1</sup> o-dingu<sup>1</sup> nene gizebo lamine<sup>1</sup> o-davo goloso amo minine<sup>1</sup>. Ne'mine ogo minavo Aigita misubou<sup>1</sup> veti guve<sup>1</sup>nesi ve naba Halao<sup>1</sup> aza Zosehe<sup>1</sup>ni ningine<sup>1</sup>

gamazi noso'vesivo' linako ninge lamine' o-do ne eze zuho ido' Aigita aleve mukikisi do nubuho ogo mukiliti guve'inesi ve minelive lo ele'mize molani'.

<sup>11</sup> Ele'mize molavo neivo Aigita misubouksi Kanaha misuboukisi ga'na naba soto' ogavo evene' muki' ga'nali'mo goloso ani'. Goloso ikevo avotemotesi noso' nitekumu' vise' ani'.

<sup>12</sup> Ne'mine igi mini alinge' evene' malite Aigita misubou' noso' nite' neive likevo Zakobo' gelo gana' api' ogo avotemotine ngimiselavo vi tine' mili ani'.

<sup>13</sup> Ido' gohi Aigita misubola vani' gameneu' nene ingine Zosehe'nimu' Aigita ve nehe li ha gili nizavo aza nakunotine Zosehe' ma ne nouve lo uvolomotine lo-ngemo Halao' neida ngele'mizo vavo engikumu' nene Zosehe' zuho ve lo Halao' ningi giline'.

<sup>14</sup> Ne'mine ogavo Zosehe' melehine Zakobo'nisi eze zuho mukikisi elese molo ngemavo evene' sevedi faef (75) ne'mine Zakobokisi Aigita misubouko vi minani'.

<sup>15</sup> Vi mini Zakobo' helavo ido' leli' avotemote minave ei' gipele zuho nesi hilika' hilika' igi osu' lani'.

<sup>16</sup> Hilikevo engi' izipaha'ine zuho nete gonoso'ine nene di vi Sekemi numuda galese izi-ngidani'. Ado' Abalahamu' aza Hamola' zuho meni ngemo gonoso ebe' meni hizingu' nene galese izi-ngidani' ve.

<sup>17</sup> Ne'mine lo Setehano' imine' molo ti' lo longimine': Ne'mine ikevo mino O'moso'mo Abalahamu'ni lo huko-dine' gamazi gihile izeline' gamene avito' ogavo leze avotemote zuho Aigita

misubou' mini vanu hizi mine hutile' ani'.

<sup>18</sup> A'mine gamene neu' nene guve'inesi ve naba gohi ato' ma Zosehe'nimu' gelamive Aigita misuboko soto' ogo minine'.

<sup>19</sup> A'mine Aigita ve aza leze zuho go'ine izo do goloso o-ngedo hililizave lo izipe namuno heta di huli' hulikovo' i-ngidilo lavo di huli' hulikovo' i-ngidaa' avo hilani'.

<sup>20</sup> A'mine gameneu' nene Mose' soto' ine'. O'moso'mo ningine' nene noso'vesi izipe lamine' minine'. Minavo melehi numungu' gizebo i-di nizavo

<sup>21</sup> ike'ni seto hamo' vavo di heta huli-dikevo Halao' aluvo'mo ningi do ti' ogo ei' gidine' gelavo gizebo o-dine'.

<sup>22</sup> Gizebo o-do neivo Aigita aleve ningi gilani' init'e mukikumu' apizi li-imikevo gele osu' lo amuzo ve lolo' ogo mino gamazi line' nehe ido' init'e ogo molo ine' nehe muki' init'e nene amuzovo' molo minine' ve.

<sup>23</sup> Ne'mine ogo mino kilisimasi've nene foti (40) ogo vavo eze zuho Isilaele' aleve vo ninge'ngedelove lo gelo lulo otavo vine'.

<sup>24</sup> Vo ninge neivo Aigita ve mali'mo Isilaele' ve ma do goloso o-do neivo ningi eze zuho alete molo-do Aigita ve'mo monovo do goloso o-dido' nene golo hizo a'mine Aigita ve nene bele hiline'.

<sup>25</sup> Ido' Mose' aza a'mine Aigita ve bele hiline' nene aza ne'mine okuvo neze zuho do ngu' izelove lo O'moso'mo nimiselave li ningi gililizave lo gelo bele hiline'za ingine ne'mine li ningi gilamani' ve.

<sup>26</sup> Ongo go' lavo vo Isilaele' ve sita' ma lovo

nihizasivo ningo kuku holo-ngedo do hongu longedelesa ti' lo line': Velizo, hamo' zuho nizasine' nenako ge nebele ne gebele nanimu' nilasive lo line'za

<sup>27</sup> eze zuho do goloso o-do minive ne'mo Mose'ni vasa ize-do ti' lo line': Geze nene lelito' gizebo iline lo zaho do ote-gedavo guvekasi ve lolo' ogosa leze gonito' lele'mize nomolane.

<sup>28</sup> Gaza ne'mine ogo aize' Aigita ve ma bele helaine' ma'mino nezesi a'mine'mino nebelelesa nolabe. Olo.

<sup>29</sup> Ne'mine lavo Mose' aza gelo golise Midiani misubou' vo venenga ve gelo minine'. Mino vene' do gipele sita' gidine' ve.

<sup>30</sup> Mino kilisimasi ihe' foti (40) ogo vavo vo Sinae golo ne'mi gizeneu' ebe' hadivel' neivo za li'nibe hamo' ma mininguti' olo' gulumo ogo neivo a'mine'mi lulou' angelo' ma soto' ogo neivo ningine'.

<sup>31</sup> Ningo a'mine initekumu' nanite' soto' neive lo gelo ninge vevesselove lo avito' vine'. Avito' vavo a'mine zauti' Guvelesi ve'mi nolo soto' ogo ti' lo line':

<sup>32</sup> Naza avamote nopo'ni li gelekele' i-nidaa' ani' O'moso'ine nene nouve. Ado' Abalahamule Isakale Zakobole engi' O'moso'ine nene nouve. Ne'mine lavo Mose' aza gelo luvo luvo izo ninglesa ehelele izine'.

<sup>33</sup> Ne'mine ogo neivo Guvelesi ve'mo ti' lo lo-imine': Nolisane' misubo nene do kegeso neni' ve lokupo neine' nenaze. Gizengalo' nite' nene kuluhizo hulozo.

<sup>34</sup> Neze evene'ne zuho Aigita misubou' nizavo Aigita aleve nete goboni mala' mala' i-ngidi

minikevo goloso igi minani' nene ninga agae agae li minani' nene ga'nelo' ogavo giluvoni' ve. Nemu' do ngu' izelove losa lemekuve. Idise gei' nene Aigita misubou' nogimiseluze. Vozo lo lo-imine' ve.

<sup>35</sup> Ee, a'mine ve Mose' nene ingine geze zaho do ote-gedavo guvekasi ve lolo' ogosa leze gonito' lele'mize nomolane li vasa izi-dave ve. Ido' a'mine ve Mose'ni O'moso'mo a'mine Isilaele' aleveti guve'nesi ve ido' do ngu' izelive lolo' ogo minelive lo engita imiseline'. Ado' angelo' ma O'mosolo' medelo mino za ngomou' olo' gulumo o miningu' soto' o-dine' ne'mo nene imiseline' ve.

<sup>36</sup> Imiselavo vo Isilaele' aleve Aigita misubou' minanguti' ngele'mizo Aigita misuboukosi guvo noso ma gulive Gulehe! Noso ve ladokisi ebe' hadive maukisi ngele'mizo novo kilisimasi foti (40) novivo ato ato' suno do minine'.

<sup>37</sup> Eze gamazi lo soto' ilive polohete ma nen'i ne'mine ma lengi' zuhouti' do ote-do O'moso'mo imisele-lengedelesive lo Isilaele' zuho lo-ngimive nene idise luvoni' Mose' ma ne neive.

<sup>38</sup> Avotemote Isilaele' aleve ebe' hadiveu' mulise mili nizavo a'mida Sinae gololo' a'mine ve azasi engikisi angelo' ma O'moso'mi gamazi lo-imivesi nizavo minevo' minevo' lemeni ne'mi gamazi do lemelove lo O'mosolati' dani'.

<sup>39</sup> Ne dani'za avotemote ingine eze gamazi gele damolone li vasa izi-di Aigita misubouko do ti'no voloninako li lu'ine nela milani'.

<sup>40</sup> Ne'mine igi Mose' uvoloho Aloni'ni ti' li limani': Mose' nene Aigita misubouti' lele'mizo ave aza vo gopo ihe vo hadene ihe laza gel-

munako gaza leze o'mosote gohi lolo' o-ledanivo  
gomu' molo limivo volone.

<sup>41</sup> Likevo ne gameneu' bulumaka' angale naba  
avazaha ne'mine lili' igi a'mine avazaha o'moso  
nene guno gizi imilizani' inite' di igi imi mini  
engi' a'inedunu' lili' ani' initekumu' ngolize izi  
minani'.

<sup>42</sup> Ne'mine igi Okulumoku' labana' elaa' ine'  
inite' muki' o'moso'ine lili' igi ngopo'ni lilisa igi  
minikevo O'moso'mo ti' igi minilizave lo velepe'  
izo mehene ngemo hulo-ngidine'. Ne'mine ani'  
nemu' O'moso'mo line' gamazi nene polohete  
luhuvo gizani' neu' ti' li gizi nizani' ma neive:  
Isilaele' alevekizo, lingine ebe' hadive mau' moni  
nizavo

kilisimasi foti (40) novivo ize ato ato' bili guno  
gizika' gizika' igi minani' nene  
nenikumu' nehe. Ne nomive.

<sup>43</sup> Lingine mono' numuno ado' seli numuno gele  
vine' di monani' nene  
avazaha o'mosotine Moloko'nisi ido' gohi ma  
sonohi' avazaha'vesi minine'  
Lehana'nisi ngopo'ni lilisa di monani' ma ve.  
Lolize izo a'mine inite' ngopo'ni lo minelone li  
avazaha inite' lili' igi  
di minani' nemu' nene na'nise lokuvo Kanaha  
misubo huli vi  
Babelonia misubo nesi huli misubo mauko vi  
mini mulumo gili minilisave line' ve.

<sup>44</sup> Ido' di minilizave lo O'moso'mo Mose'ni  
avazaha ogo elebizidi'mine lili' ani' mono' nu-  
muno selitunu' gizangu' O'moso'mi gamazi mi-  
nine' nene avotemote ebe' hadiveu' di minani'.

**45** Ido' me'ninge ngimikevo avotemote zuho engitoti' minani' netesi a'mine seli numuno di minani'. Ido' Zosua' ngele'mizo novivo O'moso'mo gomu' molo ngemo a'mine misubou' minani' zuho ato ato' nene ngeleto do nohulivo a'mine avotemote zuho Kanaha misubo di ti' ani' gameneu' nene a'mine mono' numuno nene di ani' ve. A'mida nene a'mine numuno ha di nizavo mini di igi guvelesi ve naba Davidi' soto' ogo neivosasi nene ha di minani' ve.

**46** Davidi'ni nene O'moso'mo ninge lamine' dani' ve. Ido' O'moso'mo ninge lamine' davo Davidi' aza Zakobo' nga'vo pilemo' zuho gelekele' i-dani' O'moso'inemu' numuno gosoho' do soto' o-delesa gelo ne'mine o-delingumu' nene longo' o-dine'za

**47** O'moso'mi numuno gosoho' gize-dive nene Davidi' gipele Solomoni' gize-dine' ve.

**48** Ee, numuno gize-dine'za Vozeu' ve dize neive O'moso nene evenelite a'inedunu' gizani' numungu' minevo' dovo' osa'mive. O'moso'mi gamazi lo soto' ive polohete ma ti' lo gize neine' ma ve:

**49** Guvelesi ve aneza gamazi lo ti' lo laa' neive:  
Okulomo' nene neze mo'mosi'ne ve.  
Ido' misubo nene gize'ne lise minaa' uvoni' inite' ve.

Nemu' nene numuno nani'mine numuno gizi-nidikevo lisihe' ilive.

Nani holomolo' mine geleloni' o neive

**50** Na'nise'ne a'netunu' Okulomo' Misubo do soto' muluvoni' ma gilamani' nehe  
lo gize neine' ve.

**51** Ne'mine lo Setehano' aza kanisole aleve lo-njemo imine' molo ti' lo line!:

Lingine a'manapa igi gamazi gilamaa' igi mini lutine gatine ngolo' lamivo avotinge igi mili iga' ani' suno ma'mine igisa lingine O'moso'mi Sikalahu' lovo i imaa' nave.

**52** Avotinge ingine polohete soto' ani' muki' goboni mili-ngidisa hamokisi ise'ine izi-ngidani' ma nehe. Ne nomive. Ve lisihe' lamine' ma soto' ilive li li soto' igi lave polohete nene ingine ngibili osu' likevo mini lingine a'mine ve lisihe' bili hililizave li biluvaliti a'ningu' milikevo bili hilani' ve.

**53** Ido' O'moso'mo lo hukine' gamazi nene angelole neve nete avotemotine ngimikevo dikevo imine' mili gizebo ilizave lo lengita ogani' neiha lingine gili damani' neive.

### *Setehano'ni Gehenidunu' Huli Huli' Igi Bilikevo Hiline' Gamazi*

**54** Setehano' ti' lo lo-ngemavo gili ngizebolo' goloso molavo ve'ine inghi gili' lani'za

**55** Setehano'ni lulou' O'moso'mi Sikalahuli'mo gono davo aza Okulumoku' vokene' ogo ningine'. Ningo O'moso'mi labana've ningo Izesu' O'moso'mo ana hulaa' ida neivo ningo

**56** ti' lo line!: Okulumo' ngolo' lavo ve gihile O'mososi mino ana hulaa' ida neivo ningekuve.

**57** Ne'mine lavo gili gamazi goloso nolihe li a'mine gelalone li ga'nido' hiti mini geke' li-di vi abuti' izi gili' lani'.

**58** Abuti' izi ehuso' igi di vi numuno si'mingala huli-di vi eze lihimel'vemu' li soto' ave nete geheni huli bili' bili' ilisa ingine oko'nido' inite'

ha'na ha'na ne kulu hizi gipe goso've ma minine'  
gulive Saulo' ne'mi gizeneu' di mulise milani'.

<sup>59</sup> Setehano'ni gehenitunu' nibilavo aza vise lo  
Guvekasi ve Izesovo, gaza sikalahu'ne dozo lo

<sup>60</sup> alabuvolo hize mino gamazi naba lo Gu-  
vekasi ve mene lihime nidani' nene do minamo  
hulo-ngedezo lo hiline'.

## 8

<sup>1</sup> Bili hilikevo Saulo' a'minem'u lamine' giline'  
ve.

### *Izesu' Evenele Zuhō Saulo' Goboni Molo- ngidinē' Gamazi*

A'mine gamene nene Izesu' evenele Zelusalemi  
ebeku' mulise milaa' ave api' igi goboni naba  
mili-ngidi minani'. Goboni mili-ngidi nizavo  
hutile' igi vi Zudaia misuboukosi Samalia mis-  
uboukisi vi osu' likevo aposolo angise'inevo'  
Zelusalemi ebeku' minani'.

<sup>2</sup> Ido' mono' gili lamine' ave ling'e ma Sete-  
hano'ni ive nama naba i-di mini galese izi-dani'.

<sup>3</sup> Galese izi-dikevo Saulo' aza Izesu' evenele  
zuhō ngebelo osu' lolosa ogo lovo o ngemo  
numu'ningu' numu'ningu' dizo vene' vemoho'  
gelelehe' malelehe' ogo do lemo na'nava nu-  
mungu' hulo-ngedaa' ine'.

### *Samalia Misubou' Izesu' Monovo Li-ngimi'mi Vani'*

<sup>4</sup> Ne'mine neivo hutile' igi vave ingine hutile'  
igi vado' vado' vi numudo' namado' Izesu'nimu'  
gamazi lamine' li-ngimi' ngimi' igi minani'.

**5** Mini Hilipo<sup>1</sup> Samalia ebeku<sup>1</sup> lomo vo O'moso<sup>1</sup>mo do lu<sup>1</sup> izelive lo imiselelesa live nene Izesu<sup>1</sup> ve lo lo-ngemo minine<sup>1</sup>.

**6** Lo-ngemo neivo evene<sup>1</sup> muki<sup>1</sup> nene gamazi line<sup>1</sup> gili hamo<sup>1</sup> igi gili lanite<sup>1</sup> gili ato ato<sup>1</sup> suno dani<sup>1</sup> nene ningani<sup>1</sup>.

**7** Evene<sup>1</sup> lu'ningu<sup>1</sup> minani<sup>1</sup> sikalahu<sup>1</sup> goloso muki<sup>1</sup> ngimisele hulavo geke<sup>1</sup> naba li limi vani<sup>1</sup>. Ido<sup>1</sup> lavo evene<sup>1</sup> gizeho<sup>1</sup> numuno avesi gebili nabilisi muki<sup>1</sup> lamine<sup>1</sup> ani<sup>1</sup>.

**8** Ne'mine ogavo Samalia ebeku<sup>1</sup> evene<sup>1</sup> ngolize naba izani<sup>1</sup>.

**9** Ido<sup>1</sup> a'mine ebe<sup>1</sup> nabau<sup>1</sup> ve ma minine<sup>1</sup> gulive Simoni<sup>1</sup>. Aza gamene ha'na luso ve lolo<sup>1</sup> ogo mino naza guve<sup>1</sup>nesi ve nouve lo Samalia aleve muki<sup>1</sup> go'ine izaa<sup>1</sup> ine<sup>1</sup>.

**10** Ne'mine neivo dizi minani<sup>1</sup> ido<sup>1</sup> limi minani<sup>1</sup> nene ezemu<sup>1</sup> gilavo dizine<sup>1</sup>. Ado<sup>1</sup> aza nene O'moso<sup>1</sup>mi amuzo malehe monovo<sup>1</sup>ve ato ato<sup>1</sup> minanguti<sup>1</sup> monovo ma ngivile<sup>1</sup> ogo amuzo molo minine<sup>1</sup> ve li laa<sup>1</sup> nani<sup>1</sup> nene dosa O'moso gele vine<sup>1</sup> neive li gili lani<sup>1</sup>.

**11** Ne'mine li gamene ha'na avazaha nite<sup>1</sup> dangumu<sup>1</sup> sizaga li<sup>1</sup>mi vi eze gamazi gili di vi eita gi'mizani<sup>1</sup>.

**12** Ne'mine igi minani<sup>1</sup>za Hilipo<sup>1</sup> aza O'moso<sup>1</sup>mo gizebo o-ledeline<sup>1</sup> mamukisi ido<sup>1</sup> O'moso<sup>1</sup>mo do lu<sup>1</sup> izelive lo imiselelesa live nene Izesu<sup>1</sup> neingu-mukisi mono<sup>1</sup> gamazi lamine<sup>1</sup> nene lo-ngemavo gili ele<sup>1</sup>vole<sup>1</sup> igi vene<sup>1</sup> vemoho<sup>1</sup> muki<sup>1</sup> noso hilani<sup>1</sup>.

**13** Simoni<sup>1</sup> asi<sup>1</sup>'vesi gele ele<sup>1</sup>vole<sup>1</sup> ogo noso holani<sup>1</sup>. Holo Hilipoda vo gi<sup>1</sup>mizo mono Hilipo<sup>1</sup> ato ato<sup>1</sup> suno do soto<sup>1</sup> ine<sup>1</sup> nene ningosizaga lo-

do minine!.

<sup>14</sup> Samalia aleve O'moso'mi gamazi gili dikevo Zelusalemi ebeku' minani' aposolo nete a'mine gamazi gili Petolongi Zohanengi engita ngimise-likevo vasine!.

<sup>15-16</sup> Vi heteli a'mine Samalia aleve ingine Guvelesi ve Izesu' gulivelو' noso hilani'za O'moso'mi Sikahalu' olihe engita lemamivo haza minani' nenako nemu' O'moso'mi Sikalahu' engita lemo minelive li O'mosola lasine!.

<sup>17</sup> Ne'mine igi a'ine godo'nido' hitikesivo O'moso'mi Sikalahu' engita lemo ogo minine!.

<sup>18</sup> Aposolo netise a'ine godo'nido' hitikesivo O'moso'mo Sikalahu've ngimine' nene Simoni' ningko engita moni do vo ti' lo lo-ngimine':

<sup>19</sup> Moni ma lengemekuvo dalisize. Nazasi ve ma zahi godololo' a'ne hitelohe. Hitekuvo O'moso'mi Sikalahu' ezela lemo minelingumu' a'mine di nizasine' amuzo ma nimilizo line!.

<sup>20</sup> Lavo Petolo' ti' lo lo-imine': O'moso'mo amuzo've haza lehize-ledaa' neine' nene moni hulo dalove lo nolabe. Nemу' gei' monikasi okongasi labuluvo oloseive.

<sup>21</sup> O'moso'mo gei' luka ningine' nene lisihe' amivo dusine' gono nene gei' dalinido' lisihe' amiline' ogako nemu' damolosane.

<sup>22-23</sup> Gaza lukau' lihime neine' ne'mi gihile ekese'vesi nalinido' mino ido' monovo goloso ne'mo angalo' do gili' lo neivo ogo molo mineline' akalo' nene nane lo ningko gele nouze. Nemу' nene gaza goloso nite' daine' mene hulo luka do velepe' izo lukatunu' gelaine' lihime mene hulonelive lo Guvelesi vela amuzo molo lozo.

**24** Ti' lo lavo Simoni' ti' lo line': Lingine nenikumu' nene lasine' inite' nenita soto' amilive li O'mosola lilizo lo line'.

**25** Aposolo ingine Izesu' monovo've li soto' igi Guvelesi ve'mi gamazi li-ngimi osu' li Zelusalemi ebeta di tine' mili nivi Samalia vetida ebe' mukiku' mono' gamazi lamine' nene li-ngimi'mi vasine'.

### *Hilipo' Aza Etiopia Ve Naba Ma Izesu' Monovo Lo-imine' Gamazi*

**26** Ne'mine nasivo Guvelesi ve'mi angelo' mali'mo Hilipo'ni ti' lo lo-imine': Gaza oto aka ma Zelusalemi ebetoti' eza gahevela lomo vo ebe' ma Gaza nela heteleline' akalo' nene lomo vozo. A'mine aka nene ebe' hadivela viline' akamu' noluve.

**27** Ne'mine lo lo-emavo Hilipo' nene oto lomo vine'. Novivo Etiopia misubou' ve naba zunoku' ma minine' aza ve naba lolo' ogo Etiopia aleveliti vene' guve'inesi vene' naba engi' no'ninguti' Kadake ve lani' ei' ne gelekele' o-do moni heneni'velo' gizebo o-do minaa' ine'. Aza Zelusalemi ebeta O'moso opo'ni lo-emelesa dizidoti'

**28** tine' molo nolemo hosi izelite gelelehe' iga' ani' kalisiu' dizo novo O'moso'mi gamazi lo soto' oga' ive polohete Isaia' gizine' gamazi nogativo

**29** Sikalahuli'mo Hilipo'ni ti' lo lo-imine': Gaza volene kalisilo' avito' vozo.

**30** Lavo loti' izo avito' vo polohete Isaia' gizine' gamazi gato neivo gelo ti' lo longo' o-dine': Gamazi nogatane' nene monovo've gele nabe.

**31** Lavo ve mali'mo lo-neme' neme' ami-line' nene monovo've nado gelelove lo kalisiu'

dizanivo nezesi minelesive lo Hilipo'ni lo-emavo kalisiu' dizavo maka' minasine!.

<sup>32</sup> Mono' godolouti' gamazi gatine' nene ti' lo minine':

Belelone li sipisipi ize di iga' ani' ne'mini ezesi ele'mizi ani'.

Ido' zopovo'ine nihukavo

sipisipi angale ingine no'ine mili geke' lisa'mani' ne'mine ogo

azasi gamazi gopo lamive.

<sup>33</sup> Mulumo ido' ovozo inite' di-di ei' lihime nomido' di lishe' i-dami goni' gopo i-dani'.

Misubou' ogo molo iline' gamene nene izi huki-di bilikenako

eze zuho mamu' zaho lo soto' ilive.

<sup>34</sup> Gamazi ti' lo minine' nene gato a'mine ve nene ti' lo Hilipo'ni longo' o-dine': Gaza lonemezo. Geleloze. Polohete zahingumu' line' neve. Asi'vemu' line' nehe ve gohi mamu' line' neve.

<sup>35</sup> Lavo Hilipo' nene a'mine mono' godolouti' gamazi apizo lo'mo novo Izesu'nimu' gamazi lamine' imine' molo lo-imine'.

<sup>36-37</sup> Ne'mine igi akalo' nivi nosolo' ma hetelasinge'. Heteli ve naba aza Hilipo'ni lo-imine': Ningezo. Noso me ma neive. Noso holonedingumu' nene o've loso' ne nomive. Olo.

<sup>38</sup> Ne'mine lo dalavamu' kalisi do minezo lavo kalisi do neivo Hilipokisi ve nabasi makato' nosou' limasine'. Limi Hilipo' ne'mo ve naba nene noso holo-dine'.

<sup>39</sup> Holo-davo nosouti' dizikesivo O'moso'mi Sikalahu' ne'mo Hilipo'ni geto ele'mizo vavo ve

naba aza eze nene gohi ningamine'za akalo' nene olize ize'mo vine'!

<sup>40</sup> Ido' Hilipo' nene Azoto ebeku' soto' ogo gomu' a'mine vine' akala minani' numuno mukiku' nene Izesu'nimu' gamazi lamine' ne longemeka' ngemeka' o'mo vo KAESALEA numuda vo heteline' ve.

## 9

*Saulo' Lulo Do Velepe' Izo Izesu'ni E'metine'  
Gamazi  
(Aposolo<sup>1</sup> 22:6-16; 26:12-18)*

<sup>1</sup> Ido' Saulo' Izesu' evenele zuho ngebelelesa lovo gani lo minine' nene hulamo lovo' mino

<sup>2</sup> eveneto' medelo mino O'moso inite' lehize-daa' ive naba neida vo ti' lo lo-imine': Izesu' vine' akalo' e'meti viliza venepe ido' vemo hope ma ninga ma na'nava ngemo ngele'mizo Zelusalemi numuda gohi alosuve lo luhuvo nite' gizanivo do vo Damasiko ebeta Zuda veti mono' mulise mini'mi monani' nene ngemelesa noluve.

<sup>3</sup> Lavo luhuvo gizo emavo akalo' do novo Damasiko ebe' do noalitiyo Okulumokuti' labana' ma lite' mate' lo ezela lemo hize vodo vodo o-davo

<sup>4</sup> misubolo' lemo pou' lo organi'. Ongo neivo gamazi ma ti' lo line' giline': Saulo, Saulo, gaza nanitekumu' goboni nomolo-nedane.

<sup>5</sup> Ne'mine lavo aza ti' lo longo' ine': Guvekasi ve, gaza zaho nane. Lavo aza lo-emo ti' line': Gaza goboni molo-nedaa' anive naza Izesu' ma ne noluze.

**6** Otezo. Numuno ebe' nabala dizo vaanivo init'e ogo molo iline' ne'mi gamazi li-gimilisaze line'.

**7** Ido' ezesi maka' vave nene gamazi'vevo' gilaha evene've ne ningami vo'ine vavo gamazi'inesi nomivo ha oti minani'.

**8** Ne'mine i nizavo Saulo' aza misuboloti' oto vele pupuso ningine' nene vele lenge lenge lavo init'e ningamine'. Ningamo neivo eze zogo ve zuholite analo' di Damasiko numuda ele'mizi vani'.

**9** Ne'mine ikevo a'mida gamene setohamo nene vele ningamiline' ogo lit'lusovo' izo minavo noso' nitekisi ido' nososi namo haza minine' ve.

**10** Ne'mine ogavo Damasiko numungu' Izesu' gelekele' izipe've ma minine' gulive Anania!. Guvelesi ve a'mine ve'mi velelo' o molo Ananiazo lavo aza Guve'nesi ve, me nouvoni' ve lavo

**11** Guvelesi ve'mo gamazi ma ti' lo lo-imine': Gaza oto aka ma gulive pehe ve lo minida nene vo Zuda' numu'veu' dizo Taliso numudot'i ve ma gulive Saulo'ni ne vise' ogo ningezo. Aza nenita lo neive.

**12** Ne'mine neivo avazaha init'e velelo' o molavo ningine' nene ve ma gulive Anania' nene Saulo' neida dizo ogo vele gohi ninge lamine' ilive lo ana godololo' nohitivo a'mine ve ningive.

**13** Ne'mine lavo Anania' velepe' izo ti' lo lo-imine': Guvekasi ve make, evene' muki' a'mine ve'mi monovo likevo gelekuve. Aza Zelusalemi ebeta geze eveneka zuho ngele'mizo goloso palasa ogo minine' ve.

**14** Ido' eveneto' medeli mini O'moso init'e lehizi-daa' ave naba nete gei' guliveka di nizave

nene na'navा ngemo ngele'mizo vilive li li-di  
luhuvo nite' gizi imikevo ogo mela neive.

<sup>15</sup> Ne'mine lavo Guvelesi ve ne'mo ti' lo lo-imine': Gaza vozo. A'mine ve ne'mo vo neze monovo'ne evene' zuho ato ato' minanikisi ido' guve'inesi ve naba minanikisi ido' Isilaele' aleve engikisi lo soto' o ngemelive lo nenikumu' gono dalive lo do kegese-dekuve.

<sup>16</sup> Ne'mine gono doo nenita gi'mizo neze gulive'ne lo-ngeme ngeme' ilingumu' goboni mili-dikevo mulumo naba geleline' ne'mi monovo elebizelove.

<sup>17</sup> Ne'mine lavo Anania' lemo vo numungu' dizo ana godololo' hito ti' lo lo-imine': Saulo, neze zuho make, Guvetesi ve Izesu' nene gaza mela anido' akalo' soto' o gimive ne'mo veka gohi ninge lamine' organivo O'moso'mi Sikalahu' lemo lukau' mino gono dalive lo nimiselavo nouve.

<sup>18</sup> Ti' lo nolo-imivo lite' lo inite' ma lihuvolo gele vine' inite' nene vele gihileloti' do'mozavo ninge lamine' ogo otavo mono' noso holo-dine'.

<sup>19</sup> Holo-davo noso' nite' no amuzo dani'.

### *Damasiko Ebeta Saulo' Mono' Lo-ngimine' Gamazi*

Ne'mine ogo Saulo' nene Izesu' evenele zuho Damasiko ebeku' ingenesi gamene ngomo ma nomino

<sup>20</sup> geto Zuda veliti mono' numu'ningu' dizo Izesu' monovo'vemu' lo-ngemo aza nene mo O'moso'mi gipele ve lo lo soto' o ngimine'.

<sup>21</sup> Ti' lo lo-ngemavo line' gamazi gilave muki' gopo ga'ine gili ti' li lani': Ve meve nene Zelusalemi ebeku' a'mine line' gulive laa' ave

ngele'mize goloso palasa ogal' ive ma nehe Olo. Aza nene mela ogo galapuso ngemo eveneto' medeli mini O'moso inite' lehizi-daa' ave nabala ngele'mizo volosa ani' ma neive. Nadi' ogosa eze monovo've do velepe' izive.

<sup>22</sup> Ne'mine li lani'za Saulo' aza gamazi nene amuzo molo lo-ngeme'mo vo Izesu' nene do lu' izelive lo O'moso'mo imiselelesa live ve lo do lamine' ogo lo-ngemavo Damasiko ebeku' minani' Zuda ve ingine a'mido' di velepe' izi li-imilizani' gamazi nomivo gopo ga'ine gili minani'.

### *Zuda Vete Saulo'ni Bililisa Avo Golise Vine' Gamazi*

<sup>23</sup> Gamene ha'na gono do do novivo Zuda ve ingine Saulo'ni bililisa li huki

<sup>24</sup> numuno ebeli'mi gesi gatedo' igi gohoni niingavo Saulo' aza a'mine gamazi nene gelo lavo

<sup>25</sup> eze evenele zuholite holuka' basiketi naba ma di Saulo' a'mingu' lemo minavo basiketilo' nala' izi nalato' di hulika' hulika' igi numuno ebeli'mi lave ha'nalo' Saulo'ni huli-dikevo heta lemo vine'.

### *Saulo' Zelusalemi Ebeku' Vo Minine' Gamazi*

<sup>26</sup> Saulo' lemo vo Zelusalemi ebeta heteline'. Hetelo Izesu' evenele zuhou' vo gi'mizelove lo engita gi'mizelesa ine'za ingine Izesu' izipahala lolo' uve line' nene soza lihe li ezemu' ngehelele izine'.

<sup>27</sup> nGehelele izavo Banabasi' ne'mo Saulo'ni do gi'mizo aposolo nizada ele'mizo vo Saulo' Guvelesi ve akalo' ningine' gamazi ido' Damasiko numuda Izesu' monovo danava lovo' kisilevo'

ogo lo-ngimine' gamazi nene Banabasi' vetete'  
ogo lo-ngemavo

<sup>28</sup> inginesi Zelusalemi ebeta mino dizo lemo ogo  
mino Saulo' aza ehelele izamivo Izesu' monovo  
danava've lovo' kiselevo' ogo lo-ngemaa' ine'!

<sup>29</sup> Ne'mine ogo Zuda ve linge ma nGiliki gamazi  
laa' ani' aleve inginesi lo-ngemavo mono' gamazi  
li volelo' melo' igi gamazi'ine'mo lovo'ningu'  
ogavo bili hililiza akamu' vise' ani'.

<sup>30</sup> Ti' ikevo Izesu' evenele zuho gili Saulo'ni  
Kaesalea ebeta ele'mizi vi huli-dikevo vo Taliso  
ebeta heteline'.

<sup>31</sup> Ne'mine ogavo noso hilave Zudaia mis-  
ubou' ido' nGalilaia misubou' ido' Samalia mis-  
ubou' minave engita hongu soto' ine'. Soto'  
ogavo hongu li mini O'moso'mo amuzo nge-  
mavo O'moso'mi gamazi gili di nizavo O'moso'mi  
Sikalahuli'mo hize ele' o-ngedavo mulise'ine  
naba ine'.

### *Petolo' Ainea'ni Do Lamine' O-davo Oto Vine' Gamazi*

<sup>32</sup> Petolo' aza Izesu' evenele zuho ninge-  
ngedelesa mone mone o'mo vo Lida ebeta  
nizadasi lemo vo heteline'.

<sup>33</sup> Hetelo a'mida ve ma gulive Ainea'ni ne  
ningine!. Aza ve gebili mino holomolo' ongo  
neivo kilisimasi eiti (8) ogo vine'.

<sup>34</sup> Ningo Petolo' aza ti' lo lo-imine': Aineazo,  
Izesu' Kilisito' do lamine' o-gedaze. Oto aviliseka  
gango molozo. Ne'mine lavo lite' lo a'mido'  
otine'.

<sup>35</sup> Otavo Lida aleve ido' Saloni alevesi ningi  
lu'ine di velepe' izi Guvelesi vela vi gi'mizani' ve.

*Tabita' Hilinguti' Petolo' Do Ote-dine' Gamazi*

<sup>36</sup> Ne'mine ikevo Zopa ebetati' Izesu' evenele zuhouti' vene' ma minine' gulive Tabita'. nGiliki gamaziuti' a'mine Tabita' gulive nene Toloka' ve laa' nave. Aza nene evene' hize ele' o-ngedaa' monovo lamine' mangi o-ngedaa' ine' vene' minine'.

<sup>37</sup> Ne'mine ogal' ine'za a'mine gamenelo' nene init' gize do hilin'. Helavo gonoso nene noso' izi numuno mulolo' lumu gohi ma miningu' di dizi ingi-mikani'.

<sup>38</sup> Lida ebe' nene Zopa ebe' gahevela avita neivo Izesu' evenele zuho ingine Petolo' nela neive lani' nene gili evene' sita' ma ti' li ngimise-ikevo ezelo' vasine'. Vi ee, ane'nazo li ti' li li-imasine': Gaza geto otanivo leli' ebetela volone lo nosive.

<sup>39</sup> Likesivo Petolo' gelo otavo engikisi vani'. Vi Petololesi hetelikevo gonoso ingi-mikangu' ele'mizi dizani'. Dizo ningine' nene vene' geto' natokovo' di mulise mili ive nama igi Toloka' velesi mino vene' kolosu ato atoli'mine ongote-ngidine' nene Petolo'ni elebizi osu' lani' ve.

<sup>40</sup> Ti' ikevo Petolo' nene evene' muki' ngimisele hulo heta ogo alabuvolo hizo O'mosola line'. O'moso opo'ni lo osu' lo velepe' izo gonoso nene ti' lo lo-imine': Tabita, otezo. Lavo vele pupuso Petolo'ni ningo oto mito' minine'.

<sup>41</sup> Neivo Petolo' analo' doo do ote-dine'. Ne'mine ogavo Petolo' aza vene' gevonokisi ido' Izesu' evenele zuho lingesi asi lo-ngedavo ikevo Tabita nene gohi vele gizo ha neivo engi' a'ningu' molani'.

<sup>42</sup> Ne'mine ogavo ne'mi guvele Zopa misubou' buu lo vavo evene' Guvelesi vemu' gili ele'vole' ani'.

<sup>43</sup> Ne'mine ikevo Petolo' nene ve ma gulive Simoni' aza ize losuvo do lamine tamine' oga' ive ei' numungu' maka' Zopa ebeku' gamene ha'na minine'.

## 10

*Konelio' O'mosola Nolivo Angelo' Mali'mo Soto' O Emo Gamazi Lo-imine' Gamazi*

<sup>1</sup> Kaesalea ebeku' Loma amiliti gizebo ve ma minine' gulive Konelio'. Italia misuboukoti' ami vanu hadeti (100) neti gizebo ve minine'.

<sup>2</sup> Aza O'mosola gelekele' ogo ezela lulo molo minaa' ive minine'. Ido' eze zuhos i a'mine'mine igi minani'. A'mine ve nene Zuda ve nasahili' o-ngedo hize ele' o-ngedo mino O'mosola gamene gamene lo minaa' ine'.

<sup>3</sup> Ne'mine ogo minavo gamene ma tili kiloku ogavo O'moso'mi angelo' mali'mo velelo' o molo neida dizo Konelioo lavo ninge lamine' ine'.

<sup>4</sup> Ningi gisili himo ningo ehelele izavo ti' lo line': Guvekasi ve make, nadive. Lavo aza ti' lo lo-emo line': O'moso opo'ni laa' naine' ido' evene' nasahili' o-ngedo hize ele' o-ngedaa' naine' ma ne'mi guvele likevo O'moso'mo ningo gelavo lamine' ogave.

<sup>5</sup> Nemu' gaza ve ma Zopa ebeta ngimiselanivo vi ve ma gulive Simoni' ado' gulive gohi ma Petolo' ve lo minine' nene ele'mizi alizave.

**6** Aza abalaho ma Simoni' ize losuvo do lamine tamine' og'a' ive'mi numuno ado' guvo noso gahvela neingu' neine' ma ne ele'mizi alizave.

**7** Angelo' aza ti' lo lo-emeko vavo Konelio' nene gelekele' izipe setakisi ido' eze nasahili' o-do minaa' ine' ami ma lulo O'mosola molo minaa' ive nesi asi lo

**8** a'mine gamazi muki' lo-ngemo Zopa ebeta ngimiselavo vani'.

*O'moso'mo Petolo'ni Vamu' Elebizidoti' Nene Even'e Ma Zuda Ve Minamangumu' Nene Ha Nite' Ve Ido' Goloso Ve Lo Lamilido' O Neingumu' Elebinez' Gamazi*

**9** Ingi go' lavo ingine akalo' nivi a'mine ebe' di alitilisa navo holise' Petolo' aza numuno mulolo' O'moso opo'ni lolosa dize minine'.

**10** O'moso opo'ni lo mino noso' nitekumu' isavo a'minem'u' lavo gizi vata' i-di nizavo vele gala monavo ongo mino vamu' ti' lo ningine'.

**11** Okulumo' ne godavo inite' ma lavolavo naba gidini minine' ne lumolati' lumolati' di uhu'vizi hulikevo misubola zou zou lo nolimivo ningine'.

**12** A'mine'mi lulou' nene gaha nama ido' gosihe' ido' nama ato ato' gopo' napa minani'.

**13** Ne'mine ogavo ezemu' gamazi ma ti' lo soto' ine': Petoloo, oto ma belo novo.

**14** Lavo Petolo' ti' lo line': O've. Guve'nesi ve make, ne nomive. Ha nitekisi goloso nitekisi mosune' nene gopo nosa'muve.

**15** Ti' lo lavo gamazi ma imine' molo ti' lo line': O'moso'mo inite' mamu' goloso nite' do hulo do lamine' ogavo ma a'mine inite' nene mo ha nite' ve goloso nite' ve lamo ha dalosane.

**16** Ne'mine lo line'za a'mine gamazi li volelo'  
melo' igi likesivo gamene setohamo ogavo  
a'mido' geto a'mine inite' nene gelelehe' ogo  
Okulumoku' dizo vine'!

**17** Dizo vavo Petolo' vamu' ningine' ne'mi  
monovo vise' ogo ne nani vamu' ninguhe lo gopo  
gala giline'.

**18** Gopo gala gelo neivo Konelio' ngimiseline  
ingine Simoni' numu'vemu' longo' longo' i'mi vi  
di soto' igi gatedo' mini asi li ti' li lani': Simoni'  
ado' gulive've gohi ma Petolo' ma nene mene  
numungu' neihe.

**19** Likevo Petolo' aza vamuto' ningine'  
initekumu' nene gala gelevu' gelevu' ogo neivo  
O'moso'mi Sikalahu' ne'mo ti' lo lo-imine'.  
Gelezo. Ve setohamo geikumu' nave.

**20** Oto lemo gaka muki' gelamo engikisi maka'  
vilo. Na'nise'ne neve geito' ngimiseluvoni' ve.

**21** Lavo Petolo' aza oto a'mine ve nizada lemo ti'  
lo line': Lingine vise' nave ne mene nouve. Ido'  
nanitekumu' nave.

**22** Lavo ingine ti' li lani': Ami ve vanu  
hadeti (100) neti gizebo ve Konelio' aza ve  
lamine' mino O'moso gelekele' o-daa' ive Zuda  
ve mukilite gamangi mili-daa' ave aza nene  
O'moso'mi angelo' mali'mo lo-emavo gei' nene  
gele'mizo numu'vela vokunivo Konelio' nene  
vekat'i gamazi gelelove lo limiselavo noune.

**23** Likevo Petolo' ngele'mizo numungu' dizo  
holomo ngemavo mini ingani'.

Ingi go' lavo oti Petolo' ve Izesu' evenele zuho Zopa misubou' minani' linge masi a'mine avesi maka' vani'.

<sup>24</sup> Akalo' ingi oti Kaealea ebeta vi hetelani!. Hetelikevo Konelio' eze zuhos i do' ei' zogo lamine' molavesi do mulise molo-ngedavo Petolo'nimu' gizebo igi nizavo

<sup>25</sup> vi heteli Petolo' numungu' nodizivo Konelio' gubi' ize emo opo'ni line'!

<sup>26</sup> Opo'ni lavo Petolo' aza ti' lo line': Otezo. Nasi haza evene' nouve lo do ote-dine'.

<sup>27</sup> Do ote-davo gamazi li volelo' melo' igi dizi evene' muki' mulise mili nizavo ningi

<sup>28</sup> Petolo' ti' lo lo-ngimine': Lingine Zuda ve leli' monovo mo gili nizave. Lezesi ido' venenga aleve linginesi do volelo' melo' ogo bizo minamolone li li huki nizani' ma neine'za evene' mamu' ne ha nite' ve ido' goloso ve lo lo-ngedamozo lo O'moso'mo nelebizo lo-nemavo gelekuve.

<sup>29</sup> Nemu' lingine asi likevo a'manapa amo okuve. Lingine nanitekumu' asi li-nidave. Ne'mi monovo likevo gelelove.

<sup>30</sup> Lavo Konelio' lo-emo ti' lo line': Inite' ti' ogo soto' o-nididoti' gamene setohamo ogo vave. Naza numu'neu' mino tili kilokulo' O'mosola noluvo ve ma genegana'veloti' silingenge'ne hulo minivo ve'nelo' o molo

<sup>31</sup> ti' lo line': Konelio, O'mosola laine' ma ido' evene' nasahili' o-ngedo hize ele' o-ngedaa' ane' ma O'moso'mo gele lamine' ogave.

<sup>32</sup> Nemu' gaza Zopa misubouko evene' ngimiseni lanivo vi Simonii' ado' gulive gohi ma Petolo'ni ma ne ele'mizi alizave. Aza nene abalaho ize losuvo do lamine tamine' oga' iveli'mi numungu'

ado' guvo noso gahevela ne neive.

<sup>33</sup> Ti' lo lo-nemavo nemu' nene geto ngimise-lekuvo geita vikevo gaza gamazi'ine gelo organivo mulu'neu' lamine' gelekuve. Idi'nise nene O'moso'mo lo-gidine' gamazi lanivo gelelone lo O'moso'mi velelo' mene do gese' ogo geikumu' gizebo none.

*Konelio' Numu'veu' Izesu' Monovo Petolo' Longimine' Gamazi*

<sup>34</sup> Ne'mine lavo Petolo' api' ogo ti' lo line': O'moso'mo nene evene' muki' leli' okodem'u gilivo ivile' avile' osa'mive. Nemu' nene idi'ne gelekuve.

<sup>35</sup> Numudo' namado' ve engitati' ezemu' opo'ni li gelekele' i-di inite' lisihekovo' igi mili lamine' minave muki' nene ninge lamine' o-ngedaa' neive.

<sup>36</sup> Gamazi ma Isilaele' alevemu' huline' nene Izesu' Kilisito' ne'mo evene' mukiliti Guvetesi ve O'mososi do bize-ledo do hongu lo-ledelive lo soto' ogo gamazi lamine' line' nene gili nilisave.

<sup>37</sup> Ido' Zohane' aza noso hilalizave lo soto' ogavo nGalilaia misubou' api' ogo Zudaia misubo mukiku' hutile' ogo soto' ine' inite' nene gili nilisave.

<sup>38</sup> A'mine inite' ne'mino neive. O'moso'mo Nasalete ve Izesu' ne'mo gono dalive lo Sikalahu've emo amuzo emavo O'moso'mo ezesi mininako evene' hize ele' o-ngedo Satani'mo ngele'mize goloso palasa ivo minave muki' nene do lamine' o-ngedo minine'.

<sup>39</sup> Aza inite' muki' ine' nene Zudaia misuboukosi Zelusalemi ebekukisi ine' ne la'lisetene ninge none' ma ve. Lohoto' zalo' bilani'za

**40** helavo gamene setohamo ogo vavo O'moso'mo gohi do ote-do eze evenele linge nene do ngelebizavo ningani' ve.

**41** Evene' mukilite ningavoba asi eze ningamazi lo soto' olosune lo gozopo' aka'milati' do kegese-lidive lelikovo' eze ningohilinguti' oto neivo ezesi noso' nite' maka' nune' ve.

**42** Ido' leze vetesi ha nonivesi ido' hilavesi gonito' okunivo gonito' gizebo ogo goni' gelelive lo O'moso'mo do kegeso ele'mize molave ve loo lo soto' o ngemo minelone lo O'moso'mo lo hukolidine' ve.

**43** Ido' O'moso'mi gamazi've li soto' iga' ave mukilite eze gamazi've ne'mine li gizi milani' ma neive: Ezemu' gili amuzo milaliza aleve muki' O'moso'mo Izesungumu' ve lo lihime'ine apaseengedelesive lo Petolo' line'.

### *Sikalahu' Nene Zuda Ve Minamani' Heta Ato' Vela Limine' Gamazi*

**44** Petolo' aza mene gamazi nolivo a'mine gamazi gili minavela O'moso'mi Sikalahu' limine'.

**45-46** Lemavo ato ato' gamaziuti' li O'moso opo'ni nilavo gilani' nenako nemu' nene Izesu'nimu' gili ele'vole' ani' Zuda ve ado' Petolokisi ave ingine O'moso'mo Sikalahu've nene hazaheta ato' vesi lehize-ngidingumu' nene upuho' igi O'moso di naba i-dani'. Ne'mine ikevo Petolo' ti' lo line':

**47** O'moso'mi Sikalahu' lelita limine' ma'mino me ve inginelasi lemanako laza nene noso holongedamalone lo o've lo-ngedamalone' ogave. Olo.

**48** Ne'mine lo Izesu<sup>1</sup> Kilisito<sup>1</sup> gulivel<sup>1</sup> noso hilalo lavo mono<sup>1</sup> noso hili-ngidikevo ingine gamene ngomosi<sup>1</sup> Petolo<sup>1</sup> engita minelive li likevo ngomosi<sup>1</sup> ma minine<sup>1</sup> ve.

## 11

*Gamazi Nene Izesu<sup>1</sup> Zuh<sup>1</sup> Zelusalemi Ebeku<sup>1</sup>  
Minani<sup>1</sup> Nene Petolo<sup>1</sup> Vetete<sup>1</sup> Ogo Lo-<sup>1</sup>ngimine<sup>1</sup>  
Gamazi*

**1** Ne'mine ogavo aposolokisi Izesu<sup>1</sup> zuho linge ma Zudaia misubou<sup>1</sup> minanikisi ingine nene heta ato<sup>1</sup> vesi O'moso<sup>1</sup>mi gamazila vi gi'mizani<sup>1</sup> ne'mi gamazi vogavo gilani<sup>1</sup>.

**2** Nemu<sup>1</sup> Petolo<sup>1</sup> Zelusalemi numuda tine<sup>1</sup> molo duvavo Izesuda alisa gilave gomu<sup>1</sup> oko<sup>1</sup>ine lolovo huko hulo-ngedo O'moso<sup>1</sup>mi noso<sup>1</sup>ve molo-ngedelone li amuzonga laa<sup>1</sup> ave nete Petolo<sup>1</sup>ni elemi ti<sup>1</sup> li li-imani<sup>1</sup>:

**3** Gaza O'moso<sup>1</sup>mi noso<sup>1</sup>ve nomine<sup>1</sup> alevetida vo engi<sup>1</sup> a'ninguti<sup>1</sup> noso<sup>1</sup> nite<sup>1</sup> no naine<sup>1</sup> nene nanimu<sup>1</sup> nane.

**4** Ne'mine likevo Petolo<sup>1</sup> aza api<sup>1</sup> ogo ti<sup>1</sup> lo longemo ne'mine ine<sup>1</sup> aka nene lo ngolo<sup>1</sup> lo longimine<sup>1</sup>:

**5** Naza Zopa numuno ebeku<sup>1</sup> mino O'mosola noluvo madu<sup>1</sup>ne gopo ogavo mino vamu<sup>1</sup> ti<sup>1</sup> ogo ninguve: Inite<sup>1</sup> ma lavolavo naba gidini minine<sup>1</sup> nene lumolati<sup>1</sup> lumolati<sup>1</sup> di uhu<sup>1</sup>vizi hulikevo Okulumokuti<sup>1</sup> zou zou lo nolimivo ninguvoni<sup>1</sup>. Lemo nouvodo<sup>1</sup> minavo

**6** a'mine<sup>1</sup>mi lulou<sup>1</sup> gisili hiso ninge lamine<sup>1</sup> uvoni<sup>1</sup>. Gaha nama ato atoli<sup>1</sup>mine gize<sup>1</sup>ine a'ine neine<sup>1</sup> nominekisi ninguve.

<sup>7</sup> Ne'mine ogo gamazi ma ti' lo soto' o nimine': Petoloo, gaza oto ma belo novo.

<sup>8</sup> Ti' lo soto' o nemavo naza ti' lo lufe: O've. Guve'nesi ve make, ne nomive. Ha nitekisi goloso nitekisi nene gopo nosa'muve.

<sup>9</sup> Ne'mine lokuvo Okulumokuti' gamazi imine' molo line': O'moso'mo inite' mamu' goloso nite' do hulo do lamine' ogavo ma a'mine nite' nene ha nite' ve goloso nite' ve lamo ha dalosane.

<sup>10</sup> Ne'mine lo line'za a'mine gamazivo' lo volelo' melo' ogo lokusivo gamene setohamo ogavo a'mine nite' mata' nene gelelehe' ogo ihe' Okulumoku' dizo vine'.

<sup>11</sup> Dizo vavo a'mido' geti evene' setihami Kae-salea numudoti' elese igi minuvoni' numuda het-elani'.

<sup>12</sup> Hetelikevo O'moso'mi Sikalahuli'mo ti' lo lonime': Gaza geni gebelamivo inginesi vozo. Lavo nazasi ido' Izesu' zuho sikisi nesi vo a'mine ve'mi numungu' dizekunivo

<sup>13</sup> gamazi ti' lo lo-limine': Neni' numu'neu' angelo' mali'mo dizo soto' o nemo ti' lo lo-nimive: Gaza Zopa ebeta evene' ma ngimiselanivo vi Simoni' gulive ado' gohi ma Petolo' ve lo minine' nene ele'mizi ikevo

<sup>14</sup> gezesi ido' gei' numungau' ingani' zuhos O'moso'mo do lungu' izeline' gamazi lo-lengemavo lamine' ilisave lo line'.

<sup>15</sup> A'mine gamazi lo-nemavo gamazi api' ogo nolo-ngimuvo O'moso'mi Sikalahu' nene gana' lemo lelita minidi'mino inginelasi lemo minine'.

<sup>16</sup> Lemavo ne ningi Guvetesi ve'mo Zohane' aza evene' noso holo-ngedavo haza nosovo' dani'za lingine nene O'moso'mi Sikalahu' neve

ne dalizave line' gamazi malo' gohi ga'ne gele molo giluve.

<sup>17</sup> Laza Guvetesi ve Izesu<sup>1</sup> Kilisito<sup>1</sup>nimu<sup>1</sup> gele ele<sup>1</sup>vole<sup>1</sup> okunivo O<sup>1</sup>moso<sup>1</sup>mo leze lehize-lidine<sup>1</sup> inite<sup>1</sup> Sikalahu<sup>1</sup>ve nene a<sup>1</sup>mine ma<sup>1</sup>mino engiki-isi lehize-ngidine<sup>1</sup> ma ve. Nemu<sup>1</sup> naza amuzo malehe noosa eze o<sup>1</sup>ve lo-delohe.

<sup>18</sup> Ne<sup>1</sup>mine line<sup>1</sup> nene gili mulu<sup>1</sup>ningu<sup>1</sup> hongu lavo gamazi gohi mo li-dami O<sup>1</sup>moso opo<sup>1</sup>ni li ti<sup>1</sup> li lani<sup>1</sup>: Oho, O<sup>1</sup>moso<sup>1</sup>mo gele ngemavo heta ato<sup>1</sup> vesi lu<sup>1</sup>ine di velepe<sup>1</sup> izikevo minivi<sup>1</sup> minivi<sup>1</sup> ilizani<sup>1</sup> ngemeni damenisi O<sup>1</sup>moso<sup>1</sup>mo ngeme noloseive li lani<sup>1</sup>.

### *Adiokia Aleve Gili Ele<sup>1</sup>vole<sup>1</sup> Ani<sup>1</sup> Gamazi*

<sup>19</sup> Setehano<sup>1</sup>ni bili hilisa goboni mili-ngidikevo Izesu<sup>1</sup> zuho hutile<sup>1</sup> igi vanguti<sup>1</sup> ingine linge ma Hoinikia misubou<sup>1</sup> vi minani<sup>1</sup>. Ido<sup>1</sup> linge ma sipiu<sup>1</sup> dizi vi ailani ma gulive Kipilo nela vi minani<sup>1</sup>. Ido<sup>1</sup> linge ma vi Adiokia ebeta minani<sup>1</sup>. Inging muki<sup>1</sup> vi mini evene<sup>1</sup> ato<sup>1</sup> ma li-ngimami Zuda vovo<sup>1</sup> Izesu<sup>1</sup> gamazi<sup>1</sup>ve li-ngimani<sup>1</sup>.

<sup>20</sup> Ne<sup>1</sup>mine ani<sup>1</sup>za inginelati<sup>1</sup> ve linge ma Kipilo vesi Kilene vesi ingine Adiokia ebeku<sup>1</sup> vi mini nGiliki aleve nene Guvetesi ve Izesu<sup>1</sup>nimu<sup>1</sup> gamazi lamine<sup>1</sup> nene li-ngimani<sup>1</sup>.

<sup>21</sup> Nili-ngimavo O<sup>1</sup>moso inginesi mino amuzo ngemavo evene<sup>1</sup> muki<sup>1</sup> engi<sup>1</sup> gamazi gili Guvetesi vemu<sup>1</sup> gili ele<sup>1</sup>vole<sup>1</sup> igi ezela vi gi<sup>1</sup>mizani<sup>1</sup>.

<sup>22</sup> Engikumu<sup>1</sup> nene gamazi lamine<sup>1</sup> ma vo Izesu<sup>1</sup> zuho Zelusalemi ebeku<sup>1</sup> mulise milaa<sup>1</sup> aveti ga<sup>1</sup>ningu<sup>1</sup> ogavo Banabasi<sup>1</sup>ni a<sup>1</sup>mine Adiokia numuno ebeta imiselani<sup>1</sup>.

**23** Imiselikevo vo hetelo O'moso'mo ise'ine izo do lamine' o-ngidine' nene ningo gelo mulunou' lamine' gelo Guvelesi vela lu'ine mili ele'vole' ilizave lo ga'ine dani'.

**24** Ido' Banabasi' ne'mine ine' nene aza ve lamine' mino O'mosomu' amuzo molo gele ele'vole' ogavo O'moso'mi Sikalahu' lulou' gono do minaa! ine' nenako nemu' nene ne'mine ine' ve. Ido' evene' muki' gamazi've gili Guvelesi vela vi gi'mizani'.

**25** Ne'mine ikevo Banabasi' vo Saulo'ni vise' ogo ningalesa Taliso ebeku' vine'.

**26** Vo ningo Adiokia ebeta ele'mizo ogavo Izesu' zuho di mulise mili mini evene' muki' mono' apizi ngimi ngimi' igi nizasivo kilisimasi hamo' vine'. Ido' Adiokia ebeku' gana' api' igi Izesu' evenele zuho mamu' gulive'ine mili Kilisiteni aleve ve lani'.

**27** A'mine gamene neu' O'moso'mi veleuti' gamazi li soto' ave polohete linge ma Zelusalemi numudati' lomi Adiokia ebeta vi hetelani'.

**28** Heteli engikuti' ve ma gulive Agabo'ni nene O'moso'mi Sikalahu' ne'mo do ote-davo misubo mukiku' ga'na naba soto' olosa neivo ne'mi gamazi lo-ngimine!. Ido' alinge' Kalaudio' Loma veti guve'inesi ve naba lolo' ogo neivo a'mine ga'na naba soto' ilingumu' line' gamazi gihile izine'.

**29** Lo-ngemavo gili Izesu' evenele zuho ma ga'ine gili ti' li gamazi di hamo' igi lani': Laza hamo' hamo' ogo inite' neine' votigilelo' hulongedo leze zuho Zudaia misubou' minave noso' nite' nevo'mine ngemelone li lani'.

**30** Ido' laado' igi a'mine inite' nene Banabasikisi

Saulokisi di vi mono<sup>1</sup> gizebo vetine ngimilisive li ngimiselikevo vasine<sup>1</sup>.

## 12

### *Helode<sup>1</sup> Lavo Zakobo<sup>1</sup>ni Nene Bili Hili Petolo<sup>1</sup>ni Nalava Imani<sup>1</sup> Gamazi*

<sup>1</sup> A'mine gameneu<sup>1</sup> guvelesi ve naba ma mi-nine<sup>1</sup> gulive Helode<sup>1</sup> aza Izesu<sup>1</sup> zuho linge ma ne lovo zatuhu<sup>1</sup> o ngemo

<sup>2</sup> ei<sup>1</sup> lavo Zohane<sup>1</sup> uvoloho Zakobo<sup>1</sup>ni luvono gitani<sup>1</sup>.

<sup>3</sup> Ne'mine ikevo Zuda ve mulu'ningu<sup>1</sup> lamine<sup>1</sup> gilani<sup>1</sup> nene ningو gohi lavo O'moso<sup>1</sup>mo Zuda veti avo'ningine ise<sup>1</sup>ine izingumu<sup>1</sup> gili mini lulu izamine<sup>1</sup> beleti naa<sup>1</sup> ani<sup>1</sup> holiseku<sup>1</sup> nene Petolo<sup>1</sup>ni nala<sup>1</sup> numungu<sup>1</sup> huli-dani<sup>1</sup>.

<sup>4</sup> A'mine holise<sup>1</sup> osu<sup>1</sup> lavo Zuda veti a'ningu<sup>1</sup> molokuvo goni<sup>1</sup> i-di bililizave lo gelo analo<sup>1</sup> do nala<sup>1</sup> numungu<sup>1</sup> ele<sup>1</sup>mize molo pilisi ve sita<sup>1</sup>ve sita<sup>1</sup>elite gizebo i-dika<sup>1</sup> i-dika<sup>1</sup> ilizave lo pilisi ve sigisitini (16) ngele<sup>1</sup>mize molani<sup>1</sup>.

<sup>5</sup> Ne'mine ogavo Petolo<sup>1</sup> nene nala<sup>1</sup> numungu<sup>1</sup> neivo gizebo i-di nizavo Izesu<sup>1</sup> evenele zuho ezemu<sup>1</sup> O'mosola amuzo mili li minani<sup>1</sup>.

### *Angeloli<sup>1</sup>mo Petolo<sup>1</sup>ni Nala<sup>1</sup> Numunguti<sup>1</sup> Kuluhize-dine<sup>1</sup> Gamazi*

<sup>6</sup> Helode<sup>1</sup> aza Petolo<sup>1</sup>ni do eveneliti a'ningu<sup>1</sup> ngemelesa ine<sup>1</sup> gamene alitavo a'mine holuka<sup>1</sup> nene Petolo<sup>1</sup> ana helala nene di pilisi ve mali<sup>1</sup>mi anasi di hamo<sup>1</sup> igi senitunu<sup>1</sup> izi-ngidi ido<sup>1</sup> ana helala nene a'mine<sup>1</sup>mine igi pilisi ve mali<sup>1</sup>mi anasi di hamo<sup>1</sup> igi izi-ngidani<sup>1</sup>. Ne'mine iki

ingi nizavo pilisi ve linge ma nala' numuno'mi gatedo' gizebo igi minani'.

<sup>7</sup> Ti' igi nizavo Guvelesi ve'mi angelo' mali'mo lite' mate' lo soto' neivo numuno lulou' labana' iline'. Ne'mine ogavo angelo' aza Petolo'ni gapilelo' izo u'muko' o-do ti' lo line': Geto otezo. Lavo Petolo' analoti' seni ne apase'mozavo

<sup>8</sup> angeloli'mo ti' lo lo-imine': Letika do izezo. Ido' gizengalo' nite' do izezo. Lavo ne'mine ogavo ti' lo line': Okongalo' inite' ha'na ma do izo ne'meto ano.

<sup>9</sup> Lavo do izo angelo' ogo molo ine' nene ning gele lamine' amo haz a vamu' noninguhe lo gelo e'meto vine'.

<sup>10</sup> Vi pilisi ve gizebo igi nizavo ngivile' iki pilisi ve gohi ma a'mine'mine igi gizebo igi nizavo a'minesi ngivile' igi gateni naba ainidunu' lili' ani' a'mingu' ebe' nabala limi vaa' ani' gate-dokisi hetelikesivo a'mine akahe ne'mo asi've engikumu' si'ze ko vavo limi aka hamo' huliki neloti' lite' lo angelo' nene Petolo'ni hulo-do vo haha ine'.

<sup>11</sup> Ido' vo haha ogavo Petolo' galau' ngolo' lavo ti' lo giline': Naza Guvelesi ve'mo angelo've imiselo Helode' anauti' apase-nedo Zuda vete i-nidilisa gilanguti' kuluhize-nidine' nene gihile izavo idise gelekuve.

<sup>12</sup> Ti' lo ningi gelo Zohane' ado' gulive naba Maleko' ve lo minine' ne'mi izeleho Malia' numu'veu' vo heteline'. A'mingu' evene' muki' di gese' igi mini O'mosola li minani'.

<sup>13</sup> Li minangu' vo hetelo aza gatedo' vo okoho' izavo gelekele' alu ma minine' gulive Loda' nene akahe si'ze-delesa ogo

<sup>14</sup> Petolo<sup>1</sup> nolo gelo mulunou<sup>1</sup> lamine<sup>1</sup> gelo akahe si'zamo velepe<sup>1</sup> izo loti<sup>1</sup> izo vo evene<sup>1</sup> ti<sup>1</sup> lo lo-ngimine<sup>1</sup>: Petolo<sup>1</sup> nene gatedo<sup>1</sup> omo neive.

<sup>15</sup> Ne'mine lo lo-ngemavo ingine ti<sup>1</sup> li lani<sup>1</sup>: Dudu gamazi nolabe. Likevoo o've. Lamine<sup>1</sup> noluve lo amuzo molo lavo angelo<sup>1</sup>ve noloseive li lani<sup>1</sup>.

<sup>16</sup> Ne'mine nilavo Petolo<sup>1</sup> gatedo<sup>1</sup> okoho<sup>1</sup> ha izo neivo akahe si'zi eze ningi vo'ine vavo upuho<sup>1</sup> goloso ani<sup>1</sup>.

<sup>17</sup> Ne'mine ikevo anatunu<sup>1</sup> avazaha ogo gamazi o've lo-ngedo Guvelesi ve'mo nala<sup>1</sup> numunguti<sup>1</sup> kuluhize-dine<sup>1</sup> monovo lo-ngemo mene gamazi nene Zakobokisi leze zuho linge masi li-ngimilo lo velepe<sup>1</sup> izo ebe<sup>1</sup> mala vine<sup>1</sup>.

<sup>18</sup> Vavo go<sup>1</sup> lavo pilisi ve Petolo<sup>1</sup>ni nadi<sup>1</sup> i-dave li gopo ga'ine gili angise<sup>1</sup>ine no'ningu<sup>1</sup> gamazi muki<sup>1</sup> li volelo<sup>1</sup> melo<sup>1</sup> ani<sup>1</sup> ve.

<sup>19</sup> Ne'mine ikevo Helode<sup>1</sup> vise<sup>1</sup> ilizave lavo vise<sup>1</sup> igi igi di soto<sup>1</sup> amavo Petolo<sup>1</sup>ni gizebo ani<sup>1</sup> pilisi ve longo<sup>1</sup> minge<sup>1</sup> o-ngedo ngibili huli huli<sup>1</sup> ilizave lo lo huko-ngidine<sup>1</sup>. Lo huko-ngedo Zudaia misubo hulo lemo Kaesalea ebeku<sup>1</sup> vo minine<sup>1</sup>.

### *Helode<sup>1</sup> Hiline<sup>1</sup> Gamazi*

<sup>20</sup> A'mine gamene neu<sup>1</sup> Tilo alevemukisi ido<sup>1</sup> Sidoni alevemukisi Helode<sup>1</sup> izebolo<sup>1</sup> goloso molavo lovo gize ngimine<sup>1</sup>. Lovo gize ngemavo a'mine misubo ne'mi me'ninge nete gamazi<sup>1</sup>ine di hamo<sup>1</sup> igi ingine zuho noso<sup>1</sup> inite<sup>1</sup>ine guvelesi ve'mi misubolot<sup>1</sup> meni hizi ni minani<sup>1</sup> nenako nemu<sup>1</sup> nene vi gomu<sup>1</sup> lele<sup>1</sup>mize lamine<sup>1</sup> ilingumu<sup>1</sup> ve li Helode<sup>1</sup> oko'nolo<sup>1</sup> niteto<sup>1</sup> gizebo o-daa<sup>1</sup> ive ma gulive Bilasito<sup>1</sup>ni gala di Helode<sup>1</sup> neida dizi

igi zogo imi mulunou' do hongu liline' gamazi li-imani' ve.

<sup>21</sup> Ne'mine ikevo Helode' aza gamene molani' gamene alitavo ei' guvelesi ve'mo ngolaa' ine' inite' nene do ngolo mino guvelesi ve'mo minaa' ine' mo'mosi'velo' mino eze zuho gamazi lo-ngimine'.

<sup>22</sup> Nolo-ngimivo evene' ingine eveneli'mo lamive. O'mosoli'mo line' ma ve li gamazi naba lani'.

<sup>23</sup> Ne'mine likevo aza nene nenii' nopo'ni lami O'mosovo' opo'ni lilo lamivo O'moso'mi angeloli'mo belavo oko'no ginine hizavo hiline' ve.

<sup>24</sup> Ido' O'moso'mi gamazi ne'mo hutile' ogo hilulu' pilulu' izo vine'.

<sup>25</sup> Zelusalemi ebeta gono ngimine' nene di osu' li Banabasiki Sauloki Adiokia ebeta tine' mili vilisa niigi Zohane' ado' gulive naba Maleko' ve lo mininekisi nene ele'mizi vasine' ve.

## 13

*Banabasiki Sauloki Mono' Gono Di Ebe' Mala Vilisive Li Di Oti-ngidani' Gamazi*

<sup>1</sup> Izesu' evenele zuho ma Adiokia ebeku' minani' nete vovo'ningu' O'moso'mi gamazi li soto' igi apizi ngimaa' ave linge minani' nene gulive'ine Banabasi' ve ido' Simeoni' ado' gulive gohi ma Gonobu' ve lo minine' nesi ido' Lukio' aza Kilene ebekuti' ve ido' Manaeni' aza guvelesi ve Helodekisi uvoloho akunolo gili gana gana naba asive nesi ido' Saulokisi ve.

<sup>2</sup> A'mine ve nete monokumu' noso' nite' malise igi mini O'moso opo'ni li gono've nidavo O'moso'mi Sikalahu' ne'mo ti' lo lo-ngimine':

Banabasiki Sauloki gono dalisive lo do nenita uvongumu' nene a'mine ve ne di kegesi mili-nidilo.

<sup>3</sup> Lavo noso<sup>1</sup> nite<sup>1</sup> malise igi O'mosola li mini a'ine godo'nido<sup>1</sup> hiti di kegesi-ngidi ngimiselikevo vasine<sup>1</sup>.

*Banabasiki Sauloki Kipilo Ailaniu' Mono' Lingimi'mi Vasine' Gamazi*

<sup>4</sup> Inginge O'moso'mi Sikalahu<sup>1</sup> ne'mo ngimiselavo Seleukia ebeta lomi vi sipiu<sup>1</sup> dizi Kipilo ailaniu<sup>1</sup> vasine<sup>1</sup>.

<sup>5</sup> Kipilo ailaniu<sup>1</sup> vi heteli a'midaa minine<sup>1</sup> ebe<sup>1</sup> Salami neu<sup>1</sup> vi Zuda veti mono<sup>1</sup> numuno minido<sup>1</sup> minido<sup>1</sup> O'moso'mi gamazi li soto<sup>1</sup> igi lingimasine<sup>1</sup>. Ido<sup>1</sup> ne'mine igi nizasivo Zohane<sup>1</sup> ado<sup>1</sup> gulive<sup>1</sup>ve gohi ma Maleko<sup>1</sup> ve lo minine<sup>1</sup> ne'mo gelekele<sup>1</sup> o-ngedo hize ele<sup>1</sup> o-ngedo minine<sup>1</sup>.

<sup>6</sup> Ne'mine igi Salami ebe<sup>1</sup> huli Kipilo ailani lumola ivile<sup>1</sup> igi vi Pahosi ebeku<sup>1</sup> hetelani<sup>1</sup>.

<sup>7</sup> Heteli nela Zuda ve ma aza mino soza gamazi lo soto<sup>1</sup> ogo minaa<sup>1</sup> ive ma gulive Bala Izesu<sup>1</sup> ve lo minine<sup>1</sup> ma ningani<sup>1</sup>. A'mine ve nene Kipilo aleveti guve<sup>1</sup>nesi ve naba gulive Selegio<sup>1</sup> Paulo<sup>1</sup> aza galau<sup>1</sup> vevese minine<sup>1</sup> minani<sup>1</sup> neivo maka<sup>1</sup> minasine<sup>1</sup>. Guvelesi ve Selegio<sup>1</sup> aza Banabasingi Saulungi elese molo ngemo O'moso'mi gamazi gelelesa longo<sup>1</sup> longo<sup>1</sup> o-ngidine<sup>1</sup>.

<sup>8</sup> Ne'mine ogavo a'mine ve nene Elimasi<sup>1</sup> (mene gulive<sup>1</sup>mi monovo ti<sup>1</sup> lo neive: Ani<sup>1</sup> amani<sup>1</sup> ogo minaa<sup>1</sup> ive ve.) A'mine ve aza engi<sup>1</sup> gamazi lasido<sup>1</sup> nene guvelesi ve'mo gele ele<sup>1</sup>vole<sup>1</sup> olosa giline<sup>1</sup>

nene hulilive lo a'mine gamazilo' e'menga longimine'.

<sup>9</sup> Ne'mine ine'za Saulo' gulive gosoho' Paulo' ve lo minine' nene O'moso'mi Sikalahu've ne'mo lulou' gono davo vonu' gisili hize-de mino

<sup>10</sup> ti' lo lo-imine': Gaza Satani'mi gipele mino soza saza lo evene' go'ine gohi izo lisihe' amani' inite' mata' ogo inite' lamine' muki' lovo ongema'a' anive gaza Guvelesi ve'mi aka lisihe' nene do gopo' napa' oga' naine' nene alo' hulamane.

<sup>11</sup> Nemu' Guvelesi ve'mo amuzolotunu' gebelavo veka likavo gamene ma alingu' holi'mi labanala ma ningamo haza minelesane. Nolivo noline' velesi lite' lo limuso ne'mine gele vine' ne'mo velelo' liti'muso izavo analo' di monilizavemu' vise' ogo minine'.

<sup>12</sup> Ne'mine ogavo soto' ine' inite' ningو misubou' veti guvelesi ve aza Guvelesi ve'mi monokumu' giline' gasava hizavo gele ele'vole' ine'.

### *Pauloki Banabasiki Pisidia Misubou' Adiokia Ebeta Gono Dasine' Gamazi*

<sup>13</sup> Paulo' ve ido' ezesi monavesi Pahosi ebe' huli sipiu' dizi Pamahilia misubou' Pelega ebeta vi hetelani'. Heteli Zohane' aza hulo-ngedo Zelusalemi numuda do tine' molo vine'.

<sup>14</sup> Ne'mine ogavo ingine Pelega ebe' huli vi Pisidia misubo'mi gahevela Adiokia ebeta nene vi hetelasine'. Heteli mini holiseku' nene Zuda veti mono' numungu' dizi minasine'.

<sup>15</sup> Nizasivo Mose' gizine' gamaziuti' gati O'moso'mi gamazi li soto' iga' ave polohetelite gizikani' gamazi mauti' gati mono' gizebo ve

ingine elese mili ngimi ti' li li-ngimani!: Zogole zuho matise evene' leze mulude do gili' lo-ledeline' gamazi lengita ma neivo ma ma li-limilizo.

<sup>16</sup> Ti' li li-ngimikevo Paulo' aza oto elese' iki minilizave lo ana do oto avazaha ogo ti' lo line':

Isilaele' alevesi ido' evene' linge ma O'mosomu' golise gilaa' nani' masi lingine gilio.

<sup>17</sup> O'moso aza Isilaele' aleve lezemu' eze zuho minilizave lo avotemotine do kegese-ngedo Aigita misubouko venenga ve gili nizavo do amuzo molo-ngedo neivo hizi hutile' ani'. Ne'mine ikevo goboni mili-ngidi minanguti' amuzo molo ngele'mizo ebe' hadivelo' novivo

<sup>18</sup> ingine goloso nite' i'mi vangumu' gosele' belamivo gizebo o-ngede'mo vo neivo kilisimasi foti (40) ogo vine!.

<sup>19</sup> Ne'mine ogo Kanaha misubou' evene' gulive'ine ato atokisi zuho seveni nene ngebele gese' ogo engi' misubo'ine nene avotemotine ize' molo ngemavo go'nido' go'nido' di nizavo kilisimasi fo hadeti fifti (450) ogo vine!.

<sup>20</sup> Ogo vavo gizebo ve do kegese-ngedo hulo-ngedavo mini'mi nivavo alinge' O'moso'mi gamazi lo soto' ilive Samuveli soto' ine!.

<sup>21</sup> Soto' ogo neivo avotemote ingine guvelesi ve naba lolo' ili ve mamu' longo' ikevo O'moso'mo Benizamini' a'vopilemo' zuhouti' ve ma Kisi' gipele Saulo'ni do soto' o-ngedavo Saulo' aza guve'inesi ve lolo' ogo neivo Kilisimasi foti (40) ogo vine!.

<sup>22</sup> Alinge' nene Saulo'ni do hulo-do Davidi'ni do soto' ogo guve'inesi ve lolo' ogo minelive lo

do ngimine!. Ido' ezemu' ti' lo line!: Naza Zesai' gipele Davidi' nene nenil' vo'nelo' minive minavo ninguvoni' ve. Aza na'nise giluvodo' inite' ogo molo oloseive lo line!.

<sup>23</sup> Ido' O'moso'mo Davidi'ni lo huko-dine' gamazi ma do gihile izo a'mine ve'mi a'vopilemo' zuhouti' ve ma Izesu'ni nene Isilaele' aleve do lu' izelive minelive lo ele'mize molani'.

<sup>24</sup> Ido' Izesu' nene olihe gono've api' ogo damivo Zohane' aza gomu' ogo lo soto' ogo Isilaele' alevekizo, lingine lutine di velepe' izi li-himetine huli mono' noso hilalizave lo lo-limine!.

<sup>25</sup> Ti' lo lo-lemo gono've do pelelesa noogo ti' lo lo-ngimine!: Lingine nenikumu' gili O'moso'mo do lu' izelive lo imiselelesa live nehe li laa' ani' ma nene o've naza a'mine ve ne nomuve. Eze nene alinge' nave. Naza lemo minuvoni' a'nemineli'mine eze dizo minive'mi gizeneloti' suu've nene ngelo apase hulo-delohé lo line!.

<sup>26</sup> Zogone zuhokizo, Abalahamu' a'vopilemo' mate, ido' lingine heta ve mini O'mosomu' golise gili ezela gi'mizi minaa' nani' nene leze do lu' izelive lo mene gamazi lelikumu' ogo huline' ma ve.

<sup>27</sup> Zelusalemi alevesi engi' gizebo ve'inesi Izesu' monovo ningi gili lamine' ami O'moso'mi gamazi li soto' iga' ave polohetelite gizikani' gamazi nene holise' mukiku' gataa' nani' nesi gili lamine' ami Izesu'ni gonito' ele'mizi mili helelive lani' ne'mo a'mine gizikani' gamazi di gihile izani!.

<sup>28</sup> Lihime've nomivo ingine heleline' ne'mi monovo ma di soto' milamani'za hazamu' Pilatoda ti' li lani': Gaza bililo lanivo amilite bililizave

lani'.

<sup>29</sup> Ne'mine igi mono' godolou' ne'mine i-dilizave li ezemu' gamazi gizi nizani' malo' nene i-dikevo helavo lohoto' zaloti' apasi di galese izidani'za

<sup>30</sup> O'moso'mo hilave engi' mulise'ninguti' do ote-dine'.

<sup>31</sup> Do ote-davo engita soto' oka' oka' ivo ezesi maka' nGalilaia misubolati' duvi Zelusalemi ebeku' vi minave eze ningika' ningika' igi nizavo gamene muki' ine'. Ido' a'mine ve nete ningangumu' idisesi eze gamazi've li soto' igi evene' li-ngimaa' nave.

<sup>32-33</sup> Li-ngimaa' navo lazasi gamazi lamine' mene lo-lengemo O'moso'mo Izusu'ni do ote-do avotemotinemu' gamazi lo huko lo-ngidine' nene nga'vopilemo' lelikumu' ogo mo do gihile izani' ma ve losa nemu' nolo-lingimusive. Do ote-dingumu' nene mono' godolou' Sam naba tu neu' ti' lo gize neine' ma neive:

<sup>34</sup> Idise naza gei' maho lolo' ogo nen'i gipe'ne gei' nene nane lo  
do ote-giduvoni' ve.

Ido' Izusu'ni hilinguti' do ote-davo a'minguko gohi tine' molo vo gelesamiline' o neive. Nemu' nene O'moso'mo line' gamazi ma ti' lo gize neive:  
Ele'vole' gamazi lo

Davidi'ni lo huko lo-duvoni' inite' lamine' nene  
lehize-lengedelesa nouve.

<sup>35</sup> Nemu' ne gamazi gohi ma Davidi' aza O'mosomu' line' mene ti' lo neive:

Lu'ne geita molo gelekele' o-giduve neze hulonadanivo  
oko'ne geleso unuovo amoloseive.

<sup>36</sup> Davidi'nimu' mo gele none. Aza minine' gameneu' O'mosomu' ogo gelekele' o emo gono gamazi lo-dine' nene do osu' lo helavo avolomotine galese izi-ngidado' galese izi-dikevo oko'no geleso unuovo ine'za

<sup>37</sup> geleso unuovo amive nene zaho neve. O'moso'mo do ote-dive ma ve.

<sup>38-39</sup> Neze zuhokizo, nemu' lo-lengemeloze. Gili guni i minilo. A'mine ve'mo aka've do soto' ine' mamu' nene O'moso'mo lihimetine hulo-lengedelive lo gamazi've nolo-lingimusive. Ido' a'mine ve Izesu'nimu' gili ele'vole' ilizani' nene lihimetine muki' Mose' lou' gamazi gizingu' gilite-lengedamiline' o minine' nene O'moso'mo gilite osu' lo-lengedelesive.

<sup>40</sup> Ehe, O'moso'mi gamazi li soto' iga' ave polohetelite gizani' gamazi mau' gize neine' nene lengita soto' ogo gihile izalive lo nolo-lingimusize. Gizebo igi minilo. O'moso'mo line' gamazi ma ti' lo gize neive:

<sup>41</sup> Agae, neni' gono'nemu' nene ha nite' ve li gilaa' nave lingine gililo.

Lingine nizani' gameneu' mene amebe gono dalosuvonako

a'minemu' nene li ngolo' li li-lingimilizanikisi  
a'minemu' nene ngeli gili ele'vole' amilizani'  
nenako

nemu' nene lengehelele izivo mini sizaga li hili  
minilo lo gize neine' ma ve.

<sup>42</sup> Paulo' ne'mine lavoo mono' numunguti' limi  
nasivo evene' nete holise' mau' nene igi idise  
lasine' initekumu' ihe' li-limilisine' nehe li longo'  
i-ngidani'.

**43** Ido' evene' mono' numunguti' limi hutile' igi nivi Zuda ve linge masi ido' Zuda veti monoku' vi hilave linge masi evene' muki' Paulongi Banabasingi nge'meti nivavo ingine O'moso'mi mulumo nasahiliku' nene ele'vole' igi minilizave li ga'ine dasine'.

**44** Ne'mine ikevo holise' mau' ebe' me'ninge ngomosi' ma numuda nizavo vai' goloso O'moso'mi gamazi gililisa ani'.

**45** Vai' goloso ikevo Zuda ve nete evene' muki' ani' ningi ve'ine mulolo' ingihi Paulongi ido' Banabasingi lukehe naba ngibili Paulo' line' gamazi nesi ataize li di'mi limi-ngidi divi' ledivika li minani'.

**46** Divi' ledivika li minikevo Pauloki Banabasiki gamazi livi' kiselivi' igi ti' li lasine': Lingine Zuda vemu' gomu' api' ogo O'moso'mi gamazi lo-lengemelone' o neivosa lo-lingimune'za lingine a'mine gamazi vasa izi hulikenako lingine O'moso'mo minevo' minevo' lengemeni dameni nene o've lo lengemamili inite' igi minani' nene langise idise di soto' ikeve. Nemu' nene laza heta ato' vela volosusive.

**47** Nemu' nene Guvelesi ve'mo ti' lo lo leme neine' ve:

Gaza nene

heta ato' veliti lamu livi'ine ne'mine loloi' ogo  
mineline lo

gele'mize molokuve.

Ado' misubo lumola minave nesi lukuvo nalizani'  
aka nene gei' ngelebizeline lo

gele'mize molokuve.

**48** Ti' li likesivo heta ato' ve ingine  
gili mulu'ningu' lamine' gili O'moso'mi

gamazi'vemu' opo'ni li sizaga li-dani!. Ne'mine ikevo minevo' minevo' ngemenisi minilizave lo O'moso'mo gelo do gizeka' ine' aleve ingine gili ele'vole' ani'.

<sup>49</sup> Ne'mine ikevo a'mine misubou' nene Guvelesi ve'mi gamazi ne'mo buu lo monine'.

<sup>50</sup> Buu lo monine'za Zuda ve ingine a'mine ebeku' vene' ma dizi mini Zuda veti mono' numungu' mono' gili minani' nesi ve naba minanikisi mulu'ningu' hizikevo Paulongi Banabasingi gobonga li-ngidi numuno ebe'ninguti' ngimiseli hulikevo vasine'.

<sup>51</sup> Vilisa nivi monovo'ine gililizave li avazaha igi hungo' mili gize'nidoti' u'musupo nene okoho' izi huli Ikonio ebeta vasine'.

<sup>52</sup> Niyasivo Izesu' evenele zuho Adiokia ebeku' minani' ingine O'moso'mi Sikalahu' ne'mo lu'ningu' gono do neivo mulu'ningu' lamine' gili ngolize izi minani'.

## 14

*Pauloki Banabasiki Ikonio Ebeku' Vi Hetelaisine' Gamazi*

<sup>1</sup> Ne'mine ikevo Ikonio ebeku' heteli a'mine'mine igi Zuda veti mono' numungu' dizi mono' lasine'. Ne'mine lasingumu' evene' mulise naba Zuda vesi nGiliki aleve netesi gili ngeho lani'.

<sup>2</sup> Ne'mine ani'za Zuda ve linge ma ve setalitisi gamazi gili hulave nete a'minguti' ve linge maliti mulu'ningu' hizi guvelesi ve'mi evenele zuhomu' gili goloso ilizave li ga'ine dani'.

<sup>3</sup> Ne'mine ikevo nemu' nene Paulokisi Banabasikisi gamene ha'na a'mida ha mini ngehelele

izamivo Guvelesi ve'mo nasahili' o-ledo do lu'  
izaa' neine' gamazi nene livi kiselivi' igi li-ngimi'  
ngimi' igi minasine!. Ne'mine igi nizasivo Guve-  
lesi ve'mo mangi o-ledo do lu' izaa' neine' evene'  
gilavo gihile izeleseive lo Guvelesi ve'mo a'mine  
lasine' gamazi hize ele' ogo amuzo ngemavo  
ingine oso' amoso' nite' ato' ato' di soto' asine!.

<sup>4</sup> Ne'mine ikesivo a'mine ebe' nabalo' minani'  
aleve ingine ho'li lingela Zuda vetida gi'mizekevo  
lingela nene aposolo setata vi gi'mizani!.

<sup>5</sup> Ne'mine ikevo alinge' nene misubo  
me'ningesi Zuda vesi ido' engi' gizebo vesi di  
nubo igi aposolo divi ledivi' igi geheni hulo hulo'  
ogo ngebelelone li li hukani!.

<sup>6</sup> Li hukikevo Pauloki Banabasiki a'mine  
gamazi gili golise vi Likaionia ebe' nabau'  
Lisitila numuda ido' Delebe numuda ido' a'mida  
numuno ngomo ngomo mine'mo moningu' nesi  
vi.

<sup>7</sup> mono' gamazi lamine' nene li-ngimika' li-  
ngimika' igi moni minasine!.

### *Lisitila Ebeku' Paulo'ni Gehenidunu' Bilani' Gamazi*

<sup>8</sup> Ido' Lisitila numuda ve ma gizene hela hela  
gebili do minine!. Ido' aza nene izeleho gana'  
gidinguti' gizene goloso o vine' gedavo aka mon-  
amo hu'mo hu'mo ogo minaa' ine'

<sup>9</sup> Neivo Paulo' mono' nolivo nogilivo Paulo'  
aza gisili hizo vonu' belo ningine' nene a'mine  
ve ne'mo O'mosomu' gele ele'vole' ogo neivo  
lamine' ozo lokuvo lamine' ilive lo ningi giline!.

**10** Ne'mine lo gelo gamazi naba lo ti' lo lo-imine': Gaza ote pehe lo minezo. Ti' lo lavo upuho' ogo oto aka mone mone ine'!

**11** Ne'mine ogavo evene' muki' nete Paulo' ine' inite' ne ningi engi' Likaonia aleveti gamazi'ninguti' gamazi naba li ti' li lani': O'mosolitise evene' oko'ine di otuhi lelita limi nizasive li lani'.

**12** Banabasi'nimu' engi' o'moso nite' mali'mi gulive li Zeuse' ve li mili-dani'. Ido' Paulo' aza gamazi gamazi laa' ive mininako leli' O'moso nite' Heleme' oga' ine' ne'mine azasi neive li gulive a'mido' Heleme' ve li mili-dani'.

**13** Ne'mine ikevo ebe' naba ne'mi velela Zeuse'nimu' ve li mono' numuno gizikani' ma minine'. A'minguti' Zeuse'ni mabanuho gizo emaa' ive aza gonolise inite' lolo' ogo bulumaka' izeliti luvo'ningu' molo-ngedo ebe' nabali'mi gatedo' do do vo azasi evene' mukikisi mabanuho gize ngemelone li nilavo

**14** aposolo seta' Pauloki Banabasiki ingine gili upuho' goloso igi inite' lolo' ilizani' nene goloso nite' ve li evene' ningi gililisave li genegana'ine di boloti loti' izi vi evene' mulise nizangu' heteli geke' li

**15** ti' li lasine': Vekizo, lingine nanitekumu' ne'mine ilisa nave. Laza nene lingine gidini haza evene' nosive. Lingine nene o'mosotine soza sazali'mine haza nite' nene mehedine ngimi mine'mo dizovo' minaa' neine' O'moso ezela vi gi'mizilizave lo mene gamazi lamine' nene nolo-lingimusive. Aza a'mine O'moso nene Okulomo' misubo ido' guvo noso ido' muki' inite' neine'

nene do soto' molani' ve.

<sup>16</sup> Gamene gala'mudati' evene' linge muki' ingine ani' amani' i'mi nidizavo gele ngemavo engi' lu'ine'mo lido' aka ato ato' di soto' mili'mi dizani'.

<sup>17</sup> Lamine' nenako aza nene eze monovo ngelebizamo hazza minine' nevoba eze monovo ningilizave lo do lamine' o-lengedo Okulumokuti' nene goline gamenesi noso' nite' vai' laa' ine' gamenesi lingimivo nivi' nivi' igi mini muludingu' lamine' gilaa' nave.

<sup>18</sup> Ne'mine lasine'za nesi nene evene' nete mabanuho gizi ngimilisa ha amuzo mili gili minikevo ge'nebe goloso igi o'ove li-ngidikesivo gili ngimi mabanuho gizi ngimamani' ve.

<sup>19</sup> Ne'mine ani'za Zuda ve ma Adiokia ebekutikisi ido' Ikonio ebekutikisi igi evene' muki' go'ine izikevo Paulo'ni geheni huli huli' igi bilikevo helavo mo hilihe li numunguti' gelelehe' igi di heta limi si'mingala huli-dani'.

<sup>20</sup> Huli-dani'za Izesu' evenele zuholite igi hize vodo vodo i-dikevo oto vo numuno nabau' dizine'. Dizo ongo go' lavo Banabasikisi Delebe numuno ebeku' vasine'.

<sup>21</sup> Vi a'mine ebeku' minani' aleve mono' gamazi lamine' nene li-ngimikesivo evene' muki' gili di Izesu' evenele zuho lili' ani'. Ne'mine ikevo asine' akala tine' mili vi Lisitila ebeta vi Ikonio ebeta vi Adiokia ebeta vi hetelasine'.

<sup>22</sup> Nivi Izesu' evenele zuho a'mine ebeku' mini'mi vani' nene monoku' amuzo mili minilizave li ga'ine di'mi di'mi moni igi lu'ine di amuzo mili-ngidi ti' li li-ngimasine': Mulumo nite' muki' soto' o lemelido' o neine' nenako a'mine mulumo nite' gehelonidotikovo' nene

O'moso'mo gizebo o neine' ebeku' mo'mosite dalosune li li-ngimasine'.

<sup>23</sup> Ne'mine igi Izesu' evenele zuho mulise mili'mi monangu' numudo' numudo' evene' linge ma di kegesi gizebo ve'ine minilizave li ngele'mize mili'mi vi monokumu' gili noso' nite' malise igi O'mosola li Guvelesi vemu' gili ele'vole' ikeze nemu'aza gizebo o-lingidivo li lasine' ve.

*Silia Misubouko Adiokia Ebeta Tine' Mili Vasin'e Gamazi*

<sup>24</sup> Ne'mine igi Pisidia misubo huli vi Pamahilia misubouko hetelasine'.

<sup>25</sup> Heteli Pelega ebeku' mono' li-ngimi Atalia ebeta limi vasine'.

<sup>26</sup> Limi heteli sipiu' dizi a'mingu' Adiokia ebeta hetelasine'. Ado' a'mine di osu' lasine' mono' gono nene olihe api' igi dalisa nasivo Izesu' evenele nete O'mosola li a'mine gono nidasivo O'moso'mo nasahili' o-ngedo hize ele' o-ngedo minelive li a'mine gonou' ngimiselani' ebeta igi hetelasine'.

<sup>27</sup> Ido' a'mido' igi heteli Izesu' evenele zuho di mulise mili-ngidi O'moso'mo hize ele' o-ngidivo gono dasine' gamazi li-ngimi ido' O'moso'mo akahe si'ze-ngedavo heta ato' ve ma Izesu'nimu' gili ele'vole' ani' nemu' vetete' igi li-ngimi osu' lasine'.

<sup>28</sup> Ne'mine igi Izesu' evenele zuhos mini gamene ha'na minasine' ve.

<sup>1</sup> Zudaia misuboukoti' ve linge ma ingine Adiokia ebeta limi Izesu' evenele zuho ti' li lingimi ngimi' igi minani': Lingine Mose' lo hukolidine' ma'mine igi O'moso'mi noso mili okodine lolovo huki hulamilizani' nene O'moso'mo do lungu' izamoloseive.

<sup>2</sup> A'mine lani' gamazi nene gili Pauloki Banabasiki a'mine vesi gamazi languti' lovo'ningu' ogavo lovo lolize naba hizani'. Ne'mine ogavo Pauloki Banabasiki ido' engikuti' ve linge masi Zelusalemi numuda duvikevo a'mine gamazimu' nene aposolokisi ido' gizebo ve lingesi ingine engi' ve'ninguti' gamazi lilizani' gililizave li gamazi di hamo' ani'.

<sup>3</sup> Gamazi di hamo' igi Izesuda gi'mizi mulise milaa' ani' aleve ingine ngimiseli kevo vani'. Nivi heta ato' ve lu'ine di velepe' izi O'mosola gi'mizani' gamazi nene vetete' igi Hoinikia misuboukisi ido' Samalia misuboukisi li-ngimikevo Izesu' zuho mukilate gili ngolize izi minani'.

<sup>4</sup> Ido' ne'mine ikevo Paulolesi vi Zelusalemi numuda hetelani'. Hetelikevo Izesu' evenele mulisesi gizebo ve'inesi ido' aposolokisi mulise mili lamine' ikeve li-ngidikevo Pauloki Banabasiki ingine O'moso'mo hize ele' o-ngidivo gono dasine' gamazi nene vetete' igi li-ngimasine'.

<sup>5</sup> Li-ngimikesivo Halisaio' zuhouti' evene' linge ma Izesuda gi'mizi minavelite oti ti' li lani': A'mine gono nidasivo heta ato' ve Izesu'nimu' gili ele'vole' ani' ingine O'moso'mi noso mili oko'ine lolovo huki hulilizani' o neive. Ido' Mose' lou' gamazi lo huko-lidine' nene gili dalizave lo lo-ngemelone' o neive li lani'.

**6** Likevo aposolokisi gizebo vesi a'mine gamazimu' lo volelo' melo' ogo lolone li di gese' ani'.

**7** Di gese' igi li volelo' melo' igi gamazi muki' likevo Petolo' oto ti' lo lo-ngimine': Vekizo, lingine neze zuho gililo. Evene' heta ato' ve Izesu' gamazi lamine' mene neni' ve'neti' gili ele'vole' ilizave lo leli' vovoteti' O'moso'mo gozopo' gamene gala'mudati' vomine lingine zuho neni' nele'mize molani' nene mo gili nizave.

**8** Ne'mine ogavo O'moso luteu' ningaa' ive'mo Zuda ve leli' eze Sikalahu' limine' ma'mino heta ato' ve nongemo ninge goloso o-ngedamaa' ine' monovo nene lelebizine'.

**9** Ingine aka atoto' ngele'mize molamo a'mine a'mine do hamo' o-ledo heta ato' ve inginesi ezemu' gili ele'vole' ikevo engi' lu'ningu' goloso o minine' nesi gilita-ngidine' ma neive.

**10** Oko'ine lolovo huki huli Mose' lo huko line' gamazi muki' gili dalizave ingine genivesi gono naba daa' nave. A'mine gonoli'mo avotemotina ngivize vivo lezesi livize vine' ve. Nemu' nene lingine O'moso'mo lamido' ivile' igi a'mine genivesi gono nene heta ato' ve Izesu' evenele zuho lili' ani' engi' ngimi O'moso golo izilisa nilahe.

**11** Ne'mine amolone. Laza ti' lo gelaa' noune' ma neive. Ezemu' ha gele ele'vole' une' nemu' Guvelesi ve Izesu' aza nasahili' o-ledo do lu' izine' a'mine'mine ogo heta ato' vesi ezemu' gili ele'vole' ikevo nasahili' o ngemo do ngu' izeleseive.

**12** Petolo' aza ti' lo lavo evene' muki' ingine lolize gani lami ve'ine bizi mini Pauloki Banabasiki ingine heta ato' vetida vi gono dasingu'

nene O'moso'mo engikisi gono nodo amuzo nge-mavo oso' amoso' nite' ato ato' di soto' asingumu' nene vetete' igi nilasivo gili minani'.

<sup>13</sup> Li-ngimi osu' likesivo Zakobo' ti' lo longime': Vekizo, neze zuho mate, gamazi ma loloze. Gililo.

<sup>14</sup> O'moso'mo heta ato' ve engikumu' gelo lulo otavo eze zuho lili' ilizave lo aka vele-ngedo linge ma ngele'mize kegesine' gamazi nene Simeoni' vetete' ogo lo-lemavo gelekune' ma neive.

<sup>15</sup> A'mine gamazisi ido' O'moso'mi gamazi li soto' iga' ave polohete nete gizi mili nizani' gamazi nesi nene vo milise' o neive. Ido' polohete malite O'moso'mo line' gamazi gizani' ma ti' lo neive:

<sup>16-18</sup> Guvelesi ve  
ado' gono daline' monovo nene gozopo'  
aka'milati' lo soto' ive'mo ti' lo nolive:  
Naza nene tine' molo ogo  
guvelesi ve Davidi' evenele zuho ingine  
numuno gaza' hulupo elo lemo ongani' ne'mine  
igi limi ingi minani' nene  
gohi do ote-ngedelesuve.

Ee, a'mine numuno gaza' zupo' o minine' nene  
ngu'voso gohi gizo do gosoho' olosuve.

Ido' ne'mine olodoti' nene  
evene' gohi lumo minani' nete  
ado' nen'i ve lo lo-ngiduvoni' heta ato' ve muki'  
nete

Guvelesi ve nenita igi gi'mizilizani' aka ma  
vise' ilisave lo line'.

<sup>19</sup> Ti' li gizi nizani' nenako naza ti' lo nogiluve.  
Heta vetidati' lu'ine di velepe' izi O'mosola nave  
ingine geni'vesi gono ngemamolone.

**20** nGemamolone'za avazaha o'moso niteliti noso' nitekuti' nene namii vene' vemoho' gopo ingamii ize gulo nala' i-ngidangutii' namii ize guloliti vanise'ine namii malise igi kekeize li minilizave lo luhuovo nite' gizelone lo nogiluve.

**21** Ne'mine okunivo Mose' lo huko line' gamazi linge ma minine' nene vo halekalive losa nolabe. Nene vo halekamoloseive. Gozopo' gala'mudati' avotemote ani' amani' igi leze Zuda veti mono' numude mini'mi monangu' holise' gameneu' gameneu' nene Mose' lo huko line' gamazi gati limaa' nanako ngelo vo halekamoloseive.

### *Mulise Milavete Gamazi Lani' Gamazi*

**22** Ne'mine lavo gili aposolosi gizebo vesi ido' Izesu' evenele mukikisi ti' li lani': Laza lelikuti' evene' sita' do kegese-ngedo ngimiseleku-nivo Paulole Banabasilesi maka' Adiokia ebeta vilizave. Ne'mine li Zuda' ado' gulive gohi ma Balasaba' ve lo minine' nesi ido' Silasi'nisi nene di kegesi-ngidani'. A'mine ve sita' ingine Izesu' zuholiti vovo'ningu' ve naba gidini minasine'.

**23** Ne di kegesi-ngidi luhuovo ti' li gizi a'ningu' ngimi ngimiselani': Lengi' zuho aposolosi gizebo vesi laza lingine heta ato' ve leli' zuho Adiokia ebekukisi ido' Silia misuboukisi ido' Kilikia misuboukisi nizave lengikumu' isetine ve lo luhuovo nite' mene gizo nolingimune.

**24** Laza lamunido' melati' ve linge ma lengita vi gamazi li-lingimi lengele'mize gopo ikevo gili gopo ani'. Ne'mine ikevo laza gelo

**25-26** mulise molo ve seta' do kegeso lute ngeme nonive Banabasiki Pauloki engikisi ngimiseleku-nivo nesene maka' nivave. A'mine ve in-

gine Guvetesi ve Izesu<sup>1</sup> Kilisito<sup>1</sup>nimu<sup>1</sup> gili ngibilizangumu<sup>1</sup> oko<sup>1</sup>ine hukamivo eze gono nene gopo di<sup>1</sup>mi vasine<sup>1</sup>.

<sup>27</sup> Nemu<sup>1</sup> nene Zudangi Silasingi ngimiseleku-nivo ingine ve<sup>1</sup>ninguti<sup>1</sup> a<sup>1</sup>mine gamazi nene lingimikevo gililisave.

<sup>28</sup> O<sup>1</sup>moso<sup>1</sup>mi Sikalahuli<sup>1</sup>mo aza ti<sup>1</sup> lo lavo lazasi a<sup>1</sup>mido<sup>1</sup> ve lo nolo hukune: Gono geni<sup>1</sup>vesi ma lengemamolosune. A<sup>1</sup>ne lo-lengemelone<sup>1</sup> gamazi nene lingine gili dalizado<sup>1</sup> o neivosa ha gili dalizaha Mose<sup>1</sup> lou<sup>1</sup> gamazi vaito<sup>1</sup> gili dalizave lo genivesi gono gohi ma gehe-lengedamolosune.

<sup>29</sup> Lingine avazaha o<sup>1</sup>moso initeli<sup>1</sup>mi noso<sup>1</sup> nite<sup>1</sup>vata<sup>1</sup> ilizanguti<sup>1</sup> namilo. Ido<sup>1</sup> nala<sup>1</sup> i-ngidiliza ize guloti<sup>1</sup> namilo. Ido<sup>1</sup> ize guloliti vanise<sup>1</sup>ine namilo. Ido<sup>1</sup> vene<sup>1</sup> vemoho<sup>1</sup> gopo ingamilo. Ne<sup>1</sup>mine init<sup>1</sup>e mehedine imi malise gehepeve ilizani<sup>1</sup> nene vevesi minilisave. Lamine<sup>1</sup> ve. Moda ve.

<sup>30</sup> Luhuovo nite<sup>1</sup> ti<sup>1</sup> li gizi ngimi di aka i-ngidikevo vani<sup>1</sup>!. Vi Adiokia ebeku<sup>1</sup> heteli Izesu<sup>1</sup> evenele zuho muki<sup>1</sup> di mulise mili-ngidi luhuovo nite<sup>1</sup> ngimani<sup>1</sup>!

<sup>31</sup> nGimikevo gati gili luhuovo gizani<sup>1</sup> gamazi ne<sup>1</sup>mo do ngi lo-ngedavo ngolize izi minani<sup>1</sup>!

<sup>32</sup> Ne<sup>1</sup>mine ikevo Zudaki Silasiki ingine O<sup>1</sup>moso<sup>1</sup>mi gamazi li soto<sup>1</sup> iga<sup>1</sup> asive polohete minasine<sup>1</sup> nenako gamazi muki<sup>1</sup> li ngele<sup>1</sup>mize hongu li di ngi li-ngidasine<sup>1</sup>.

<sup>33-34</sup> Ne<sup>1</sup>mine igi inginesi mineti<sup>1</sup> niigi ngimiselavela tine<sup>1</sup> mili vilisa nasivo Izesu<sup>1</sup> zuho ingine lingine muludingu<sup>1</sup> hongu lo minivo vilizo

li mese' aseka li-ngidi di aka i-ngidani!.\*

<sup>35</sup> Ido' Pauloki Banabasiki ingine Adiokia ebeku' mini inginesi ve lingesi Guvelesi ve'mi gamazi li soto' igi apizi ngimi ngimi' igi minani' ve.

### *Pauloki Banabasiki Vi Eza Ema Asine' Gamazi*

<sup>36</sup> Gamene ma ogo novivo Paulo' aza Banabasi'ni ti' lo lo-imine': Laza vo Guvelesi ve'mi gamazi lo soto' o ngemaa' usine' numudo' numudo' leze zuho soto' ani' ingine nadi' nadi' igi nizahe nemu' vo ninge-ngegedelesive.

<sup>37</sup> Ti' lo lavo Banabasi' aza Zohane' ado' gulive ma Maleko' ve lo minine' nesi ele'mizo volosive lo line'za

<sup>38</sup> Maleko' gomu' ogo Pamahilia misubou' heteli gono a'mido' api' igi dalisa navo damolove lo-ngedo tine' molo ani' nenako Paulo' aza a'ne'mine ve ele'mizo volone' amive lo gele mino o've line'.

<sup>39</sup> Paulo' aza Maleko' vamilive lavo nemu' nene Banabasikisi lovo lolize naba asine'. Ido' ne'mine asidot'i nene gohi makato' monamilisine' ogavo mine eze ema asine'. Ado' Banabasi' aza nene Maleko'ni ele'mizo vo sipiu' dizi vi golo gohilo' Kipilo ailaniu' vasine'.

<sup>40</sup> Paulo' aza Silasi'ni do kegese-davo Izesu' zuho ingine Guvelesi ve'mo nasahili' o-ngedelive li O'mosola likevo vasine'.

---

\* <sup>15:33-34:</sup> Gozopo' aka'mila gizani' Mono' Godolo linge mau' goholo 34 nesi ti' li giziken'i neive: Ne'mine ani'za Silasi' aza mela ha minelove lo gelo vamive.

**41** Vi Silia misubouko ido' Kilikia misubouko heteli Izesu' evenele zuho mulise mili'mi monadaa moni monoku' di amuzo mili-ngidi'mi vasine' ve.

## 16

### *Pauloki Silasiki Timoteo'ni Ele'mizi Vaside' Gamazi*

**1** Pauloki Silasiki ingine Delebe ebeta vi Lisisila ebeta hetelasine'. Ido' Izesu' evenele zuho a'mida minangut'i ve ma minine' nene gulive Timoteo'. A'mine veli'mi izeleho nene Zuda vene' mino Izesuda gi'mizo minine' ido' meleho nene nGiliki ve minine'.

**2** Izesu' zuho Lisitila ebeku' ido' Ikonio ebeku' minave ingine Timoteo'nimu' gamangi mili-daa' ani'.

**3** A'mine ve nene Paulo' aza ele'mizo volosa giliha a'mine ebeta Zuda ve muki' minani' nete meleho nene nGiliki misuboukoti' ve minine' nene gili osu' li minani' nenako aza nene lukehe ikelizave lo Timoteo'ni ele'mizo vo O'moso'mi noso molo-do oko'no lolovo huko hulo-dine'.

**4** Ne'mine ogo numudo' namado' vi aposolokisi gizebo vesi ingine Zelusalemi ebeta li hukani' gamazi nene gili dalizave li li-ngidi'mi li-ngidi'mi vani'.

**5** Ne'mine igi gono dikevo Izesu' evenele zuho ingine monokumu' gili ele'vole' ani' ne'mo amuzo molavo gamene gamene vi kilika' kilika' avo muki' hizi hutile' ani'.

### *Paulole Makedonia Misubouko Vani' Gamazi*

**6** Ne'mine ikevo Asia misuboukosi mono' lingimamilizave lo O'moso'mi Sikalahuli'mo aka

hize tile-ngedavo Piliglia misuboukosi ido' Galatia misuboukosi mono' gamazi lamine' li-ngimi' ngimi' i'mi vani'.

<sup>7</sup> Vi Misia misubo gahevela igi Bitinia misubouko volone likevo Izesu' Sikalahuli'mo a'mine'mino gele ngemamivo

<sup>8</sup> Misia misubo ivile' igi lomi vi Toloasi ebeta hetelani'.

<sup>9</sup> Hetelikevo me luhuovo gizuve nazasi makato' minune. Minuningu' holuka' Paulo' vamu' ti' lo ningive: Makedonia ve mali'mo ote mino amuzonga lo ti' lo line': Gaza Makedonia misubouko ogo do lu' izezo.

<sup>10</sup> Aza vamu' ne'mino ningavo nemu' O'moso aza Makedonia misubouko vi mono' gamazi lamine' nene li-ngimilizave lo lo-limine' nene ningi gelo a'mida volone' akamu' vise' une.

<sup>11</sup> Ne'mine ogo sipi do soto' molo a'mingu' dizo Toloasi ebe' hulo lisihe' ogo vo guvo noso huko guvo noso oluso' ailani ma minido' Samotalaka nelo' vo hetelune. Hetelo ongo go' lavo guvo noso huko'mo vo Neapoli ebeta hetelune.

<sup>12</sup> Nelo' Sipiuti' lemo vo Hilipi ebeto' hetelune. A'mine numuno ebe' nene Makedonia misubo nene ize' milanguti' guvelesi misubo dizo minine' ve langu' nene minine'. Ido' Loma ve ingine igi a'mine ebe' me'ninge lili' igi gizebo ani'. A'mine ebeku' nomonunivo gamene ma ogo vine'.

<sup>13</sup> Ogo vavo holise' gamene alitavo a'mine veliti gesi minguti' leme heta ogo noso gahevela nene O'mosola laa' ani' ebe' nolihe lo gelo lemo vune. A'mido' nene vene' ma di gese' igi nizavo ningi laza misubolo' lemo mito' mino mono' lo-

ngimune'!

<sup>14</sup> Lo-ngemekunivo engikuti' O'mosomu' gele ele'vole' ine' vene' ma gulive Lidia' minine'. Aza Tiatila ebekuti' vene' mino gumi kala pepoli live laa' nani' lavolavo ne'mine maketi molavo meni hizaa' ani'. Aza Paulo' line' gamazi nogilivo Guvelesi ve'mo lulo do ngolo' lo-davo Paulo' line' gamazi nene gele dani'.

<sup>15</sup> Gele do azasi ido' ei' numungu' maka' ingaa' ani' alevesi mono' noso hili aza ti' lo lolimine': Lingine neze ningavo Guvelesi vela lamine' mine molokuvo ma lingine nenii' numungu' dici minivi' divi' ilizave lo amuzonga lavo gele emo dizune' ve.

### *Paulongi Silasingi Hilipi Ebeku' Nala' Numungu' Huli-ngidani' Gamazi*

<sup>16</sup> Gamene ma O'mosola laa' ani' ebeta nolimunivo gelekele' alu ma neivo a'minesi votene' une. A'mine alu'mi lulou' nene sikalahu' goloso minavo alinge' soto' o-ngedeline' initekumu' lo soto' ogo evene' lo-ngemaa' ine' nemu' eze gizebo i-daa' ave meni ngimikevo a'midotii' moni naba daa' ani'.

<sup>17</sup> A'mine alusi votene' ogo Paulo'nisi lezesi le'meto noogo asi lo ti' lo line': Ve mene O'moso dize minive'mi gelekele' izipahala mini O'moso'mo do lungu' izeline' aka ma li soto' igi li-lingimaa' nave.

<sup>18</sup> A'mine gamazi nene gamene gamene asi lo laa' ivo nemu' Paulo' gosele' belavo velepe' izo sikalahu' goloso nene ti' lo lo-dine': Izesu' Kilisito' velemu' ogo nolo-gimuve. Sikalahu' goloso

gaza alungo hulo-do dizo ogo vozo. Ti' lo nolivo noline' velesi geto dizo ogo vine'!

<sup>19</sup> Ne'mine ogavo a'mine alu gizebo i-di minave ingine eze gonoloti' meni daa' ilizani' aka'ine nene tilavo ningi gili nemu' Paulongi Silasingi a'nido' di gelelehe' malelehe' igi di vi mulise ebe' nabala zasi nabaliti mo'mosi'nida ngele'mizi vani'.

<sup>20</sup> Zasila ngele'mizi mili goni' nii-ngidi ti' li lani': Ve seta' mene Zuda ve nizasive. Ingine leze mene ebeku' aleve di gopo nii-lidasivo ningi do une.

<sup>21</sup> Ingine monovo gohi atokumu' dalizave li gate di li soto' i limikesivo a'mine monovo gele do e'metelone' nene leze Loma veti lou' gamazite avuto' olone' ogavosa ngele'mizo noune.

<sup>22</sup> Ne'mine likevo mulise mili minavetesivo lovo gamazi li-ngimikevo genegana'ine divi' bolotivi' igi huli ngibililizave li zasilite likevo ne'mine ani'.

<sup>23</sup> Vauve ili izivi' itivi' igi ngibili nala' numungu' huli-ngidi nala' numudo' gizebo ve lamino gizebo ilive li li-dani'.

<sup>24</sup> Ne'mine li-dikevo gelo nemu' nene ngele'mizo nala' numungu' lulo oluso' gehepeveu' hulo-ngedo gize'ine za lulou' loloso' ogo hulo ngimikivo minasine' nene hanigati ne'mine lolo' ogo ne'mine o-ngidine'.

<sup>25</sup> Holuka' ongo velepeto' Pauloki Silasiki ingine O'mosola li opo'ni li mono' nama li nizasivo nalato' ve lingelite a'minemu' lubamu nigilavo

<sup>26</sup> mimi' naba lite' lo ogavo nala' numuno nene muki' do mo'mongo' ine'. Ne'mine ogavo gete geto nala' numungu' akahe muki' si'zo osu' lavo

nalato' veti a'nido' seni nala' dani' nene apase osu' line'.

<sup>27</sup> Ne'mine ogavo nala' numudo' gizebo ve okiseti' oto ningine' nene nala' numungu' akahe muki' si'ze osu' lo neine' neivo ningo nalato' ve muki' limi vi haha ahe lo ei' do minine' bainati mite' nene gelelehe' ogo asi've oko'no bele helelesa neivo

<sup>28</sup> Paulo' aza amuzo molo asi lo line': Gasika okonga do goloso amozo. Laza muki' meuko haza nonge lo line'.

<sup>29</sup> Lavo gizebo ve aza livikumu' lavo imikevo nizasida loti' izo dizo vo luvo luvo noizo engikumu' lamine' giline' nenako nemu' Paulongi Silasingi gize'ningu' lemo pou' lo ongo

<sup>30</sup> ngele'mizo heta ogo ti' lo longo' o-ngidine': Ve naba matise, naza nadi' ogosa lukuvo nalove.

<sup>31</sup> Longo' o-ngedavo ingine ti' li lasine': Guvetesi ve Izesu Kilisito'nimu' gele ele'vole' iline' gezesi maka' nizavesi do lungu' izeleseive.

<sup>32</sup> Ne'mine li Guvelesi ve'mi gamazi nene a'mingu' minani' alevesi ezesi li-ngimasine'.

<sup>33</sup> Li-ngimikesivo nala' numudo' gizebo ve aza a'mine holuka' mo a'mine gamenelo' gehepeve ngele'mizo do vo gavoso ngibilado' nene noso izo do hongu lo-ngidine'. Ne'mine o-ngedavo a'mido' geti azasi ido' eze zuhosи mono' noso hilani'.

<sup>34</sup> Ne'mine ikevo azasi eze zuhosи O'mosomu' gili ele'vole' ani' nemu' ngolize izi minani'.

<sup>35</sup> Ingi go' lavo zasi ingine ti' li li pilisi ve ngimiselani': Ve seta' ma kuluhizi-ngidilo.

<sup>36</sup> Likevo nala' numudo' gizebo ve gelo Paulo'ni vetete' ogo lo-emo ti' lo line': Naza kuluhize-

lengedekuvo vilisive li zasilit gamazi hulikevo nenita naze. Nemu' lingine muludingu' hongu lo minivo vilisasive.

<sup>37</sup> Lavo Paulo' aza pilisi ve ti' lo lo-ngimine': Laza nene Loma ve lengi' muliseuti' nosine'za Loma ve i-ngidisa'mani' inite' ma i-lidi goni' i-lidilisa gilani' nene leze monovo vise' igi li-himete di soto' mili lami haza evene' mukiliti ve'nido' gavoso libili nala' numungu' huli-lidani' ma nemu' nene suno' limiselilisa nilahe. Ne'mino nomive. Angise'ine igi lele'mize heta ikevo volosine' o neive.

<sup>38</sup> Lavo pilisi ve ingine vi a'mine gamazi zasi lingimikevo ve seta' ingine Loma veti muliseuti' gi-dani' minasine' nene gili upuho' igi golise gilani'.

<sup>39</sup> Upuho' igi vi ve setakumu' agae li isetine ve li di hongu li-ngidi ngele'mizi di heto' i-ngidi numuno ebe'ine huli vilisive li zou li ngimiselani'.

<sup>40</sup> nGimiselikevo ingine nala' numunguti' limi heta igi Lidia' numu'veu' vi Izesu' zuho ningi mono' li-ngimi di amuzo mili-ngidi vasine' ve.

## 17

### *Tesalonika Aleve Inging Gulugulunga Li Gopo Gani Lani' Gamazi*

<sup>1</sup> Hilipi ebe' huli vi Amihipoli ebekisi Apolonia ebekisi ivile' igi Tesalonika ebeku' hetelasine'. A'mine ebeku' nene Zuda veti mono' numuno ma minine'.

<sup>2</sup> Neivo Paulo' aza oga' idi'mine ogo holise' gameneu' mulise milangu' dizeka' dizeka' ogo minine'. Gamene setohamo dizo mino inginesi mono' godolouti' gati li gili ha gili ani'.

**3** Ne'mine igi mono' luhuovo gizani' linge ma ne'mi monovo lo-ngemo ti' lo line': O'moso'mo do lu' izelive lo imiselelesa live nene helo gohi kululu' izo oteleseive li monoku' gizi mili nizani' ma neive. Ido' ezemu' nolo-lingimuve nene gulive've Izesu' aza do lu' izelive lo imiselelesa live nene neive.

**4** Ti' lo lavo Zuda ve linge malite a'mine gamazi gilani' nene gihile ogavo Paulongi Silasingi nge'metani'. Ido' nGiliki ve ingine O'moso opo'ni li gelekele' i-di minaa' ave muki' inginesi ido' vene' dizi minani' mukikisi nge'metani'.

**5** Ne'mine ikevo nemu' Zuda ve nete Paulongi Silasingi lukehe ngibili ve goloso maketi ebeku' gopo minaa' aveuti' ma ngele'mizi di mulise mili-ningidi a'mine ebeku' aleve muki' mulu'ningu' hizii vi Zasoni' numu've di vodo vodo igi mini a'minguti' Paulongi Silasingi ngele'mizo evene' mukiliti ve'nido' do soto' molalone li eze akahe've izivi' apasivi' ani'.

**6** Ve seta' ingine numungu' nizamasivo ningami Zasoni'nisi Izesu' evenele linge masi a'nido' di gelelehe' igi ebeto' gizebo igi goni' gilaa' avela ngele'mizi igi ele'voleka li ti' li lani': Ve seta' mene numudo' namado' ve di gopo i-ngidaa' asive ma mela hetelikesivo

**7** Zasoni' aza ei' numu'veuko ngele'mize molave. Ido' ingine guvetesi ve naba Loma ebeku' minive Kaesale' gamazi've ma avuto' igi Guvelesi ve gosoho' ma Izesu' soto' ogave li laa' nasive.

**8** Ne'mine li go'ine izikevo evene' mukikisi goni' gilaa' avesi upuho' igi gamazi gopo' napa

vai' lani' ve.

<sup>9</sup> Ne'mine igi goni' gilaa' ave ingine Zasoningisi ido' eze zuho lingesii ti' li li-ngimani': Pauloki Silasiki vilisive li oko'ine meni hizilo. Likevo moni ngimikevo ngimiseli hulani'.

*Pauloki Silasiki Belia Ebeta Vasine' Gamazi*

<sup>10</sup> Ne'mine ikevo a'mine gameneu' holuka' Izesu' evenele zuho nete Paulongi Silasingi geti ngimiseli hulikevo Belia numuda vasine'. A'mida vi heteli Zuda veti mono' numungu' dizi Izesu' gamazi vetete' igi li-ngimasine'.

<sup>11</sup> Li-ngimikesivo a'mine ebekuko Zuda ve ingine Tesalonika ebekuko minani' ne'mine minami lu'ine laminekisi ve hongu ve mini ngivile' igi mini vo'ine ngilingili ivo mono' gamazi gili Pauloki Silasiki lasine' gamazi nene lamine' nehe soza nehe li gamene gamene mono' godolouti' mono' monovomu' gize'neka' hizi minani'.

<sup>12</sup> Ne'mine igi engikuti' evene' mukikisi ido' nGiliki vene' dizi minanikisi ido' vemohokisi ingine Izesu'nimu' gili ele'vole' ani'.

<sup>13</sup> Ne'mine ikevo Paulo' nene Belia ebekukisi O'moso'mi gamazi lo hutile' ine' nene Tesalonika ebeku' minani' Zuda ve ingine gili Belia ebeta igi evene' muki' nene go'ine izi lovo hizilizangumu' mulu'ningu' hizi lani'.

<sup>14</sup> Ne'mine ikevo Izesu' zuho Paulo'ni di aka idikevo a'mine ebe' hulo guvo noso gahevela vo heteline'za Silasiki Timoteoki ingine Belia ebeku' minasine'.

<sup>15</sup> Nizasivo evene' nete Paulo'ni ele'mizi vi Atena ebeta huli-dani'. Huli-di vi Paulo' line' gamazi nene Silasingi ido' Timoteongi ti' li li-ngimani': Lengikumu' moda lite' li alizo nolive.

*Paulo' Atena Ebeku' Mono' Lo-ngimine'  
Gamazi*

<sup>16</sup> Ne'mine ikevo Paulo' aza Atena ebeta gizebo mino avazaha o'moso nite' vanu hizi minikevo ningi mulunou' olo' line'.

<sup>17</sup> Mulunou' olo' lavo Zuda veti mono' numungu' dizo Zuda vesi ido' heta ato' ve O'moso opo'ni li gelekele' i-di minaa' ave nesi a'mine mulunou' olo' line' initekumu' nene li volelo' melo' iga' ani'. Ne'mine igi gamene gamene do gese' ebeto' evene' muki' igi di gese' ado' nesi a'mine'mino mono' gamazi lo-ngimine'.

<sup>18</sup> Ne'mine ogavo a'mine ebeku' evene' ma minanguti' malite Epikulo' mono' gilaa' ani'. Ido' malite nene Sitoiki aleveti mono' gilaa' ani'. A'mine aleve Paulolesi gamazi di velepe' alepe' izi li linge malite Paulongumu' ti' li lani': Hokolize' ve mene gamazi gihile've nominekovo' gohi lilin'e nenako nadi ve lo lo-lemelesa neive li likevo malite ti' li lani': Aza neve ato' aleveti o'moso'ineliti monovomu' noline' gelave. Ne'mine lani' nene Paulo' aza Izusu'nimukisi ido' hele noloningut'i otakumukisi lo soto' o ngimingumu' nene ne'mine lani'.

<sup>19</sup> Ne'mine li analo' di Aleopago gololo' kanisole nizada ele'mizi igi ti' li lani': Gaza gelamune' gamazi gosoho' evene' muki' lo-ngaeme'mo monaa' naine' ma idi'nise nene lo-lemanivo gelelobo.

<sup>20</sup> Laza gei' laine' gamazi nene gilune' atoli'mine oganako nemu' ne'mi monovo nado nehe. Lanivo gele lone li lani'.

<sup>21</sup> Ne'mine li Atena alevesi ido' engi' vovo'ningu' venenga ve minanikisi ingine

muki' nete gamene gamene inite' malokisi lu'ine milami gamazi gosoho' gamazimu' nene li gili ha gili igi a'minemukovo' gili minaa' ani'.

<sup>22</sup> Ne'mine likevo Paulo' aza Aleopago gololo' minani' kanisoleti ve'nido' ogo oto ti' lo line': Lingine Atena vekizo, gililo. Lingine monotinemu' gili ngilingili goloso iga' navo noninguve.

<sup>23</sup> Naza numudida ogo vogo noogo o'moso initetine ato ato' ningaa' uvongu' inite' hamo' ma ninguvoni' nene mabanuho gizaa' holomo ma ninguve. Ido' a'mine initeto' nene luhuvo ti' li gizikave: Laza ma ningo gelamune' o'moso ma nolingumukisi ve li gizikani' ningo gatuve. A'mine O'moso nene lingine gilami gopo gubi' izi imi opo'ni laa' nani' neve ezemu' lo lengemeloze. Gililo.

<sup>24</sup> O'moso aza okulumo' misubo do soto' molo a'mido' minani' inite' matakisi do soto' molo osu' line'. Do soto' molani' nenako asi've nene okulumo' misubo engi' Guve'inesi ve naba mino mono' numuno evenelite gizangu' nene dizo minevo' dovo' osa'mive.

<sup>25</sup> Asi've nene evene' muki' mineyo' alevo' ngemo ido' mutive daa' ani' ngemo ido' inite' muki' lehize-ngedaa' neine' nenako nemu' aza nene inite' matakumu' vise' osa'mive. o've. Nem'u' nene evenelite gono've do inite' ma do soto' ogo emelonido' nomive.

<sup>26</sup> Ne'mine o neine'za aza neve evene' hamo' do soto' molo lavo ezelati' evene' zuho ato ato' soto' ogo misubou' misubou' hutile' ogo none. Ido' soto' ogo misubou' minelone' gamenesi misubotesi asi've laka'ni molo-lede neine' ma neive.

<sup>27</sup> Nemu' nene lu'inedunu' vise' i'mi igi O'moso nen'i nouvoda igi hetelilizave lo gelo ne'mine ine'. Ido' laza vise' olosuba aza hoto' minamo leli' hamo' hamokisi maka' avito' neive.

<sup>28</sup> Lengitati' gili vevesi mini luhuvo gizaa' ave linge malite ti' li lani':

Ei' mumunou' vo holo mino ogo molo oga' noune. Ne'mine li likevo linge malite ti' li lani':

Laza O'mosolati' soto' une' ve.

<sup>29</sup> Laza O'mosolati' soto' une' nenako O'mosomu' nene aza evenelite ga'ine gili ngolitunupe ido' siluvatunupe ido' gehenitunupe lili' ani' inite' gidini nolihe lo gelo lamolosune.

<sup>30</sup> Gomu' O'moso'mi monovo gilamani' gameneu' nene lihime'ine molo-ngedamo ninge huline'za idil'nise nene numudo' namado' ve mukito' lu'ine di velepe' izilisave lo lo-ngede neine' ve.

<sup>31</sup> Nemu' nene aza numudo' namado' ve monovote do soto' molo do lisihe' ogo lihime lemeline' gamene molo neive. Ido' a'mine gameneu' goni' gelelive nene do kegeso hulodine'. Ido' a'mine do kegese-dive ma nene neive li numudo' namado' ve gililizave lo hilinguti' do ote-davo neive.

<sup>32</sup> Paulo' aza hele noloninguti' otaakumu' lavo gili ve linge ma nete gize abelenga likevo malite nene gamene ma a'mine gamazi lanivo gohi gelelone li lani'.

<sup>33</sup> Ne'mine likevo Paulo' aza hulo-ngedo lemo vine'.

<sup>34</sup> Vavo evene' linge nene ezela vi gi'mizi Izesu'nimu' line' gamazi nene gili ele'vole' ani'. Gili ele'vole' angu' Aleopago gololo' kanisole minaa' anguti' ve ma gulive Dionisiokisi gele

ele'vole' ine'. Ido' vene' ma gulive Damalikisi  
ido' linge masi gili ele'vole' ani' ve.

## 18

### *Paulo' Kolidi Ebeta Vo Gono Dani' Gamazi*

<sup>1</sup> Ne'mine ogavo Paulo' aza Atena ebe' hulo Kolidi ebeku' vine'.

<sup>2</sup> Nela Zuda ve ma do soto' molo ningine'  
nene gulive Akuila'. Eze nene Podo misubouko  
gidave minine'. Podo misubo hulo vo elenaho  
Pilisikilakisi Italia misubouko nizasivo Guvelesi  
ve naba Kalaudio' aza Zuda ve Loma ebeku' mi-  
namilizave lo lo huko-ngedo ngimiselo do hulavo  
ingine a'mine ebe' huli Kolidi ebeku' vi mina-  
sine'. Olihe mini guni amasivo Paulo' aza engita  
vo heteline'.

<sup>3</sup> Azasi inginesi hamo' gono di seli numuno  
gizaa' ave minani' nenako engi' numungu' dizo  
mino gono makato' di minani'.

<sup>4</sup> Ne'mine navo Paulo' aza holiseku' holiseku'  
Zuda veti mono' numungu' dizo Zuda vesi ido'  
nGiliki vesi do upuho' o-ngedekuvo gili ele'vole'  
ilizahe lo O'moso'mo do lu' izelive lo imiselelesa  
live nene Izesu' ma ve loo lo ngolo' lo lo-ngemeka'  
ngemeka' ogo minine'.

<sup>5</sup> Ne'mine ogavo Silasiki Timoteoki ingine  
Makedonia misabouti' asine' gameneu' nene  
Paulo' mono' gono gamene gamene amuzo molo  
do mino O'moso'mo do lu' izelive lo imiselelesa  
live ma nene Izesu' ve lo eze monovo've lo soto'  
ogo Zuda ve lo-ngemo minine'.

<sup>6</sup> Minavo eze gamazi lido' e'menga li-imí eze divi' ledívika li minikevo hungo' molo gene-gana'veloti' u'musupo tile' ogo do hulo ti' lo longimine': Lingine labuluvo ilizani' nene lihime nenita minamoloseive. Lengitavo' mineleseive. Nemu' mehe'ne lengemo heta ato' vetida volosuve.

<sup>7</sup> Ne'mine lo a'midotí lemo vo ve mali'mi numungu' dizo minine'. A'mine ve ne gulive Titio' Zusito'. Aza nene hazá heta ve mino O'moso opo'ni lo gelekele' o-do minaa' ine'. Ido' eze numu've nene Zuda veti mono' numuno gahevela minine'.

<sup>8</sup> Paulo' aza a'mine numungu' dizo minavo mono' numuno gizebo ve Kilisipokisi eze vene' izipahala zuhosí Guvelesi vemu' gili ele'vole' ikevo Kolidi aleve minanguti' evene' mukikisi monokumu' gili ele'vole' igi mono' noso hilani'.

<sup>9</sup> Ido' gamene ma holuka' Guvelesi ve'mo Paulo'ni vamuto' soto' o emo ti' lo lo-imine': Geze gehelele izamivo mono' lo-ngemaa' naine' nene hulamo vetete' ogo lo-ngemovo' mineline.

<sup>10</sup> Mene ebeku' aleve vai' nene neze zuho lili' ilizave nizani' nenako naza gezesi mino gizebo o-gedo nouvo ve mali'mosi do goloso o-gedamoloseive.

<sup>11</sup> Ne'mine lo-emavo nemu' Paulo' aza mino O'moso'mi gamazi lo-ngeme' ngeme' ogo kilisi-masi hamokisi ike'ni sikisi nesi' huline'.

<sup>12</sup> Hulavo Galio' aza Akaia misubou' guvelesi ve naba lolo' ogo neivo Zuda ve ingine di bizi Paulo'ni lovo i imi analo' di goni' numungu' ele'mizi mili

<sup>13</sup> ti' li lani': Ve me'mo nene lou' gamazi avuto'

olone' akalo' lele'mize molo di atoli'mine igi O'moso opo'ni li gelekele' i-dilizave lo evene' gate daa' neive.

<sup>14</sup> Ne'mine likevo Paulo' aza gamazi lado' do velepe' izo lo-emelesa giline'za Galio' aza Zuda ve ti' lo lo-ngimine': Agae, Zuda vekizo, ve mene'mo lihime naba nehe goloso nite' geni'vesi nehe ne'mine dani' ningisa lingine nemu' ladiniko gelelodo' lisihe' ogavo nemu' gamazitine nene ha gele-lingiduvodine.

<sup>15</sup> Ne neine'za haza gamazimukisi ido' evene' gulivetinemukisi ido' lengi' lou' gamazitinemukisi gamazi gono nidanako nene lengi' initetine ve. Ne'mine initekumu' goni' gelelesa gosele' gohi nebelave.

<sup>16</sup> Ne'mine lo goni' numunguti' ngeleto huline'.

<sup>17</sup> Ne'mine ogavo evene' muki' mono' numudo' gizebo ve ma gulive Sositene'ni nene ele'mizi di vi goni' numuno velela bilivi' bilivi' igi minani'za Galio' aza ninga ninge huline' ve.

### *Paulo' Adiokia Ebeta tine' Molo Vine' Gamazi*

<sup>18</sup> Ne'mine ogavo Paulo' aza Kolidi ebeku' gamene ha'natile ma nomino Izesu' zuho mese' aseka' lo-ngedo Pilisikilaki ido' Akuilaki ngele'mizo Kenekelea ebeto' vo heteline'. Gozopo' O'moso'mi gulivel' lo huko godolo zopovo hukamo haza hulokine'. Kenekelea ebeto' hetelo lo hukine' gamene alitavo a'mido' godolo zopovo hukine'. Hukavo Silia misubou' vilisa sipiu' dizi guvo noso huki'mi vani'.

<sup>19</sup> Vi Eheso ebeta heteli Pilisikilaki Akuilaki a'mido' minikesivo Paulo' aza Zuda veti mono'

numungu' dizo inginesi mono' li volelo' melo' igi minani'.

<sup>20</sup> Ne'mine igi inginesi gamene gohi ma minelone lani'za gele ngemamo

<sup>21</sup> mese' asekai' nolo-ngedo ti' lo lo-ngimine': O'moso'mo gele nemavo gohi lengita tine' molo alosuve. Ne'mine lo sipi'u' dizo Eheso ebe' nene hulo vine'.

<sup>22</sup> Vo Kaesalea ebeta hetelo sipiuti' lemo Zelusalemi ebeku' dizo vo Izesu' evenele zuho ninge-ngedo ngopo'ni lo Adiokia ebeta o lomo vine'.

<sup>23</sup> Adiokia ebeku' ngomo mino gohi vo Galatia misubouko ido' Piliglia misubouko numudo' namado' Izesu' evenele zuho luhive'ine do ngi longidine' ve.

### *Apolo' Aza Eheso Ebeta Mono' Lo-ngimine' Gamazi*

<sup>24</sup> Ido' Zuda ve ma minine' gulive Apolo' aza Alekisadilia ebeku' gidaveli'mo Eheso ebeta ogo heteline'. Aza nene gamazi gehe izo noso'vesivo' laa' ive mino mono' godolouti' gamazi nene gele osu' line'.

<sup>25</sup> Guvelesi ve'mi akamu' vetete' igi li-imikevo giline'. Ido' aza Izesu'nimu' gamazi nene do veveso laminosa ngilingili ogo amuzo molo vetete' ogo lo-ngeme' ngeme' ogo minine'za Izesu' zuho mono' noso hili-ngidaa' ani' monovo nene gelamo Zohane' mono' noso holo-ngedaa' ine' monovovo' nene gelo nemukovo' lo-ngemaa' ine'.

**26** Zuda veti mono' numungu' dizo api' ogo gamazi lovo' kiselevo' ogo lo-ngimine'. Nolo-ngimivo Pilisikilaki Akuilaki ingine gilii alinge' di gahevela i-di O'moso'mi akamu' gamazi lingela li ngolo' li li-imu osu' li elebize lamine' asine'.

**27** Ne'mine ikesivo Apolo' aza Izesu' evenele zuho Akaia misubouko minani' ingine novivo ma di lamine' i-dilizave li luhuwo nite' gizi imikevo do vine'. Do vo hetelo O'moso'mo nasahili' o-ngidivo ezemu' gili ele'vole' ave ngele'mize lamine' ine'.

**28** Mono' godolouti' gato lo ngolo' lo O'moso'mo do lu' izelive lo imiselelesa live ma Izesu' ve lo ne'mi monovo evene' mukiliti ve'nido' lo soto' molo lo-ngemo Zuda vete li volelo' melo' igi ataize lani' nene ngivile' ogo do leme-ngidine' ve.

## 19

*Paulo' Eheso Ebeta Mono' Lo-ngemo Minine'  
Gamazi*

**1** Apolo' aza Kolidi ebeku' neivo Paulo' aza misubo oluso' dizo ledo Eheso ebeta heteline!. Hetelo Izesu' evenele zuho linge ma a'mida minani' ninga

**2** longo' o-ngedo ti' lo line': Lingine nene mono' gili ele'vole' igi O'moso'mi Sikalahu' lehizikeni' nehe lo longo' o-ngedavo ingine ti' li lani': O've. Laza O'moso'mi Sikalahu' neive li ma li-limavo gelamune' ve.

**3** Ti' li likevo gohi longo' o-ngidine': Lingine zaa' mono' gilisa noso hilave. Lavo ingine ti' li lani': Zohane' mono' gelo noso hulune' ve.

**4** Ne'mine likevo Paulo' ti' lo lo-ngimine': Zohane' aza nene evene' ingine lu'ine di velepe' izangumu' noso holo-ngedo ti' lo lo-ngimine': Mehe'nela ve ma nave. Ezemu' nene gili ele'vole' ilizani' o neive. Ido' ti' lo line' nemu' naza lolengemelove. A'mine gili ele'vole' ilizave nene Izesu' ve.

**5** Lavo gili Guvelesi ve Izesu' gulivelo' noso hilani'.

**6** Noso hilikevo Paulo' ana godo'nido' hitavo O'moso'mi Sikalahu' engita lemo minavo gamazi nene ato ato' no'ninguti' li O'moso opo'ni li eze gamazi've li soto' ani'.

**7** A'mine ve nene tuvelu ne'mine minani'.

**8** Ne'mine ikevo Paulo' aza Zuda veti mono' numungu' dizo O'moso'mo gizebo o-ledeline' aka ne'mi monovomu' lovo' kiselevo' ogo mulu'ningu' hizo lo-ngimivo li volelo' melo' igi nizavo ike'ni seto hamo' ogo vine'.

**9** Ne'mine ogavo ve linge ma a'manapa igi eze gamazi gili imami go'nido' ningi evene' mukiliti ve'nido' Izesu' aka divi' ledivi' ani'. Ne'mine ikevo hulo-ngedo Izesuda gi'mizave ngele'mizo vo do nubo o-ngedo gamene gamene ve ma gulive Tilano' ei' gamazi apize ngemaa' ine' numungu' Izesu' gamazi've li volelo' melo' igi minani'.

**10** Nizavo Asia misuboukoti' aleve muki' Zuda vesi ido' nGiliki alevesi mukito' Guvelesi ve'mi gamazi gili osu' li linge ma ne gili dani'za linge ma nene gili hulani'. Ne'mine navo kilisimasi seta' ogo vine' ve.

### *Sikeva' Gipele Zuholiti Gamazi*

**11** O'moso'mo Paulo'ni hize ele' o-davo inite' amadi'mine atoli'mine ine'.

<sup>12</sup> Ne'mine ogavo nemu' evene' ma nete Paulo' oko'noloti' gono dalosa golihilelo' angisipi likeka' inekisi ido' gopololo' tauli likeka' ine' nesi di vi inite' gizi dave ngimikevo di gili lamine' nigilavo lu'ningu' sikalahu' goloso minine' nesi dizi golise vaa' ani'.

<sup>13</sup> Ne'mine igi nizavo Zuda ve linge ma minani' ingine sikalahu' goloso evene' lu'ningu' minani' nene ngimiseli hulato' gono di'mi monaa' ani'. Engikuti' malite Izesu' gulive ogo sikalahu' goloso ngimiselo hulokunivo vilizahe li ningelone li Guvelesi ve Izesu' gulive li avazaha igi sikalahu' goloso ti' li li-ngimaa' ani': Paulo' aza eze gamazi lo soto' oga' ive Izesu' eze velemu' ogo vilo lo nolo-lingimune.

<sup>14</sup> Ne'mine iga' aveutii' ma nene Zuda ve minine' ado' eveneto' medelo mino O'moso inite' lehize-daa' ive naba ado' gulive Sikeva' ne'mi gipele seveni minani' netesi ne'mine ani'.

<sup>15</sup> Ne'mine li sikalahu' goloso mamu' vozo likevo sikalahu' goloso aza do velepe' izo ti' lo lo-ngimine': Naza Izesu'nimu' gele nouve. Ido' Paulo'nimukisi mo gele nouve. Ne'mino neiha lingine zamote nizave.

<sup>16</sup> Ne'mine lo sikalahu' goloso lulou' minive aza oluto' molo dovo' hikilevo' o-ngedo ngebelo ngivile' ogavo oko'ine vanise ogo malalapa izavo oko'nido' inite' boloto osu' lavo bakakovo' a'mine numunguti' golise limi vani'.

<sup>17</sup> Ne'mine ikevo a'mine gamazi Eheso ebata buu lo vavo Zuda vesi nGiliki alevesi gili osu' li golise ngemavo Guvelesi ve Izesu'ni di hozi li-di opo'ni lani'.

<sup>18</sup> Ne'mine ikevo Izesu'nimu' gili ele'vole' iga' ave muki' igi luso gamazi ato atoli'mine nene li soto' igi osu' lani!.

<sup>19</sup> Ido' gozopo' luso gono daa' ave lingelite luso gizaa' ani' buku nene gililihe' mili di igi evene' mukiliti ve'nido' oluku' gizani!. Ne'mine igi a'mine bukulo' moni hulani' ne'mi naba've di ningani' nene siluva' fifti tauseni (50,000) ne'mine minine' ve.

<sup>20</sup> Ne'mine ikevo Guvelesi ve'mi gamazi ne'mo amuzo molo soto' ogo buu lo hutile' ogo gihile izine!.

*Eheso Ebeku' Aleve Gopo Gani Li Gulugulunga  
Lani' Gamazi*

<sup>21</sup> Ne'mine ogavo Paulo' aza Makedonia misubouko ido' Akaio misubouko vo'mo vo'mo Zelusalemi ebeta volove lo lulo'mo lavo ti' lo line': Naza Zelusalemi ebeta vo hetelo gohi vo Loma ebeta volove. Ne'mine gala gele hamo' ogo

<sup>22</sup> nasahili' i-di makato' gono daa' asive seta' Timoteoki Elasitoki ngimiselavo Makedonia misubouko gomu' vasine!. Vikesivo Paulo' aza gamene gohi ma imine' molo Asia misubouko minine!.

<sup>23</sup> Ido' a'mine gameneu' Eheso ebeta Izesu' akamu' lovo lolize naba soto' ine'.

<sup>24</sup> A'mido' siluvatunu' gonolise'vesi inite' lolo' oga' ive ma minine' gulive Demetelio!. Aza neve avazaha o'moso nite'ine'mi gulive Alateme' ei' mono' numu've'mi avazaha've gidini ngomo ngomo lolo' ogo bisinisi oga' inako azasi ido' maka' gono daa' avesi a'mine gonoloti' moni naba daa' ani'.

**25** Ne'mine ogavo Demetelio' aza ezesi gono daa' avesi ido' a'mine ne'mine gono daa' ave linge masi do mulise molo-ngedo ti' lo longimine': Vekizo, lingine mo ningi gili nizave. Mene gonoteloti' moni heneni soto' ogavo mine lamine' ogo minaa' noune.

**26** Ido' a'mine ve Paulo' ne'mi monovo ningi gili nizave. Aza nene Eheso ebetati' ido' Asia ebe' mukikukoti' aleve muki' ga'ine hizo lu'ine do gopo o-ngedo evene' adedunu' lolo' une' o'moso nite' nene inite' gihile nomive lo lo-ngaemaa' neive.

**27** Ne'mine lo'mo monivo monivo leli' gono nene lemeleseive. Ido' leli' o'moso nitete naba Alateme' ei' mono' numunomu' nene evene' mukilite gilavo lemeleseive. Ne'mine ogavo Asia misubouko alevesi ido' numudo' namado' vesi Alatemengumu' ngolize izi opo'ni laa' nani' ne-nako dize minine' ma mo lemo ongalihe lo ne-helele izave.

**28** Ti' lo lavo ingine gili mulu'ningu' olo' lo ngizebolo' molavo geke' naba li ti' li lani': Eheso aleveti izeteho Alateme' nene guvelesi alu naba ma ne neive li lani'.

**29** Ne'mine li likevo a'mine ebeto' aleve nene gopo gamazi li gulugulu li zohito' di gese' iga' ebeta loti' izi vi di gese' igi Makedonia misubo nabaukoti' Paulolesi monaa' ave seta' gulive'ine Gaioki Alisitakoki a'nido' di gelelehe' igi di vani'.

**30** Ne'mine ikevo Paulo' aza gelo evene' di gese' angu' volove lavo Izesu' zuholite vamilive li o've li-dani'.

**31** Ne'mine ikevo Asia misubouko guve'inesi ve linge Paulo' zogo ve minani' ingine evenelite

zohi' ebeku' di gese' angu' nene vo soto' amilive li gamazi hulikevo vavo giline!.

<sup>32</sup> Gelavo di gese' ave engikuti' evene' muki' ingine di gese' ani' ne'mi monovo gilami malite hamo' gamazi lani' ido' linge malite ato' gamazi lani'. Ne'mine li minanako ne'mo lu'ine gopo ogavo haza geke' geke' li minani'.

<sup>33</sup> Ne'mine igi nizavo Zuda ve ingine engi' evene'ine ma minine' gulive Alekisadelo'ni nene di oti-di ehuso' i hulikevo evene' muki' ingine lihime'vesi noloseive likevo aza ana do vilivi' molo ne nomive lo gamazi lo-ngemelesa line'za

<sup>34</sup> evene' muki' ingine ningani' leli' o'mosote nene haza nite' ve li gilaa' nave Zuda veuti' ve ma nave li ningi gili geke' li ve'ninguti' ve'ninguti' gamazi li hamo' igi ti' li lani': Eheso aleveti izeteho Alateme' nene guvelesi alu naba ma ne neive. Li nizavo ho' gamene tu aua osu' line'.

<sup>35</sup> Ne'mine ikevo kanisoleliti gamazilo' gizebo oga' ive'mo do hongu lo-ngedo ti' lo lo-ngimine': Lingine Eheso alevekizo, Alatemete lamine' eze mono' numuno naba ido' Okulumokuti' ei' emeni damenisi gele vine' geheni ma limine' a'mine initel' gizebo oga' une' melemote nobe. Nene gamazi nene numudo' namado' ve nene moda gili osu' li nizave.

<sup>36</sup> Ne'mino nomive lo zaa' ve'mo liliwe. Liliwe ma nomive. Nemu' lingine lutine di hongu li initel' gopo' napa damilo.

<sup>37</sup> Mela ngele'mizi ave nete o'moso initete eze mono' numuno nabati' initel' ma gumine disa'masive ido' o'moso nitetemu' levelenga li emenga lisa'masine' ma neive.

**38** Ne'mine ogavo Demeteliokisi ido' ezesi maka' gono daa' ave nete ve masi gamazi gono dalizado' o noline' nene goni' iga' gamene ha neine' ve. Ido' goni' **gilaa'** ave zasi naba ha nizave. Nemu' a'mida di vi goni' i-dilisave.

**39** Gamazi gono ma neivo ma evene' muki' mulise milalizani' gameneu' muliselo' di vikevo gamazi gono di gililizave.

**40** Ido' lingine idil'nise nene hazamu' gopo lovo hizikeni' hakave. Nemu' nene guvetesi ve naba nete nadive li-limilizave. Goni' i-lidikevo ma laza nani gamazi lo-ngimunivo gilavo lamine' ilive. Ne ma nomive.

**41** Ne'mine lo gamazilo' gizebo ve'mo mulise milave ngimisele hulavo vani' ve.

## 20

### *Paulo' Makedonia Misuboukisi Ido' Akaia Misuboukisi Vine' Gamazi*

**1** Gamazi gulugulunga lani' nene osu' lavo Paulo' aza Izesu' zuho asi lo do avito' o-ngedo ga'ine do do amuzo molo-ngede mese' aseka longedo hulo-ngedo Makedonia misubouko vine'.

**2** Ido' a'mine misubou' mono Izesu' evenele zuho a'mingu' mini'mi monani' nene gamazi vai' lo-ngemo monoku' amuzo do molo-ngedo'mo vo Akaia misubo ado' gulive ngomo nGiliki misubouko vo heteline'.

**3** Hetelo nela ike'ni setohamo mino Silia misubouko volosa sipiu' dizelesa neivo Zuda vete gili gohoni milani'. Paulo' nene gelo Makedonia misubouko gohi do tine' molo volosa giline'.

<sup>4</sup> Ne'mine lo gelo Belia ebekuti' Pilo' gipele Sopatolo' ve ido' Tesalonika ebekuti' Alisitako' ve ido' Sekudo' ve ido' Delebe ebetoti' Gaio' ve ido' Timoteo' ve ido' Asia misuboukoti' Tikiko' ve ido' Tolohimo' ve evene' ne'mine Paulolesi makato' e'metavo vi Makedonia misubou' heteli Paulo' aza a'mido' minavo

<sup>5</sup> ezesi maka' monave muki' nene gomu' mili vi Toloasi numuda di gese' igi lelikumu' gizebo igi minani'.

<sup>6</sup> O'moso'mo Zuda veti avo'ningine ise'ine izingumu' gili mini lulu izamine' beleti naa' ani' gamene osu' lavo laza Paulolesi ido' evene' masi Hilipi ebe' hulo vo sipiul' dizo guvo noso huko'mo novunivo gamene faef ogo novivo Toloasi ebeta vo hetelune. Hetelo a'mido' salele hamo' minune.

### *Paulo' Aza Toloasi Ebeku' Mono' Lo-ngemo Ido' Eutiko'nisi Hilinguti' Do Ote-dine' Gamazi*

<sup>7</sup> Mino salele gosoho' minelone' gamene api' ine' holuka' nene noso' nite' nalone lo do gese' ogo nonivo Paulo' aza nene aize' go' lavo volove lo nogelo mono' gamazi lo-ngeme' ngeme' ogo neivo liti'muso mudise lipele' iline'.

<sup>8</sup> Numuno veleto' lulo mau' minuningu' nene lamu muki' gulumo ogo minine'.

<sup>9</sup> Ne'mino neivo gipe goso've ma minine' gulive Eutiko' aza nene Paulo' mono' ha'na ha'na lavo viniduvato' mino vele hihi' ongumangu ogo minidot'i okise ongo helo imine' mili gizi'mi dizani' numuno lumu naba tili ne'mi viniduvatot'i velehe' lemo misubou' helavo di oti ningani' nene helavo

<sup>10</sup> Paulo<sup>1</sup> numunguti<sup>1</sup> leme heta ogo gipe ne dizo abuti<sup>1</sup> izo noongo evene<sup>1</sup> ti<sup>1</sup> lo lo-ngimine<sup>1</sup>: Lingine ive nama igi muludine hukamivo. Ve ne haza neive.

<sup>11</sup> Ne'mine lo numunguko dizo lebeni inite<sup>1</sup> ngemo noso<sup>1</sup> nite<sup>1</sup> ngomo nani<sup>1</sup>.

<sup>12</sup> Go<sup>1</sup> lavo Paulo<sup>1</sup> aza hulo-ngedo vine<sup>1</sup>. Novivo evene<sup>1</sup> ingine gipe vele gizo otavo mulu'ningu<sup>1</sup> lamine<sup>1</sup> gili numu'veuko ele'mizi di vani<sup>1</sup>.

### *Paulolesi Toloasi Ebe<sup>1</sup> Huli Mileto Ebeku<sup>1</sup> Vani<sup>1</sup> Gamazi*

<sup>13</sup> Ne'mine ikevo Paulo<sup>1</sup> aza nene misubou<sup>1</sup> aka volove lo vavo laza sipiu<sup>1</sup> dizo Paulo<sup>1</sup>ni sipiu<sup>1</sup> ele'mize molalosa Aso ebeto<sup>1</sup> vo nonivo asi've misubou<sup>1</sup> ogo heteline<sup>1</sup>.

<sup>14</sup> Hetelavo lezesi do bizo sipiu<sup>1</sup> ele'mize molo maka<sup>1</sup> vo Mitilene ebeku<sup>1</sup> hetelune.

<sup>15</sup> Neloti<sup>1</sup> novunivo akalo<sup>1</sup> go<sup>1</sup> lavo Kio ailani ga-hevela gohi huko novunivo go<sup>1</sup> lavo Samo ailaniu<sup>1</sup> vo hetelune. Hetelo ongo oto Eheso ebe<sup>1</sup> nene ivile<sup>1</sup> ogo vo Mileto ebeta hetelune.

<sup>16</sup> Ido<sup>1</sup> Eheso ebe<sup>1</sup> ivile<sup>1</sup> une<sup>1</sup> nene Paulo<sup>1</sup> aza Zuda veti holise<sup>1</sup> gamene Pedekosi ve langu<sup>1</sup> nene O'moso'mi Sikalahu<sup>1</sup> limine<sup>1</sup> gamene aliteline<sup>1</sup> nene Zelusalemi numuno ebeta geto volone<sup>1</sup> aka neivo ma a'mida vo nouvo a'mine gamene alite-leseive lo amuzo molo geloo Eheso ebeta volone<sup>1</sup> nene a'mine Asia misubola mino gamene ha'na hulokunivo a'mine Pedekosi gamene gomu<sup>1</sup> ogo vavo alinge<sup>1</sup> Zelusalemi numuno ebeta nene vo hetelalone lo gelo Eheso ebeta vamo ivile<sup>1</sup> ogo volone lavo ne'mine une<sup>1</sup> ve.

*Paulo' Mo Volosa Eheso Ebetoti' Mono' Gizebo  
Ve Gamazi Lo-ngimine' Gamazi*

<sup>17</sup> Hetelo elese ve ngimiselavo Eheso ebeta vi mono' gizebo ve linge ma ngele'mizi ani'.

<sup>18</sup> Eita igi hetelikevo Paulo' ti' lo lo-ngimine': Naza Asia misubouko gana' ogo hetelo lengikisi mine'mo dizo minuvoni' gameneu' nene gamene gamene ogo molo minaa' uvoni' monovo'ne nene lingine ningi gili nizave.

<sup>19</sup> Naza ne'mino minaa' uvoni' ma neive: Haza ve ne'mine gelo naza hokolize' amo Guvelesi ve gelekele' o-do gono've do minuvoni' ve. Linginela a'mine gono've nodo mulumotine geleka' ogosa ive nama ogo minaa' uvoni' ma ve. Ido' Zuda ve nenikumu' lovo gizi hukadi'mo mulumo nite' gasavasi kise mino gono've haza do minuvoni' ma ve.

<sup>20</sup> Ne'mine ogo lengele'mize lamine' iline' gamazi nene ma hite-lengedes'a'muvoni' ma neive. A'mine mono' gamazi ma nene lo soto' ogo evene' mukiliti ve'nidokisi ido' numudingu' numudingukisi hamo' hamo' lo-lengemaal' uvoni' ve.

<sup>21</sup> Zuda vesi nGiliki vesi lutine di velepe' izi goloso nite' huli O'mosola vi gi'mizi Guvetesi ve Izesu'nimu' gili ele'vole' ilizave lo lo gatine gatine ogo minaa' uvoni' ma neive.

<sup>22</sup> Ido' O'moso'mi Sikalahu' ne'mo nala' o-nedo gelelehe' nonidine' gelavo idil'nise nene Zelusalemi numuda novuve. Holila vo heteluvo nanite' soto' o nemelihe lo ne'mi monovo gele vervesamu'voni'za

<sup>23</sup> O'moso'mi Sikalahuli'mo nene numudo' namado' vetingu' nomonuvo galapuso nalali'mo

ido' geni'vesi initelite nenikumu' gizebo i nizave lo lo-nemaa' neive.

<sup>24</sup> Nemu' nene naza ogo molo nouvo nezela nanite' soto' ilihe a'mine initekumu' giluvo ha nite' neive. Nemu' nene neze nemeni'ne nene do gili' lo minamo Guvelesi ve Izesu' aza O'moso'mo nasahili' o-ledo do gatulo o-ledaa' neine' ne'mi gamazi lamine' nene lo soto soto' o-ngemo mine-line lo gono nimine' nemukovo' gele mino a'mine gono nene do osu' lolosavo' nene gele nouve.

<sup>25</sup> Ido' gililo. O'moso'mo gizebo o-ledaa' neine' aka ne'mi monovo lo soto' ogo vovotingu' minevo' dovo' uvo lingine ningani' ma neine'za idi'nise gohi go'ne ve'nelo' ningamilisave losa gele nouve.

<sup>26</sup> Idi'nise nene lovo' ngolosevo' ogo lo-lengemekuvo gililo. Lengikuti' mali'mo labuluvo iline' nene ne'mi lihime nenita minamoloseive.

<sup>27</sup> Naza nene oko'ne huko nehelele izamivo O'moso'mi galau' neine' nesi moda lo-lengeme osu' laa' uvoni' ma neive.

<sup>28</sup> Langisetine okodine lutine gizebo niigi Izesu' evenele zuho nesi gizebo i-ngidilo. O'moso'mi Sikalahu' ne'mo engi' gizebo ve minilizave lo lengele'mize molani'. Ido' lengele'mize molani' nene O'moso'mo vono emekive'mi vaniseli'mo meni hizivo ei' ve lo dani' evenele zuho nene lingine gizebo i-ngidilizave lo lengele'mize molani'. Nemu' gizebo lamine' i-ngidilo.

<sup>29</sup> Naza hulo-lengedekuvo evene' malite gulo hadene lili' igi vovotingu' heteli Izesu' evenele zuho lutine di gopo i-lingidilisave losa gele nouve.

<sup>30</sup> Ido' lengikuti' evene' malite oti gopo gamazi li Izesu' evenele zuho lelita le'metilizave li mu-

ludingu' hizilisave.

<sup>31</sup> Nemu' nene langisetine okodine gizebo lamine' igi minilo. Kilisimasi setohamo' ogo novivo gamene gamene go' laneme go' laneme ive nama ogo lengi' hamo' hamo' nene gatine doo gamazi lo-lengemaa' uvoni' nene hulosa'muvoni' ma neive. Nemu' lingine gili minilo.

<sup>32</sup> Ido' idi'nise O'moso'mo hize ele' olengedelive lo eze anau' nomuluve. Aza nene nasahili' o-ledaa' neine' ne'mi gamazi'vetunu' lutine do ngi lo-lengedo eze evenele zuho do kegeso molave mukikumu' salani inite' molavo neinguti' nene ma lengemeleseive.

<sup>33</sup> Ve mali'mi moni henenilokisi upuho' ogo dalosa amuvoni' ma neive.

<sup>34</sup> Langisetine ningi gili nizave. Neni' oko'nelo' nitekisi ido' nezesi maka' gono daa' univeti oko'nido' initekisi nene na'nise a'netunukovo' gono do do soto' oga' uvoni' ma ve.

<sup>35</sup> Ne'mine ogo aka lengelebizuvoni' ma neive. Laza Guvetesi ve Izesu line' gamazi mamu' gelo gono amuzo molo do evene' gulupese hize ele' o-ngedelone lo ne'mi aka'vesi lengelebize osu' lo nouvoni' ma neive. Izesu' line' gamazi nene ne'mino neive: Inite' limikevo dosa muludeu' lamine' gelelesune. Ne neiha inite' ngemeko nemu' muludeu' lamine' gilune' ne'mo nene ivile' o neive.

<sup>36</sup> Paulo' ti' lo lo hulo ezesi inginesi obuwo'ine hizi O'mosola lani'.

<sup>37</sup> O'mosola li ive nama igi ingine Paulo'ni abuti' izi golo ili nani'.

<sup>38</sup> Ido' ive nama ani' nene Paulo' gomu' longimine' gamazi ado' ingine eze gololo' gohi

ma ningamilisave lo lo-ngimine<sup>1</sup> gamazimu<sup>1</sup> gili mulumo naba gili ive nama ani<sup>1</sup>. Ne'mine igi sipiu<sup>1</sup> dizo vilive li ele'mizi limani<sup>1</sup> ve.

## 21

*Paulo' Zelusalemi Ebeta Volosa Sipiu' Dizo  
Vine' Gamazi*

<sup>1</sup> Ido<sup>1</sup> engikisi maka<sup>1</sup> minunidot<sup>1</sup> oteko hulongedo vo sipiu<sup>1</sup> dizune<sup>1</sup>. Dizo vovo<sup>1</sup> vovo<sup>1</sup> ogo lisih<sup>1</sup> ogo vo Ko ailani malo<sup>1</sup> hetelune. Hetelo ongo go<sup>1</sup> lavo gohi oto vo vo Lodo ailaniu<sup>1</sup> vo hetelo neloti<sup>1</sup> vo Patala ebeta hetelune.

<sup>2</sup> Vo hetelo sipi gohi ma vise<sup>1</sup> ogo Hoinikia misubouko volosa neine<sup>1</sup> sipi ma ning<sup>1</sup> a'mingu<sup>1</sup> dizo vune.

<sup>3</sup> Guvo noso huko<sup>1</sup>mo vo Kipilo ailani ning<sup>1</sup> adavala neivo ivile<sup>1</sup> ogo Silia misubo gahevela Tilo ebeta hetelune. Nelo<sup>1</sup> sipiuti<sup>1</sup> heneni di nihulavo

<sup>4</sup> laza sipiuti<sup>1</sup> lemo dizo Izesu<sup>1</sup> evenele zuho ma ning<sup>1</sup> inginesi ongo nonivo gamene seveni vine<sup>1</sup>. A'mine aleve nene O'moso<sup>1</sup>mi Sikalahuli<sup>1</sup>mo do ote-ngedavo Zelusalemi numudo<sup>1</sup> vamilive li Paulo<sup>1</sup>ni li-imani<sup>1</sup>.

<sup>5</sup> Ne'mine likevo a'mido<sup>1</sup> nonivo volone<sup>1</sup> gamene alitavo a'midot<sup>1</sup> alevesi ido<sup>1</sup> vene<sup>1</sup> izipaha<sup>1</sup>nesi lele'mizi numuno ebekuti<sup>1</sup> di heta i-lidikevo inginesi guvo noso gahevela mino obuvote hizo O'mosola lune.

<sup>6</sup> O'mosola lo minunidot<sup>1</sup> mo vilo likevo mo minilo lo-ngedo sipiu<sup>1</sup> dizo vokunivo ingine numu'nida tine<sup>1</sup> mili vani<sup>1</sup> ve.

<sup>7</sup> Ne'mine ikevo laza gohi api<sup>1</sup> ogo Tilo ebe<sup>1</sup> hulo Tolemai ebeta vo hetelo nelo<sup>1</sup> Izesu<sup>1</sup> evenele

zuhosi lopo'ni lapa'ni lo numuno hamo' engikisi ungune'!.

<sup>8</sup> Ongo go' lavo Tolemai ebe' hulo Kaesalea ebeta vo hetelo a'mine ebeto' Izesu' gamazi've lo-ngeme ngeme' oga' ive Hilipo'ni ningi ei' numu'veu' dizo minune. Aza nene gamene gala'muda vomine evene' seveni mono' gonolo' ngele'mize milanguti' minine'!

<sup>9</sup> Ei' aluvo seta've seta've minani!. Velo' vami hazu mini O'moso'mi Sikalahuli'mo lu'ningu' gono davo O'moso'mi gamazi li soto' i ngimi' ngimi' igi minaa' ani'.

<sup>10</sup> A'mido' imine' molo nonivo O'moso'mi gamazi lo soto' oga' ive ma gulive Agabo' nene Zudaia misuboukoti' o lomo

<sup>11</sup> nonida ogo hetelo Paulo' gopololo' izekine' inita' apaso asi've gizene analo' noizo ti' lo line': O'moso'mi Sikalahuli'mo ti' lo nolive. Mene initeli'mi meleho nene Zelusalemi ebeku' yo neivo a'mingu' Zuda vete uvoni' ne'mine igi nalava imi heta ato' veti a'ningu' ngimilisave.

<sup>12</sup> Ne'mine lavo gelo lazasi ido' a'midot' alevesi Paulo' aza Zelusalemi numuda dizo vamilive lo geli gelinga lo-imune'za

<sup>13</sup> Paulo' aza ti' lo lo-limive: Lingine ive nama igi nen'i lu'ne nene nanimu' di nigangi-nidave. Naza nene nalava nimilizave lo gelo ha volosa nouha ido' nevo' nomive. Guvelesi ve Izesu' eze zuho nouvonako Zelusalemi ebeta nibili hililizani' nesi gele nouvoni'za haza volosuve.

<sup>14</sup> Ne'mine lavo laza nene ngelo ei' gamazilo' lamoso' ogavo elese' ogo mino ti' lo lune': Lamine' ve. Guvelesi ve line' gamazi ha soto' ilive.

*Paulo' Aza Zakobo' Neida Vine' Gamazi*

**15** Ne'mine lo nonivo gamene ma ogo vavo Zelusalemi numuda volone lo initete do va'va' une' ve.

**16** Do va'va' okunivo Kaesalea ebekuti' Izesu' evenele zuho linge malite lele'mizavo maka' vune. Vo hetelekunivo lele'mizi ave nete ve mali'mi numungu' lele'mizi milikevo dizo minune. A'mine ve nene Kipilo ve mino gamene gala'mudati' vomine Izesu' evenele minine' gulive Manaso'.

**17** Zelusalemi numungu' hetelekunivo Izesu' zuho ngolize izi lopo'ni lani'.

**18** Ongo go' lavo Paulo' aza Zakobo'ni vo ningedelove lavo maka' vune. Numu'veu' vo nodizo ningune' nene mono' gizebo vesi Zakobolesi maka' nizani' neivo ningune.

**19** Ningo ngopo'ni lo Paulo' aza heta ato' vetida eze gono do'mo nomonivo O'moso'mo inite' muki' ogo molo ine' ne'mi gamazi vetete' ogo osu' lo lo-ngimine'.

**20** Lo-ngemavo gili nemu' O'moso opo'ni li Paulo'ni ti' li li-imani': Leze zuho make, gaza Zuda vetinguko Izesu' evenele zuho lili' igi vanu hizi tauseni ne'mine nizani' nene mo ningogegele nane. A'mine aleve muki' nene Mose' lo huko line' gamazi nene amuzo mili hizi ele' iga' nave.

**21** Ne'mine ogavo evene' malite soza gamazi ti' li li-gidikevo gilaa' nave: Gaza Zuda ve haza heta ato' veti vovo'ningu' mini'mi moni nizave inginemu' nene Mose' lo huko line' gamazi nene gili hulilizave laa' ido' gipe'ine zuho oko'ine lolovo huki-ngidami Zuda veti monovo danavate

muki' hulilizave lo lo-ngeme' ngeme' ogā' nane likevo gilaa' nave.

**22** Ti' li gili gei' omo nane li lilizani' nene gililisanako laza nadolone.

**23** Nemu' laza gamazi ma lo-ngemeso' nene ilinize. Lelita ve seta've seta've nizani' ingine O'moso'mi gulivelō' li mili li huki godō'ine zopovo hukami haza nizanako

**24** gaza vo engita gi'mizo leze Zuda veti monovo di engikisi okodine lutine O'moso'mi velelo' lamine' ilive li di lamine' ilo. Ne'mine ikevo O'moso gizi imilizani' inite' meni hize-ngedanivo gizi vata' niigi godō'ine zopovo huki matava ili di hulilizave. Ne'mine ikevo mukilite ningi geikumu' lani' nene hazamu' soza gamazi ligidi lani' nene gililisave. Ido' Mose' lo huko line' gamazi nene gazasi gele daa' naine' nesi gililisave.

**25** Ido' heta ato' ve Izusu'nimu' gili ele'bole' igi nizavemu' nene gozopo' luhuvo nite' gizo hulune' nene lo hukune' gamazi nene ti' lo gizune' ma neive: Avazaha o'moso niteliti noso' nitekuti' nami ize guloliti vanise'ine nami ido' nala' ingidikevo hilani' ize guloti' nami vene' vemoho' ido' alungo umungive gopo ingamilo lo lo huko-ngidune' ma neive.

**26** Ne'mine likevo ingi go' lavo Paulo' aza gamazi'ine gelo vo a'mine lani' ve seta've seta'vela gi'mizavo engikisi oko'ine lu'ine di lamine' i'mi vi minani'. Ne'mine igi nizavo Paulo' aza Zuda veti mono' numuno nabau' dizo ingine hamo' hamokumu' O'moso inite' gizi imilizani' gamene ado' oko'ine lu'ine di lamine' igi

minilizani' gamene nene osu' liline' gamenemu'  
nene a'mine gonolo' gizebo ve lo-ngimine'.

*Paulo' Aza Mono' Numungu' Neivo Analo' Di  
Gili' Lani' Gamazi*

<sup>27</sup> Lo-ngemavo oko'ine lu'ine di lamine' igi minilizani' gamene seveni nene osu' lolosa neivo Paulo' aza mono' numungu' neivo Asia misuboukoti' Zuda ve linge ma eze ningi evene' muki' mulu'ningu' hizi analo' di gili' li

<sup>28</sup> geke' geke' li ti' li lani': Isilaele' vekizo, alevo. Maka' dalone. A'mine ve mene nymudo' namado' mono leze Zuda ve do lemedeo Mose' lo huko-lidine' gamazisi ido' mono' numuno mesi dovo ledevo' ogo evene' muki' longeme ngeme' oga' ive ma ne neive. Ido' nGiliki aleve ngele'mizo a'mingu' dizidi'mo nesi mono' numudeu' mene do goloso ogave li lani'.

<sup>29</sup> Eheso ve ma gulive Tolohimo' aza Paulokisi Zelusalemi tauniu' nizasivo ningi ingine nene Paulo' ele'mizo mono' numuno nabau' dicihe li nemu' gamazi lani'.

<sup>30</sup> Ne'mine li likevo a'mine ebe' me'ninge muki' gili loti' izi igi di gese' igi Paulo'ni mono' numuno nabauti' gelelehe' igi di heta ani'. Di heta ikevo geti akahe gizani'.

<sup>31</sup> Ne'mine igi Paulo'ni bili hililisa navo Zelusalemi aleve muki' gulugulu li lovo gamazi nilave li gamazi hulikevo Loma veti amiliti guve'inesi ve naba neida nene vavo

<sup>32</sup> aza gelo amisi ido' engi' gizebo ve'ine linge masi ngele'mizivo loti' izi limi geti vi nizada hetelikevo guve'inesi vesi amisi ningi Paulo'ni bililisa ani' nene alami hulani'.

<sup>33</sup> Hulikevo amiliti guve'inesi ve naba aza hetelo Paulo'ni do goni' ilive lo seni nala' setatunu' izilisave lo lo-ngidine!. Lo-ngedo ti' lo line!: A'mine ve nene zaho neve. Ido' inite' nanite' do goloso ive lo longo' o-ngidine!.

<sup>34</sup> Ne'mine ogavo evene' ingine ato ato' gamazi li gulugulunga li minadi'mo gamazi monovo gele guno amiline' ogavo amiliti numunguko di dizilizave lo lo-ngidine!.

<sup>35-36</sup> Lo-ngedavo ele'mizi vi numuno gateda akalo' ele'mizi dizilisa navo evene' ingine nge'meti vi gani mangilise i'mi vi ti' li lani': Mene ve nene osu' lilive. Ne'mine lisa Paulo'ni bili hililisa avo amilite a'ine avilelo' zalo' mili di vani'.

### *Paulo' Aza Monovo've Lo-ngemelesa Line' Gamazi*

<sup>37</sup> Amiliti numungu' ele'mizi dizilisa navo Paulo' aza nene nGiliki gamaziuti' amiliti guve'inesi ve naba longo' o-do line!: Naza gamazi ma lo-gemeloho. Lo lavo aza ti' lo line!: Gaza nGiliki gamazi gele nabe.

<sup>38</sup> Gozopo' ngamani lovo o ngemo lovo ekese' iga' ave gulo hadene ne'mine fo tauseni (4,000) ngele'mizo ebe' hadivela vo minive Aigita ve nene gei' nolosane lo giluvoni'za nGiliki gamazi lainako ato' ve nolosane. Olo.

<sup>39</sup> Lavo ti' lo line!: Naza nene Zuda ve Kilikia misuboukoti' Taliso ebeta gidani' nouve. Naza a'mine guvelesi neine' tauni naba'mi me'ninge minanguti' nene nouve. Gaza gele nemanivo evene' mene gamazi ngomo ma lo-ngemelohe.

**40** Ne'mine lavo amiliti guve'inesi ve aza gele emavo Paulo' numuno akalo' ote mino ana do oto avazaha ogo elese' ikilo lavo gamazi lami ve'ine biziki nizavo Zuda ve mukikumu' Hebilaio' ve laa' ani' engi' gamaziuti' ti' lo lo-ngimine':

## 22

*Paulo' Aza Lulo Do Velepe' Izine' Ne'mi Gamazi  
Lo-ngimine' Gamazi  
(Aposolo<sup>1</sup> 9:1-19; 26:12-18)*

**1** Lingine gono'nemote ido' neze zuho lingine monovo'ne lo-lengemelesa luze. Gili minilo.

**2** Ne'mine lo engi' Zuda veti gamaziuti' nolo-  
ngimivo gili ingine elese' iki gapepe' i minikevo  
imine' molo ti' lo lo-ngimine':

**3** Naza nene Zuda ve Kilikia misubouko Tal-  
iso ebeku' gidani' nouvon'i za mene ebeku' ogo  
mino tisa' ma Gamaliele' eze gizeneu' mino eze  
gamazi've gelo mino naba uvoni' ve. Ne'mine  
ogo mino mono' apizo lo-neme' neme' ivo avote-  
mote li hukani' gamazi gele lisihe' ogovo' gelo  
osu' luvoni' ve. Ido' idi'nise nene lingine O'moso  
e'metilisa gilingili ikehe. Naza nene lingine  
adi'mino nazasi a'mine'mino amuzo molo min-  
uvoni' ve.

**4** Ne'mine ogo Izesu' akalo' nene e'metilisa  
vani' aleve goboni molo-ngedo hili osu' lilizave lo  
vene' vemoho' muki' nene a'nido' nala' izo hulo  
nala' numungu' o-ngedaa' uvoni' ma ve.

**5** Eveneto' medelo mino O'moso inite' lehize-  
daa' ive nabasi ido' lengi' mono' gizebo ve-  
tine mukikisi ingine gili nizave. Nemu' nene  
ha li-lingimilisave. Inginge leze Zuda veti zuho

Damasiko ebeta nizavemu' luhuvo nite' gizi nimikevo nene holela do vo Izesu' evenele nalava ngemo ngele'mizo Zelusalemi ebeta okuvo engi' lihime apasi-ngidi ngibililizave lo gelo do vuvoni'.

**6** Ido' akalo' novo Damasiko ebe' do noalituyo holise' tuvelu kiloku ne'mido' Okulumokuti' labana' naba galinali lemo do vodo vodo o-nidine'.

**7** Ne'mine ogavo misubou' lemo pou' lo ongo nouvo a'minguti' nenikumu' gamazi ma ti' lo soto' ogavo giluve: Saulo, Saulo, gaza nanitekumu' goboni nomolo-nedane.

**8** Lavo naza ti' lo lo-imuve: Guvekasi ve gaza zaho ve lokuvo aza ti' lo lo-nimine!: Gaza goboni molo-nedaa' anive Nasalete ve Izesu' ma ne noluve.

**9** Ti' lo nolivo nezesi maka' minunive ingine labana' iline' nene ningikeha gamazi lo-nimine' nene gilamani' ve.

**10** Ne'mine ogavo naza ti' lo lo-imuve: Guvekasi ve naza nadi' olove. Lokovo Guvelesi ve aza ti' lo lo-nimive: Gaza oto Damasiko numuda vozo. Vo hetelanivo gono muki' daline lo molo-gede nouvoni' nene li-gimilisave.

**11** Ti' lo lavo oto ve'ne ningo olo' labana' lidi'mo ve'ne lenge lenge lavo inite' ninge lamine' amuovo maka' monunivete a'nelo' di nele'mizavo Damasiko numuda vune' ve.

**12** A'mida ve ma minine' gulive Anania' aza nene mono' ve lamine' mino Mose' lo huko line' gamazi do mehenelo' molo minaa' ive Zuda ve muki' nete gamangi mili-daa' ani'.

**13** A'mine ve nene nouvoda ogo ote mino ti' lo lo-nimive: Saulo, gaza neze zuho make, veka gohi

ninge lamine<sup>1</sup> ozo lavo noline<sup>1</sup> velesi geto ningo vonu<sup>1</sup> biluve.

<sup>14</sup> Vonu<sup>1</sup> nobiluvo ti<sup>1</sup> lo lo-nimive: Avotemote gelekele<sup>1</sup> i-daa<sup>1</sup> ani<sup>1</sup> O'moso ne'mo gei<sup>1</sup> mo noso molo-gedo O'moso asi<sup>1</sup>'ve giline<sup>1</sup> initekumu<sup>1</sup> gazasi gelo ido<sup>1</sup> gaza nene ei<sup>1</sup> O'mosolati<sup>1</sup> lisihe<sup>1</sup> ogo molo oga<sup>1</sup> ive gehepeve ningo a'mine<sup>1</sup> mi veleti<sup>1</sup> gamazi<sup>1</sup>'ve geleline lo do kegeso gele'mize molave.

<sup>15</sup> Gaza inite<sup>1</sup> mata<sup>1</sup> ningo gelaine<sup>1</sup> ne'mi gamazi<sup>1</sup>'ve lo eze monovo nene numudo<sup>1</sup> namado<sup>1</sup> ve lo soto<sup>1</sup> ogo lo-ngemeline.

<sup>16</sup> Ido<sup>1</sup> id'i'nise nene gaza nanitekumu<sup>1</sup> gizebo iline. Gaza oto noso holozo. Eze gulivel<sup>1</sup> lanivo lihimeka apase-gedelive.

*Paulo<sup>1</sup> Heta Ato<sup>1</sup> Vetida Vilin<sup>1</sup> Gamazi Guvelesi  
Ve'mo Lo-imine<sup>1</sup> Nene Lo-ngimine<sup>1</sup> Gamazi*

<sup>17</sup> Anania<sup>1</sup> ti<sup>1</sup> lo lo-nemavo ne'mine ogo alinge<sup>1</sup> nene Zelusalemi numuda tine<sup>1</sup> molo vo mono<sup>1</sup> numuno nabau<sup>1</sup> dizo O'mosola nolo Guvelesi ve ninguvoni<sup>1</sup> nene vamu<sup>1</sup> gidini ninguve.

<sup>18</sup> Ve'nelo<sup>1</sup> o molo ti<sup>1</sup> lo lo-nimive: Me ebeku<sup>1</sup> aleve nene gei<sup>1</sup> vekati<sup>1</sup> nenikumu<sup>1</sup> gamazi<sup>1</sup>'ne lo- ngemeline<sup>1</sup> nene gili hulilisaze. Nemu<sup>1</sup> gaza geto oto Zelusalemi numuno ebekuti<sup>1</sup> lite<sup>1</sup> lo lemo voz<sup>1</sup>.

<sup>19</sup> Ne'mine lavo naza ti<sup>1</sup> lo lo-imuve: Guve<sup>1</sup>'nesi ve make, neze monovo<sup>1</sup>'ne ningi gili osu<sup>1</sup> li nizave. Naza nene Zuda veti mono<sup>1</sup> numu'ningu<sup>1</sup> numu'ningu<sup>1</sup> dizo geikumu<sup>1</sup> gili ele'vole<sup>1</sup> iga<sup>1</sup> ave ave do soto<sup>1</sup> ogo ngebelo nala<sup>1</sup> numungu<sup>1</sup> hulongedaa<sup>1</sup> uvoni<sup>1</sup> ma neive.

<sup>20</sup> Ne'mine ogo gei<sup>1</sup> gamazika lo soto<sup>1</sup> oga<sup>1</sup> ive Setehano<sup>1</sup>'ni nene bililisa niigi saketi<sup>1</sup>'ne kuluhizi

milikado' gizebo o nouvo bilikevo helavo naza  
gilovo lamine' ine' ma neive.

<sup>21</sup> Ne'mine lo lokuvo ti' lo lo-nimive: Gaza vozo.  
Naza golo gohiuko heta ato' vetida nogimiseluve.

*Amiliti Guve'inesi ve Naba Aza Paulo'ni Gizebo  
O-dine' Gamazi*

<sup>22</sup> Paulo' aza gamazi ma nolo-ngimivo haza  
gili minani'za aza ti' lo Guvelesi ve'mo heta  
ato' vetida imiselelesa line' gamazi nene lo-  
ngemavo nololo' di gani mangilise niigi ti' li  
lani': A'ne'mine ve mene velesi misubou' haza  
mineline' edamiliko helavo osu' liline.

<sup>23</sup> Ne'mine li gani mangilise igi ngizebolo'  
molavo saketi'ine apasi hibi'hibi' izi u'musupo  
gisi huli veleta ani'.

<sup>24</sup> Ne'mine igi nizavo amiliti guve'inesi ve  
naba'mo lavo Paulo'ni ele'mizi amiliti numungu'  
dizani'. Ne'mine ikevo evene' nete gani  
mangilise i-dani' ne'mi monovo lo soto' ogavo  
gelelove lo amiliti guve'inesi ve aza ami nene  
lihime'vemu' longo' igi gasavasi nala' amuzo  
malahetunu' bililizave lo lo-ngimine'.

<sup>25</sup> Ne'mine lo lavo gizene analo' nala' di di oti-di  
nizavo amiliti gizebo ve ngomo ma a'mido' neivo  
Paulo' aza longo' o-do ti' lo line': Naza Loma  
ve nouvon'i'zoo lou' gamazi li hukangu' nene  
Loma ve ne'mine i-ngidamilo li li hukamani'  
neivosa neze goni' nene olihe gilamado' gasavasi  
nalatunu' nibililisa nahe.

<sup>26</sup> Lavo gelo gizebo ve aza amiliti guve'inesi ve  
naba neida vo lo soto' ogo ti' lo-imine': Nadolosa  
lane. A'mine ve nene Loma ve ma nenako.

<sup>27</sup> Lavo guvelesi ve naba aza Paulo' neida vo longo' o-do line': Olo. Gaza nene Loma ve nabe. Lavo Paulo' aza line': Oo.

<sup>28</sup> Lavo Guvelesi ve naba ne'mo ti' lo lo-imine': Naza nene ebe' maukoti' ve mino meni naba hizo Loma ve lolо' ogo nouvoni' ma neive. Ne'mine lo lavo Paulo' ti' lo line': Ne'mine ogane'za naza nene Loma vete gidani' ma novo nave.

<sup>29</sup> Lo lavo Paulo'ni bililisa igi minani' nene noline' velesi hulani'. Hulikevo guvelesi ve naba nene Paulo'nimu' Loma ve neive lo gelo gizene analo' nala' dangumu' nene ehelele izine'.

### *Paulo' Aza Zuda Kanisoleliti ve'nido' Ote Mino Gamazi Lo-ngimine' Gamazi*

<sup>30</sup> Ne'mine ogavo ingi go' lavo amiliti guve'inesi ve naba ne'mo Zuda ve ingine Paulongumu' nan-imu' gili goloso i-dave lo ne'mi monovo gelelove lo eveneto' medelo mino O'moso inite' lehize-daa' ive nabasi ido' engi' kanisole mukikisi vise lo-ngemavo igi di gese' ikevo Paulo'ni ele'mize ve'nido' molani'.

## 23

<sup>1</sup> Paulo' aza gisili hize mino ti' lo lo-ngimine': Neze zuhokizo, naza nen'i lu'nemu' giluvo O'moso'mi velelo' laminekovo' vevese minivo mine do dizuvoni' idi'nise ne a'mine'mino nouve.

<sup>2</sup> Ne'mine lo nolivo eveneto' medelo mino O'moso inite' lehize-daa' ive naba Anania' aza Paulo' minine' avita minave ti' lo lo-ngimine': Lingine velelo' izilevo.

<sup>3</sup> Lo lavo Paulo' ti' lo lo-imine': Gaza lukau' guho' novine' gei' nene O'moso'mo gebelele-seive. Gaza nene Mose' lo huko line' akalo'

nele'mizo molalove lo nolane'za a'mine lo huko  
line' gamazi nene avuto' ogo nibililizave lo go'ine  
noizabe.

<sup>4</sup> Ti' lo lavo a'mido' minavete ti' li li-imani':  
O'moso'mo ele'mize molavo eveneto' medelo  
mino inite' lehize-daa' ive naba ma nenako eze  
nanimu' dovo' ledovo' nane.

<sup>5</sup> Likevo Paulo' aza ti' lo line': Lingine zuho  
gizebo o-lengedaa' ive guvelesi ve dovo' ledovo'  
amozo li gizikevo neine' ma nenako aza nene  
eveneto' medelo mino O'moso inite' lehize-daa'  
ive naba neive lo giluvodini ne'mine lo ma lamu-  
vodine.

<sup>6</sup> Ne'mine lo kanisole muliseuti' ve linge ma  
nene Sadukaio' evene' ido' linge ma Halisaio'  
evene' minani' nemu' gelo gamazi naba lo  
kanisole aleve ti' lo lo-ngimine': Lingine neze  
zuhokizo, neze ize'ne avo'nemote nene Halisaio'  
aleve nizave ido' nazasi nene Halisaio' ve nouve.  
Helakuti' otaa' nene neive lo gelo nouvoni' nemu'  
nene gonito' nele'mizi nimilave line'.

<sup>7</sup> Ne'mine lo lavo Halisaio' alevesi Sadukaio'  
alevesi gamazi'ne'mo lovo'ningu' ogavo vi eza  
ema vani'.

<sup>8</sup> Sadukaio' aleve ingine hele noloninguti' otaa'  
ido' angelo' ido' heta ve ne'mine inite' nomive  
li laa' navo Halisaio' aleve ingine ne'mine  
initekumu' inite' gihile ve li laa' nani' nemu' vi  
eza ema vani'.

<sup>9</sup> Ne'mine ikevo mulise'ningu' gilili ngololoka  
li Halisaio' aleveukoti' mono' monovo apizi ngi-  
maa' ave linge ma oti amuzo mili ti' li lani': Mene  
ve'mi lihimemu' gilune' ma nomive. Angelo'  
nizani' ido' O'moso'midati' inite' mali'mo gamazi  
lo-eme noline' nene nadive lo lolone.

**10** Ne'mine li gopo' napa gamazi li lolize gamazi likevo amiliti guvel'inesi ve naba aza nene Paulo'ni izi gitit hulilizahe lo ehelele izavo ami longemavo igi kanisoleliti vovo'ninguti' ele'mizi di numu'ninguko vani' ve.

*Paulo'ni Bililisa Gohoni Milani' Gamazi*

**11** Ne'mine ikevo holuka' ingi nizavo Guvelesi ve'mo Paulo' neida soto' o emo ti' lo lo-imine': Golise gelamo luka amuzo molavo minezo. Zelusalemi numuda nenil gamazi'ne lo soto soto' oga' abe. A'mine'mine ogo Loma ebeta lo soto' olosane.

**12** Ne'mine lo lavo go' lavo Zuda ve di bizi lovo gizi Paulo'ni belelone li noso' nite' malise ani'. Olihe belamo noso' nite' ido' noso nalone' nene O'moso'mo usi' ize-lidivo li lani'.

**13** A'mine gamazi li hukave nene foti (40) ne'mine ivile' igi minavete li hukani' ve.

**14** Li huki eveneto' medeli mini O'moso inite' lehizi-daa' ave nabasi mono' gizebo vesi nizada vi heteli ti' li li-ngimani': Paulo'ni belelesa olihe belamo noso' nite' malise ogo minelone lo lo hukokune. Ido' a'mine lo hukune' gamazi gele damolone' nene O'moso'mo usi' ize-lidivo lo lo hukokune.

**15** Ne'mine li lingine kanisolesi amiliti guvel'inesi ve nabala gamazi ti' li hulikevo vilive: Gaza Paulo'ni leli' muliseuko imiselanivo alive. Gamazi've lavo gele lamine' olonize. Ne'mine li golo izikevo gamazitine gelo ne'mine ogavo laza Paulo' nene akalo' navo gohoni ongo belelone.

**16** Ne'mine likevo Paulo' alunolo'mi gipele aza gohoni ingalizani' gamazi lani' nene gelo vo amil-

iti numungu' dizo omolohine Paulo'ni nene lo-imine'!

<sup>17</sup> Lo-emavo Paulo' aza amiliti gizebo ve ngomo nene asi lo-do ti' lo line': Gipe mene guvelesi ve naba neida ele'mizo vanivo gamazi ma lo-emelive.

<sup>18</sup> Lavo aza guvelesi ve naba neida ele'mizo vo ti' lo lo-imine': Nala' numungu' neive Paulo' aza asi lo-nemoo gipe mene gei' gamazi lo-gemelove nolize nemu' ele'mizo geita vozo lavo ele'mizo nouve.

<sup>19</sup> Ne'mine lavo guvelesi ve naba aza gipeli'mi analo' do ele'mize abaza' ogo mino longo' o-do line': Nani gamazi lo-nemelesa labe. Lo-nemezo.

<sup>20</sup> Lo longo' o-davo ti' lo lo-imine': Zuda ve ingine Paulo'ni aize' nene kanisoletida ele'mizo lomanivo eze monovo gohi vise' ogo gele lamine' olone li longo' i-gidilisa gamazi di hamo' naze.

<sup>21</sup> Igi nilavo ma gele ngemamozo. Engikuti' evene' foti (40) mini a'mingu' gohisi imine' mili nizave. Ingine nete noso' nite' namo ido' noso namo malise gehepeve o mino Paulo'ni belosa noso nite' nalone li lovo gizi gohoni niangi gei' gamazimu' gapepe' igi gizebo i nizave.

<sup>22</sup> Ne'mine lavo gelo guvelesi ve naba aza ti' lo lo-imine': Gaza gamazi lo-nemane' nene lo-nimuve lo evene' masi lo nese nese ogo longemamozo lo gipe nene lo-emo imiseline'.

*Loma Amiliti Gizebo Ve'ine Nabali'mo Paulo'ni  
Imiselayo Aza nGamani Naba Heliki' Neida Vine'  
Gamazi*

<sup>23</sup> Ne'mine lo guvelesi ve naba aza amiliti gizebo ve seta' asi lo-ngemo ti' lo lo-ngimine':

Lingine li-ngimikesivo ami misubou' aka vilizave nene tu hadeti (200) ido' hosi ize mehenelo' vilizave nene sevedi (70) ido' goholo' dalizave nene a'mine'mine ogo tu hadeti (200) ne'minete di va'va' igi mini holuka' naeni (9) kiloku Kaesalea ebeta vilizave.

<sup>24</sup> Ido' di goloso i-damavo lamine' ha neivo ele'mizi ngamani naba Heliki' neida vilizangumu' nene Paulo'ni hosi linge ma di va'va' i-dilo.

<sup>25</sup> Ne'mine lo lo-ngemo luhuvo nite' ti' lo gizine':

<sup>26</sup> Naza Kalaudio' Lisia' nGamani naba Heliki' gei' gopo'ni nolo luhuvo nite' mene ti' lo nogizegiduve.

<sup>27</sup> Gaza guvekasi ve naba make, ami ingine ve nene ma ele'mizi nivave. Aza nene Zuda ve ingine analo' dii bili hililisa navo naza nene Loma ve neive lo gelo ami ma ngele'mize do vo a'ninguti' ipe' ogo do u' izune' ve.

<sup>28</sup> Do u' izo bililisa ani' nene nani lihime'vemu' ne'mine i-dilisa nahe lo ne'mi monovo gelelove lo gelo ele'mizo engi' kanisoleliti muliseu' ele'mizo lomuvoni'.

<sup>29</sup> Ele'mizo lomo goni' i-di lani' gamazi giluvoni' nene ei' laa' ine' gamazi nene engi' lou' gamazi'ine lido' vo milise' osa'mive li goni' i-dani'za lihime've apaso bele helelonido' lisihe' o minine' initekumu' nehe nala' numungu' hulodelonido' lisihe' o minine' initekumu' nehe ne'mine initekumu' goni' i-damave.

<sup>30</sup> Ne'mine lo gelo engikuti' evene' linge ma ingine gohoni ingi a'mine ve bele lone lani' nene gelo geita imiselekuvo novive. Ido' gonito'

ele'mizi nimilave nene gei' vekalo' gamazi li soto'  
ikevo geleline lo lo-ngemekuvo alisave.

<sup>31</sup> Luhovo nite' ne'mine lo gizo ngemavo  
gamazi've gili di ami ingine a'mine holuka' nene  
Paulo'ni ele'mizi Adipatili ebeta limi hetelani'.

<sup>32</sup> Limi nihetelavo go' lavo ami ling'e tine' mili  
numu'nida ikevo hosi izelo' vave ingine Paulo'ni  
ele'mizi vani'.

<sup>33</sup> Ele'mizi vi Kaesalea numuda heteli luhovo  
nite' ma nene ngamani naba imi Paulo'nisi anau'  
milani'.

<sup>34</sup> Ne'mine ikevo luhovo gato misubo'vemu'  
longo' o-dine!. Longo' o-davo aza Kilikia misub-  
oukoti' ve nouve lavo gelo

<sup>35</sup> ti' lo lo-imine!: Gonito' gele'mizi milaa'  
ave ingine igi hetelikevo gei' gamazika gelelove.  
Ne'mine lo amiliti a'ningu' molo lo-ngemavo  
Helode' numu've nabau' hulimiki gizebo i mi-  
nani' ve.

## 24

### *Zuda Veliti Gizebo Ve'ine Naba Nene Paulo'ni Goni' I-dani' Gamazi*

<sup>1</sup> Gamene faef (5) ogo vavo eveneto' medelo  
mino O'moso init'e lehize-daa' ive naba An-  
niakisi ido' mono' gizebo ve ling'e masi ido'  
goni' gamazi lo monovo gelaa' ive ma gulive  
Telitulokisi ingine Kaesalea ebeta limani'. Limi  
Paulongumu' goni' gamazi lilisa ngamani naba  
Heliki' neida dizani'.

<sup>2-3</sup> Dizikevo ngamani naba aza asi lavo Paulo'  
ogavo Telitulo' aza Paulo'ni goni' o-delesa ti'  
lo line': Helikizo, gaza ve naba make, gaka

gele veveso gaza lele'mize lamine' ogo leze misubouko inite' mata' mine gopo ine' nene do vevesanivo laza lamine' hongu lo minaa' noune' ma nenako numudo' namado' ve muki' isaa' neve lo gamene gamene gopo'ni laa' noune.

<sup>4</sup> Gamazi ha'na loloni' gosele' gebelalize. Nemu' ahovo ngomo ma lo-gemeloni' nene gei' nasahilikamu' ogo gele nemeline.

<sup>5</sup> A'mine ve mene monovo goloso oga' ive mino misubou' misubou' mono Zuda ve mukiliti mulu'ningu' hizo lovo hizilizangumu' do avito' molo-ngedaa' neive. Ne'mine ogo Nasalete ve'mi mono' laa' aveti ve naba'ine ma neive.

<sup>6</sup> Aza nene leze mono' numude naba do gopo olosa neivo analo' dune' ve. [Laza leli' loutelo' do molo goni' o-delone lo gilune'za

<sup>7</sup> amiliti ve naba'ine Lisia' ogo lavo amilit amuzo mili adeuti' ipe' igi dani' ve.

<sup>8</sup> Ne'mine ikevo a'mine goni' i-dilizave geito' igi goni' i-dilizave lo Lisia' lo-ngimine'.] Gasika gonito' ele'mize nomulune' gamazimu' monovo've vise' ogo longo' o-do monovo've do soto' molalosane.

<sup>9</sup> Ne'mine lo lavo Zuda ve gamazi'velo' ledeni igi hizi ele' i-dani'.

### *Paulo' Aza Heliki' Velelo' Eze Monovo Lo- ngimine' Gamazi*

<sup>10</sup> Ne'mine ikevo ngamani naba aza Paulo'ni gamazi lilive lo ana hisu' o-davo Paulo' ti' lo line': Kilisimasi muki' ogo novingu' nene gaza evene' zuho mene gizebo o-ledo goni' gamazi geleka' geleka' ogo nane' nenako leli' monovotemu' nene

mo gele lamine<sup>1</sup> o nolosane lo gelo a'mine goni<sup>1</sup> i-nidani<sup>1</sup> gamazilo<sup>1</sup> do velepe<sup>1</sup> izo gamazi<sup>1</sup>ne lu<sup>1</sup>ne lapa nomine<sup>1</sup> mino ha lolosuve.

<sup>11</sup> Naza Zelusalemi numuda O'moso opo<sup>1</sup>ni lo-emelesa dizo minuvodot<sup>1</sup> gamene ma ogo vine<sup>1</sup> nene gamene tuveluvo<sup>1</sup> (12) ogo vavo none. Nemu<sup>1</sup> nene gasika evene<sup>1</sup> longo<sup>1</sup> o-ngedeline<sup>1</sup> nene li-gimikevo ha gelelesane.

<sup>12</sup> Naza nene mono<sup>1</sup> numuno nabau<sup>1</sup> ido<sup>1</sup> mono<sup>1</sup> numuno ngomo ngomou<sup>1</sup> ido<sup>1</sup> heta numuno ebeku<sup>1</sup> evene<sup>1</sup> masi monokumu<sup>1</sup> gamazitunu<sup>1</sup> lovo ogo eza ema nonivo ido<sup>1</sup> evene<sup>1</sup> do nubuho o-ngedo mulu'ningu<sup>1</sup> nohizuvo ningisa'mani<sup>1</sup> ve.

<sup>13</sup> Ido<sup>1</sup> ingine nenikumu<sup>1</sup> lihime ne'mine ne'mine ogo dani<sup>1</sup> ve li nilani<sup>1</sup> gamazimu<sup>1</sup> gelanivo gihile izeleseive li gelebizilisa ilizani<sup>1</sup> nene ngeli gelebizamilisave.

<sup>14</sup> Ne neine<sup>1</sup>za gamazi li'mi vani<sup>1</sup> mauti<sup>1</sup> hamo<sup>1</sup> lamine<sup>1</sup> ma lani<sup>1</sup> lo soto<sup>1</sup> ogo lo-gemelove. Mono<sup>1</sup> aka gosohokumu<sup>1</sup> angise<sup>1</sup>ine evene<sup>1</sup> ize<sup>1</sup> molo do gopo o-ngedaa<sup>1</sup> aka ve lani<sup>1</sup> nene a'mine akalo<sup>1</sup> nomono naza avotemote opo<sup>1</sup>ni li gelekele<sup>1</sup> i-dani<sup>1</sup> O'moso nene opo<sup>1</sup>ni lo gelekele<sup>1</sup> o-daa<sup>1</sup> nouve. Ne'mine ogo naza Mose<sup>1</sup> lo huko line<sup>1</sup> gamazisi ido<sup>1</sup> O'moso<sup>1</sup>mi gamazi li soto<sup>1</sup> ave polohetelite gizikani<sup>1</sup> gamazi nesi muki<sup>1</sup> gamazimu<sup>1</sup> nene gele ele'vole<sup>1</sup> o nouve.

<sup>15</sup> Ido<sup>1</sup> ingine gilani<sup>1</sup> evene<sup>1</sup> goloso lamine<sup>1</sup> hele noloninguti<sup>1</sup> otaa<sup>1</sup> nene aliteleseive li gili nizani<sup>1</sup> nene nazasi a'mine'mine ogo gele lamine<sup>1</sup> o nouve.

<sup>16</sup> Ido<sup>1</sup> O'moso<sup>1</sup>mo ningavo ido<sup>1</sup> evene<sup>1</sup> ningikevo neze lu<sup>1</sup>ne gamene gamene

laminekovo' veveso minelive lo neze monovo'nelo' gizebo laminekovo' ogo minaa' nouve.

<sup>17</sup> Ido' naza misubo mala vo nomonuvo kilisimasi linge ma ogo vavo a'mine monuvodaati' alevelite di nubo ani' moni nene do ogo neze zuho Zuda ve engiku' goho' gahali' minani' nene di ngimilizave lo lehize-ngedelesa ido' O'moso opo'ni lo inite' ma lehize-delesa Zelusalemi numuno ebeta vuvoni' ve.

<sup>18</sup> A'mida nene oko'ne lu'ne do lamine' ogosa mono' numuno nabau' dizo a'mine luvoni' gono nene noduvo ningani' ve. Ido' ningani' nene naza evene' vai' do nubo amo ido' gani mangilise do soto' amo haza nouvo ningani' ve.

<sup>19</sup> Ne neiha Asia misuboukoti' Zuda ve linge ma a'mida mini gopo gamazi lani'. A'mine ve nete nenikumu' lihime di minani' noline' nene gei' vekalo' mene mini goni' i-nidilizanako amave.

<sup>20</sup> Ido' a'mine ve nete goni' i-nidamilizani' noline' nene a'mine idise mela nizavete goni' i-nidi naza engi' kanisoleti muliseu' nouvo nen'i lihime ningi nilizani' nene mo li soto' ilizado' o neive.

<sup>21</sup> Gamazi hamo' gehepeve ma noloseive. Naza gomuta vomine vovo'ningu' mino asi naba lo ti' lo lo-ngimuvoni': Helakuti' otaa' nene neive lo gele ele'vole' o nouvongumu' lingine gonito' nele'mizi nimilavo idi'nise nouve lo longimuvoni' ve.

*Paulo' Aza Nala' Numungu' Gohi Minine'  
Gamazi*

<sup>22</sup> Ne'mine lo lavo Heliki' aza mono' aka gosohokumu' gele hehe laa' ive mino gamazi

olihe di hilamavo lumo haz a molokivo minine!. Ne'mine ogo ne'minevo' ma lo-ngiminel': Amiliti guve'nesi ve Lisia' lemo ogavo gei' goni' gohi gelo do helelove.

<sup>23</sup> Ne'mine lo lo-emo amiliti gizebo ve ti' lo lo-imine!: Lingine Paulo<sup>1</sup>ni gizebo i-di ne'mine mana'mine i-dami zogo ve zuholite igi na'na' i-dilisa nilavo ma ha gili ngimilo.

<sup>24</sup> Gono gamazi ti' lo lo-emo gamene ma nomino Heliki' aza elenaho Zuda vene' gulive Duluisila'ni nene ele'mizo dize mino Paulo<sup>1</sup>ni asi lo-emavo aza ogo Izesu<sup>1</sup> Kilisito'nimu' gele ele'vole' oga' monovomu' lo-ngimine!.

<sup>25</sup> Inite' lamine' vevese mininekovo' ogo molo oga' nemu' ido' lute do gili' lo lisihel' minaakumu' ido' gamene nabalo' O'moso'mo goni' o-ledeline' nemu' lo-ngemavo Heliki' aza ehelele izavo ti' lo lo-imine!: Idi'nise moda ve. Vo minelinize. Vo nanivo alinge' gezemu' geleloni' gamene alitavo ma asi lokuvo aline.

<sup>26</sup> Heliki' aza Paulo<sup>1</sup> gamazi've lanite' ngomo giliha ido' a'mingu' nene Paulo<sup>1</sup> ne'mo a'mine veli'mo kuluhize-nedelingumu' ve lo moni nemelihe lo gelo gamene gamene asi lo-emavo oga' ivo gamazi li volelo' melo' igi minaa' asine!.

<sup>27</sup> Ne'mine igi nizasivo kilisimasi seta' ogo vavo ngamani naba gohi ma gulive Polikio<sup>1</sup> Hesito<sup>1</sup> aza ogo Heliki' mo'mosi've dani!. Ne'mine neivo Heliki' aza Zuda ve nezemu' gilavo lamine' ilive lo Paulo<sup>1</sup>ni kuluhize-damo haz a nala' numungu' miningu' hulomiko vavo minine!.

*Paulo' Aza Guyelesi Ve Naba Kaealea Goni've  
Gelelive Lo Line' Gamazi*

<sup>1</sup> Hesito' aza ogo ngamani naba lolo' ogo gamene seto hamovo' mino Kaealea ebe' hulo neloti' Zelusalemi ebeta dizo vine!.

<sup>2</sup> Dizo hetelavo eveneto' medeli mini O'moso init'e lehizi-daa' ave nabasi ido' Zuda veti ve naba'ine lingesi ezela igi Paulo' goni've'mi monovo li-imani'.

<sup>3</sup> Ido' gomu' lovo gizi huki akalo' gohoni ongo belelone li ngamani naba Hesito'ni ti' li golo izani': Mulude do hongu lo-ledo Paulo'ni Zelusalemi numuda imiseleline losa nologimune.

<sup>4</sup> Likevo Hesito' ti' lo lo-ngimine': Paulo' aza Kaealea ebeta nala' numungu' nalato' neive. Neinako naza ngomo ma nomino a'mida lemelesa nouve.

<sup>5</sup> Nemu' lengitati' evene' naba minani' nete ingine ma gi'mizavo maka' lemeline. Ido' a'mine ve nene lihime've noline' nene goni' i-dilisave.

<sup>6</sup> Ne'mine lo Hesito' aza gamene eiti nehe teni nehe ne'mine Zelusalemi aleveti vovo'ningu' mino Kaealea ebeta lemo vine!. Lemo vo ongo go' lavo goni' do helaa' mo'mosi'velo' dizo minoo aza Paulo'nimu' lavo ele'mizi dizani'.

<sup>7</sup> Ele'mizi dizikevo neivo Zelusalemi numudati' limi minani' Zuda ve ingine di vodo vodo i-di init'e goloso naba ne'mine mana'mine ogave li di neu' manau' igi li-dani'. Ne'mine li li-dani'za a'mine gamazi'mi gihile've nene ngeli di soto' mili Heliki'ni elebizamani'.

<sup>8</sup> Ne'mine ikevo Paulo' monovo've lo soto' ogo ti' lo lo-ngimine': Zuda vete li hukani' lou' gamazi

ma avuto<sup>1</sup> amo ido<sup>1</sup> mono<sup>1</sup> numuno naba do gopo  
amo ido<sup>1</sup> Loma veti guvetesi ve naba<sup>1</sup>mi gamazi  
ma avuto<sup>1</sup> amuvoni<sup>1</sup> ma neive.

<sup>9</sup> Ne'mine lavo Hesito<sup>1</sup> aza Zuda ve neze  
ningavo lamine<sup>1</sup> ilive lo ga'ine hizo Paulo<sup>1</sup>ni ti'  
lo longo<sup>1</sup> o-dine<sup>1</sup>: Zelusalemi numuda gele'mizo  
vo a'mida gonika geleloni<sup>1</sup> nene lamine<sup>1</sup> iline<sup>1</sup> o-  
neihe. Nadive lo gele nane.

<sup>10</sup> Ne'mine lo longo<sup>1</sup> o-davo Paulo<sup>1</sup> ti<sup>1</sup> lo  
line<sup>1</sup>: Loma veti guvetesi ve naba Kaesale<sup>1</sup> goni<sup>1</sup>  
numu'veu<sup>1</sup> omo nouve. Loma ve nouvonako  
nemu<sup>1</sup> me'mingukovo<sup>1</sup> goni<sup>1</sup>ne gili-nidilizave lo  
gele nouve. Gaza neni<sup>1</sup> monovo<sup>1</sup>ne mo gele naine<sup>1</sup>  
ma neive. Naza nene Zuda ve ma do goloso o-  
ngedesamuvoni<sup>1</sup> ma neive.

<sup>11</sup> Naza lihime<sup>1</sup>ne apasi-nidi nibili hililizani<sup>1</sup>  
votigilelo<sup>1</sup> lihime dokuvo gaza nebele helelove lo  
lanidiniko naza a'mine gamazikalo<sup>1</sup> e'menga  
lamuvodiba ingine soza li hazamu<sup>1</sup> gonito<sup>1</sup>  
nele'mizi nimilanako engi<sup>1</sup> mulu'ine do lamine<sup>1</sup>  
o-ngedo neze nene a'ningu<sup>1</sup> milalizani<sup>1</sup> aka  
nomive. Loma veti guvetesi ve naba Kaesale<sup>1</sup>  
ei<sup>1</sup> hamo<sup>1</sup> goni<sup>1</sup>ne gele-nedelive lo nemu<sup>1</sup> eita  
noluve.

<sup>12</sup> Ne'mine lo lavo Hesito<sup>1</sup> aza kanisole<sup>1</sup>vesi li  
voletelo<sup>1</sup> melo<sup>1</sup> igi Paulo<sup>1</sup>ni ti<sup>1</sup> lo lo-imine<sup>1</sup>: Guvelesi  
ve naba Kaesale<sup>1</sup> gamazika gelelive lo nolaine<sup>1</sup>  
nemu<sup>1</sup> a'mine guvelesi ve nabala viline.

*Agilipaki Belenikeki Paulo<sup>1</sup> Gamazi Gililisa La-  
sine<sup>1</sup> Gamazi*

<sup>13</sup> Ne'mine lavo gamene ma ogo vavo nimini  
misubo gohilati<sup>1</sup> guvelesi ve naba ma gulive Ag-

ilipaki ido' alunolo Belenikeki ingine Hesito'ni analo' dalosive li Kaesalea ebeta limasine!.

<sup>14</sup> Limi a'mida gamene ngomosi' ma minivi' divi' nasivo Hesito' nene Paulo' gamazi've vetete' ogo guvelesi ve nolo-emo ti' lo line!: Heliki' aza nene ve ma nala' numungu' miningu' haza hulomiko vavo neivo

<sup>15</sup> naza Zelusalemi numuda dizo novo eveneto' medeli mini O'moso inite' lehizidaa' ave nabasi ido' Zuda veti mono' gizebo vesi ingine a'mine ve'mi gamazi'vemu' li-nimi mulumo gono emo lihime've apase-deline li longo' i-nidave.

<sup>16</sup> Longo' i-nidikevo ti' lo lo-ngimuvoni': Loma ve leli' monovote ne'mino nomive. Ve ma goni've neivo ma laza goni' nii-daveti mulu'ine do lamine' o-ngedelesa a'mine ve a'ningu' haza gopo molosa'mune. Gomu' nene goni' niidaveti ve'nido' ele'mize molokunivo goni' i-dani' initeto' do tine' molo gamazi gohi lo-ngemavo gelaa' noune.

<sup>17</sup> Ne'mine lo lo-ngemekuvo ingine limi mela hetelikevo gamene ha'na minamo gamene hamokovo' ongokuvo go' lavo goni' do helaa' mo'mosito' dize mino a'mine vemu' lokuvo ele'mizi dizani'.

<sup>18</sup> Ele'mizi dizikevo goni' i-dave oti gamazi lani'za naza lihime've li soto' igi goloso nitekumu' lilizah lo uha ne'mine initekumu' lami

<sup>19</sup> engi' mono'inemukovo' li hilive ma gulive Izesu'nimu' gamazi lani'. Paulo' aza a'mine ve hilinguti' ote neive lavo ataize li elemani'.

<sup>20</sup> Ne'mine ikevo a'ne'mine gamazi'mi monovo

nado do soto' ogo gelelove lo ga'ne muki' gelo  
ti' lo longo' o-duve: Gaza Zelusalemi numudo'  
gele'mizosa a'mido' a'mine gonika geleloni' nene  
lamine' ilihe. Ido' ne'mine lo longo' okuvo

<sup>21</sup> Paulo' aza Loma veti guvetesi ve naba  
goni've do helelingumu' gizebo ogo minelove  
lavo naza nene nala' numungu' mene neivo  
lingine gizebo i-di nizavo Loma ebeta guvelesi  
ve naba Kaesale' neida imiseleloni' gamene al-  
itavo vilive lo gizebo i-dilizani' ami aleve lo-  
ngimuvoni'.

<sup>22</sup> Hesito' ti' lo lo-emavo Agilipa' aza ti' lo  
lo-emo line': Naza a'mine ve'mo gamazi lavo  
gelelesa gele nouve. Ne'mine lavo Hesito' ti' lo  
line': Ne'mine lo ma aize' geleline.

<sup>23</sup> Ne'mine lavo ingi go' lavo Agilipa' ve alunolo  
Belenike' ve gonolise atoli'mine igi ngolize al-  
ize izi mulise mili gamazi gilaa' ani' numungu'  
dizikesivo amiliti guve'inesi ve inginesi ido'  
a'mine ebeku' dizi minasive nge'meti dizani'.  
Dizikevo Hesito' lavo Paulo'ni ele'mizi dizani'.

<sup>24</sup> Ele'mizi dizikevo Hesito' ti' lo line': Guvekasi  
ve Agilipazo, ido' lingine maka' nounivesi muk-  
ito' ve mene ningilo. Zuda ve muki' nenita igi  
Zelusalemi numudasi ido' melasi me vemu' li ti'  
li lani': Haza velesi minalinako helelive li geke'  
geke' lani'.

<sup>25</sup> Lani'za lihime've nene bele hele lone' votig-  
ilelo' nehe lo lihime've vise' uha do soto' amo  
Loma veti guvetesi ve naba'mo goni've gele live  
lingumu' ve losa imiselelove lo nolo hukuve.

<sup>26</sup> Ne'mine lo lo hukuvoni'za me ve'mi li-  
hime'vemu' vise' ogo guvelesi ve nabala luhuvo

nite' gizelove lo giluvo geni ogave. Nemu' nene lingine a'mine ve'mi gamazi gili lihime'vemu' linimikevo luhuvo nite' gizelove lo lengita ele'mize molo nouve. Ido' guvekasi ve Agilipazo, gasika gele lamine' ogo lo ngolo' lo lo-nemeline lo gele amuzo molo nouve.

<sup>27</sup> Nalato' ve guvelesi vela imiselo luhuvo nite' gizo lihime'vesi lo soto' amoloni' nene negi suno duvoni' geleleseive lo gele nouve lo lo-ngimine'!

## 26

### *Agilipa' Velelo' Paulo' Aza Ei' Monovo Loinime' Gamazi*

<sup>1</sup> Ne'mine lavo Agilipa' aza Paulo'ni ti' lo loinime': Gasika monovoka lanivo gele lone lo no-gele gimuve. Nemu' lozo. Lavo Paulo' aza ana do oto ei' monovo've ti' lo lo-ngimine':

<sup>2-3</sup> Guvekasi ve Agilipazo, gaza nene Zuda velite ogo molo oga' noune' monotemu' gate ato' ato' gelo lute vo eza ema oga' neine' initekumu' gele naine' nenako nemu' Zuda ve goni' i-nidani' inite' mukito' do tine' molo lo neze monovo'ne gei' vekalo' lo soto' olosa mulu'neu' lamine' gele nouve. Nemu' gaza gelanivo mulungau' hongu nolivo gamazi'ne lolove.

<sup>4</sup> Naza umungive ngomoloti' neze zuhoti vovo'ningukisi ido' Zelusalemi ebekukisi mino naba ogo inite' muki' ogo molo minuvoni' monovo'ne nene Zuda ve mukilate gili nizave.

<sup>5</sup> Leli' Zuda veti monoku' evene' mulise ato' atoli'mine minangu' mulise hamo' mali'mo nene monokutii' gamazi vai' laa' ani' nene gele dalosa amuzo molo mulise muki' ngivile' ogo neine'

mulise ado' Halisaio' aleve ve langu' nene naza vo gi'mizo minosa Halisaio' ve lolo' ogo minuvoni' nenako ingine gamene gala'mudati' vomine neni' monovo'ne ningani' nene lo soto' olone ladini ha li soto' adine.

<sup>6</sup> Ido' O'moso'mo salani gamazi lo avotemotine lo huko lo-ngimine' nene gihile izelive lo gele amuzo molo gizebo ogo nouvongumu' mene gonito' nele'mizi nimilavo idi'nise ote nouve.

<sup>7</sup> Nouvonon'za a'mine salani gamazi neve leze Zuda veti zuho tuvelu ingine gihile izelive li gili gizebo igi mini go' laneme go' laneme vo'ine gilingili ivo O'moso opo'ni li gelekele' i-di minaa' nave. Guvekasi ve make, naza a'mine salani gamazimu' nene gele ele'vole' ogo nouvongumu' ingine a'mine'mine igi minaa' ave Zuda ve nete gonito' nele'mizi nimilave.

<sup>8</sup> O'moso'mo hilani' aleve ngele'mize otaa' neingumu' nene lingine nanimu' ne'mine osa'mive li gilave. Ne'mine li-gilamilizado' o neive.

<sup>9</sup> Ido' gozopo' nene na'nise'ne neve Nasalete ve Izusu' mono' do goloso olosa gono naba dalove lo ga'ne gelaa' uvoni' ma neive.

<sup>10</sup> Ne'mine lo gelo Zelusalemi numungu' api' ogo a'mine gono duvoni'. Eveneto' medeli mini O'moso inite' lehizi-daa' ave naba engita lokuvo ingine luhuvo nite' nimikevo Izusu' evenele zuho muki' do nala' numungu' hulo-ngiduvoni'. Ne'mine okuvo ngibilikevo hililizave likevo voti hizo a'mine gamazi hize ele' uvoni' ma neive.

<sup>11</sup> nGebelekuvo Guvelesi ve Izusu'ni divi ledivi' ilizave lo Zuda veti mono' numuno'ine mukiku' gamene muki' ngebelaa' uvoni' ma neive.

Ne'mine ogo engikumu' nizebolo' goloso do mino heta ato' veti numuno ebe'ningu' minangukisi goboni molo-ngedo minaa' uvoni' ma neive.

*Paulo' Aza Lulo Do Velepe' Izingumu' Longime' Gamazi  
(Aposolo<sup>1</sup> 9:1-19; 22:6-16)*

<sup>12</sup> Ne'mine nouvo eveneto' medeli mini O'moso inite' lehizi-daa' ave nete luhuvo nite' nimikevo engi' ve'inemu' ogo Damasiko numuda volove lo novuovo

<sup>13</sup> ho' omo oluso' neivo, ee, guvekasi ve, Okulumokuti' labana' ma ho' ivile' ogo lemo nezesi ido' maka' vunivesi hize vodo vodo o-ledavo ninguvoni' ve.

<sup>14</sup> Hize vodo vodo o-ledavo misubou' lemo gote hizo ongo nonivo Hebilao' gamaziuti' gamazi ma nenikumu' ti' lo nolivo giluve: Saulo, Saulo, gaza nanitekumu' goboni nomolo-nedane. Bulumaka' ize a'manapa igi me'ningine gize'ine gavoso ngibililisa iga' adi'mino gaza a'mine'mine ogo nebelelesa ane'za ize me'ninge mulu' izi di minani' gavosolo' hizi mulumo gilaa' adi'mino gazasi a'mine'mine ogo mulumo nogelane.

<sup>15</sup> Ne'mine lavo naza Guvekasi ve gaza zaho ve lokuvo aza ti' lo lo-nimine': Gaza goboni molo-nedaa' anive Izesu' ma ne noluve.

<sup>16</sup> Ido' gaza oto gizenga lise gili' lo minezo. Gaza nene neni' gelekele' izipe mineline losa naza gele'mize molalosa soto' nopize gimuve. Ne'mine okuvo ningane' inite' nemukisi ido' alinge' soto' o gemekuvo ningeline' nemukisi lo soto' o ngeme ngeme' ogo mineline lo gele'mize nomuluve.

**17** Zuda veti a'ningutikisi ido' heta ato' veti a'ningutikisi do gu' ize-gedo minelesuve. Ne'mine ogo a'mine heta ato' vetida nogimiseluve.

**18** Gimiselekuvo vo engita gono danivo lu'ine ga'ine ngolo' lavo goloso inite' ningi mehe'ine imi lu'ine'mi labana' di lehizilizave. Ne'mine igi Satani'mi anau' mini gelekele' i-di minani' nene huli O'moso'mi anau' igi minilizave. Ne'mine igi nenikumu' gili ele'vole' ikevo O'moso'mo li-hime'ine hulo-ngedo eze zuho do kegeso do ti' ine' alevetingu' mo'mosi'ine ngemeleseive lo lonimine'.

*Paulo' Aza Mono' Gono Dangumu' Nene Agilipanginesi Lo-ngimine' Gamazi*

**19** Ne'mine lo-nemavo, Guvekasi ve Agilipazo, a'mine Okulumoku' minive'mo ve'nelo' o molo lo-nimine' gamazi gele hulamuve.

**20** A'mine gamazi gele do gana' api' ogo Damasiko aleve lo-ngemo ido' alinge' Zelusalemi aleve ido' Zudaia misubou' aleve ido' heta ato' ve nizani' inginesi lu'ine di velepe' izi O'mosola vi gi'mizi lute do velepe' izali'mi aka gihilelo' imine' mili inite' lisihe' laminekovo' igi mili minilizave lo nene gamazi lo-ngeme ngeme' ogo minuvoni' ve.

**21** Ne'mine oga' uvoni' nemu' Zuda ve ingine mono' numuno nabau' a'nelo' di nibili hililisa navo

**22** O'moso'mo alete molo nele'mize lamine' o'mo novivo mono' nene evene' dizi minani' ido' limi minani' muki' lo-ngemaa' nouve. Ne'mine ogo gamazi gohi ma lo-ngemesa'muve. O'moso'mi gamazi li soto' iga' avesi Mosekisi

alinge' soto' iline' initekumu' li hukani'  
gamazivo' lo-ngemo ti' lo lo-ngemaa' nouve.

<sup>23</sup> O'moso'mo do lu' izelive lo imiselelesa live  
nene mulumo gelo helelive li ido' hilave engitati'  
do gomu' molo-ngedo oto Zuda ve lezelasi ido'  
heta ato' ve engitasi labanali'mi gamazi do soto'  
o-ngedelive li li huki-dani' gamazi nene lo soto'  
ogo lo-ngemaa' nouve.

*Paulo' Aza Agilipa'ni Izesu' Mono' Gele  
Ele'vole' Ilive Lo Gala Dani' Gamazi*

<sup>24</sup> Ne'mine lo Paulo' aza monovo've lo soto' ogo  
nolo-ngimivo Hesito' aza gamazi naba lo ti' lo  
line': Paulo' gaza mo negi nohizane. Luhuvo nite'  
muki' gato gelo minaa' ane' ma'mo godoka gopo  
ogavo negi nohizane.

<sup>25</sup> Ne'mine lavo Paulo' line': Hesito' gaza ve  
naba make, naza negi hizamuve. Gamazi gihile  
lamine' nene noluve.

<sup>26</sup> Mene noluvoni' gamazi nene guvelesi ve  
naba Agilipa' aza gele neive. Ve'ne lapa nomivo  
ezela lovo' kiselevo' ogo lolosuve. Noluvo inite'  
nene haleko soto' ine' nominako guvelesi ve  
ningo gelamine' nevoba mo ningo gele neive lo  
gele nouve.

<sup>27</sup> Guvekasi ve Agilipazo, O'moso'mi gamazi li  
soto' iga' aveti gamazi nene gele ele'vole' abe.  
Gele ele'vole' o nane' nene gele nouve.

<sup>28</sup> Ne'mine lavo Agilipa' aza Paulo'ni ti' lo lo-  
imine': Gamene ahovo ngomo gamazi nolanivo  
neni' nene Kilisito' evenele lolo' ilive losa nolabe.

<sup>29</sup> Ne'mine lavo Paulo' ti' lo lo-imine': Gamene  
ha'na nehe li'nibe nehe nemu' lamuve. Na'nise  
nene Kilisito' evenele lolo' iline losa nevo' nene

gele nouve. Nemu' nene gezesi evene<sup>1</sup> linges<sup>1</sup> gamazi noluvo nigilave lingine muki' nene nen<sup>1</sup> gidini lili<sup>1</sup> ilizave losa O'mosola noluve. Nolvoni' nene nen<sup>1</sup> a'nelo<sup>1</sup> seni nala<sup>1</sup> izi-nidi nizani' ne<sup>1</sup>mini izi-lingidilizave losa lamuve.

<sup>30</sup> Ne'mine lo lavo guvelesi ve naba Agilipa<sup>1</sup> azasi ngamani nabasi ido<sup>1</sup> Belenikekisi ido<sup>1</sup> engiki<sup>1</sup> si minave linges<sup>1</sup> oti

<sup>31</sup> heta limi ti<sup>1</sup> li li volelo<sup>1</sup> melo ani<sup>1</sup>: Ve mene lihime apaso bele hele lone<sup>1</sup> monovo nehe ido<sup>1</sup> nala<sup>1</sup> numungu<sup>1</sup> minaa<sup>1</sup> monovo nehe eita nomive.

<sup>32</sup> Ne'mine likevo Agilipa<sup>1</sup> aza Hesito<sup>1</sup> ni ti<sup>1</sup> lo lo-imine<sup>1</sup>: Loma veti guve'inesi ve naba Kae<sup>1</sup> sale<sup>1</sup> goni<sup>1</sup>ne gele-nedelive lo lamidini kuluhizedanivo vidine.

## 27

### *Paulo<sup>1</sup> Aza Sipiu<sup>1</sup> Dizo Loma Ebeta Volosa Vine<sup>1</sup> Gamazi*

<sup>1</sup> Paulo<sup>1</sup> aza Italia misubouko vilive li li huki alinge<sup>1</sup> nene ami vanu hadeti neti gizebo ve ma gulive Zulio<sup>1</sup> aza gizebo o-ngedo ngele<sup>1</sup>mizo vilive li Paulo<sup>1</sup>nisi ido<sup>1</sup> nalato<sup>1</sup> ve linge masi anau<sup>1</sup> milani<sup>1</sup>. A'mine gizebo ve nene aza ami mulise ma guvelesi ve Kae<sup>1</sup>sale<sup>1</sup>ni ve lani<sup>1</sup> muliseuti<sup>1</sup> minine<sup>1</sup>.

<sup>2</sup> Anau<sup>1</sup> milikevo ngele<sup>1</sup>mizo vo sipiu<sup>1</sup> nazasi maka<sup>1</sup> dizune. A'mine sipi nene Adalamitio ebetati<sup>1</sup> ogavo a'mine sipi nene Asia misubou<sup>1</sup> guvo noso gahevela numuno ebe<sup>1</sup> vai<sup>1</sup> minido<sup>1</sup> vilive likevo dizo vune<sup>1</sup>. Ido<sup>1</sup> Makedonia misubou<sup>1</sup> Tesalonika ebekuti<sup>1</sup> ve ma gulive Alisitako<sup>1</sup> nene lezesi maka<sup>1</sup> vune<sup>1</sup>.

<sup>3</sup> Sipiu' ongo mino go' lavo vo Sidoni ebeta hetelune. Hetelo Zulio' aza Paulo'ni nasahili' odo zogo ve've zuho vo ningavo nasahili' i-dilizave lo gele emavo vine'.

<sup>4</sup> Vo zogo ve ningو tine' molo ogavo gohi sipiu' dizo a'mine ebe' hulo novunivo vune' akalati' hepe' naba elavo Kipilo ailani adavala neivo hepe' naba elamine' liginela ivile' ogo vovo' vovo' ogo

<sup>5</sup> guvo noso huko'mo vo Kilikia misubo ido' Pamahilia misubo gahevela ledo vo Mila ebeta Likia Misubou' vo hetelune.

<sup>6</sup> Hetelo a'mine sipiuti' lemo nelo' Alekisadilia ebetati' sipi ma ogo minine' nene Italia misubouko volosa neivo amiliti gizebo ve ne'mo lele'mizo vo a'mingu' dizo

<sup>7</sup> ongovo otevo' ogo silibe o'mo vo zou zou lo vovo' vovo' ogo Kinido' ebe' gahevela ogo hetelo hepe' naba ilidi'mo volosa unida nene vo pelo vamalone' ogavo adava gahevela lemo vo Keleta ailani ne'mi mumunouko hepe' elamida vo Salomone ebe' ivile' ogo vune.

<sup>8</sup> Noso gahevela do noalito silibe o'mo vo vo Lasea ebe' gahevela ebe' ma gulive Sipi Igi Minaa' Ebe' Lamine' ve lani' nelo' vo gahevela minune.

### *Hepe' Naba Iline' Gamazi*

<sup>9</sup> Gamene ha'na ogo vavo Zuda velite noso' nite' malise iga' ani' gamene nesi ivile' okunivo ne'mo hepe' naba elo guvo noso velo mono sipi do goloso o-ngedaa' ine' gamene noalitivo imine' molo volonekisi goloso ogalone' neivo Paulo' ga'ine do ti' lo lo-ngimine':

**10** E'e, vekizo, volobe lo giluvoni'za vamolonido' o neive. Nene guvo nosoli'mo sipiu' dizo dovo' hilingizevo' ogavo go' heneni nganenivo' goloso ilivoba laza evenekisi nosou' lemo helelobe lo gilubo geni ogave.

**11** Ne'mine line'za sipilo' dalizave lo gono gamazi lo-ngedaa' ivesi ido' sipi melehos i gamazi ato' likesivo amiliti gizebo ve giline' Paulo' gamazi lemavo setalitisi gamazi dizavo a'mido' gele dani'.

**12** Ne'mine ogavo laza minune' ebe' nene hepe' naba eleline' gameneu' sipi nene lamine' minaa' ebe' minamine' nenako nemu' nene sipiu' minani' evene' vai' gidini nete ingine a'mine ebe' nene hulo volone li gamazi li hukani'. Ido' Keleta ailani gahevela sipi minaa' ebe' gohi ma neine' gulive Hoinika nene hepe' naba eleline' gameneu' haleke minaa' ebe' lamine' neine' nenako nemu' a'mida ha vo hetelelobe ha vo' nalone li gilani'.

**13** Ti' li gilisa gilani' nene adavalati' hepe' ngomo zou zou lo api' ogo elavo lunida ha volosune li gili sipi di gili' limikani' inite' nene di hozi li di milikevo Keleta ailani gahevela novunivo

**14** vo hoto' amunivo ailaniuti' mumu gehegehe naba gulive ho' dizaa' ida ezalati' lomaa' ive mumu gehegehe amuzovesi soto' ogo

**15** sipi do velepe' izeline' ogo ngelo aka do hehe lamolone' ogavo alamo hulokunivo hepeli'mo do vivo gopo aka vine'.

**16** Ailani ngomo gulive Kauda helala neivo hepe' elamine' liginela novunivo kanu ngomo ma gelelehe' une' nene nosou' lemeline' ogavo

ge'nebe gono do

<sup>17</sup> gelelehe' ogo sipi nabau' do molo ido' sipi nene etalive lo nala' vodo vodo ogo izo do gili' lune. Ne'mine ogo gepeli'movo' o minine' ebe' ma gulive Siliti nela vo goloso ogalone lo sipili'mi initekisi seli lingesi hepeli'mo do ngu'vosalive lo apaso do molokunivo sipi nene haza minivo gopo aka vune'.

<sup>18</sup> Ne'mine ogavo hepe' amuzo'vesili'mo sipi do voziu' vomiu' o-do minine'. Ne'mine neivo go' lavo heneni linge nene guvo nosou' di huli huli' ani'.

<sup>19</sup> Ne'mine igi gohi go' lavo gamene seto hamo ogavo angise'ine a'inedunu' igi sipi'mi initel mata've lingelati' a'mine'mine igi di huli huli' ani'.

<sup>20</sup> Ho' ike'ni sonohi' nene labana' elamivo hepe' naba elo leli' nene do voziu' vomiu' o-lidivo ne'mine ogo minune' nene gamene ngomosikisi nomive. Nemu' nene akala nevo ma vo lamine' volosune lo gilune' nene alamosa moda goloso olösune lovo' gilune' ve.

### *Paulo' Do Hongu Lo-ngidine' Gamazi*

<sup>21</sup> Ne'mine igi mini noso' nite' ni guni nami nizavo gamene ha'na ogo vavo Paulo' nene oto vo vovo'ningu' mino ti' lo lo-ngimine': Vekizo, na'mo Keleta ailani hulamo minelone luvoni' nene gili dalizanako gili damani' ma ve. Gili dadini lezela mulumo nite' mene soto' amidine. Ido' heneni nganenite nene ma vo gopo amidine.

<sup>22</sup> Ido' gamazi ma lo-lengemekuvo gililo. Idi'nise lengehelele izamivo lamini minilo.

Evene' hamokisi goloso amolosune. Sipivo'  
goloso oloseive.

<sup>23</sup> Neni' nene O'moso'mi gelekele' gipele mino  
naza opo'ni laa' uvoni' O'moso'ne ne'mo an-  
gelo've ma aize' holuka' nenita imiselavo

<sup>24</sup> ogo ti' lo lo-nimive: Paulo' gaza guvo no-  
somu' nene golise gelamozo. Gaza Loma veti  
guvetinesi ve naba Kaesale' velelo' nene ha vo  
otelesane lo O'moso'mo noline' nenako akakalo'  
inite' hamoli'mosi ma do goloso o-gedamivo mo  
lamine' vo hetelesane. Ido' gelezo. O'moso'mo  
geikumu' ve lo gezesi maka' sipiu' nizave muki'  
inginesi guvo noso ngebelamivo haza vi hetelil-  
isave lo nolive.

<sup>25</sup> Ne'mine lo line' nemu' vekizo muludingu'  
lamine' gillilo. O'moso'mo lo-nimine' gamazi  
nene gihile izeleseive lo gele nouve.

<sup>26</sup> Ne neiha sipi ne'mo vo ailani malo' hizo gili'  
loloseive.

### *Sipi Nene Nosoli'mo Izo Itine'*

<sup>27</sup> Ne'mine lo lavo Adilia guvo nosou' hepeli'mo  
ha lele'mizivo gopo aka novunivo salele seta' ogo  
vavo holuka' ongo velepeto' sipilo' gono dave  
ingine misubo ma do avito' ogo noso gahevela  
noube li gilani'.

<sup>28</sup> Ne'mine li nala' hulikevo noso hemu-  
volo' lemavo a'mine nalali'mi ha'na've nene  
ve mali'mo gatine' nene vo foti (40) mita ine'.  
Ne'mine igi ngomo ma nivi nala' gohi hulo gatine'  
nene vo teoti (30) mita ine'.

<sup>29</sup> Ne'mine gatavo sipi nene geheni veleto' do  
vo izo gili' lo etalive li gili' ngehelele izavo sipi  
isevelati' sipi di gili' li-daa' ani' inite' nene seta've

seta've hulikevo lemavo go' la la li O'mosola li nizavo

<sup>30</sup> sipilo' gono dave sipi huli golise volone li gili kanu ngomo apasi nalatunu' guvo nosou' hulikevo nolimivo soza li ti' li lani': Laza sipi veleta sipi di gili' li-daa' ani' inite' ma hulo minelesa noune.

<sup>31</sup> Ne'mine li nilavo Paulo' aza amiliti gizebo ve'inesi ido' eze ami've zuhosи ti' lo lo-ngimine': A'mine ve ingine sipiu' minamilizani' nene lingine ngeli lukovo ma namilisave.

<sup>32</sup> Ti' lo lavo ami ingine sipi nabati' kanu ngomo nene huki hulikevo gopo aka vine'.

<sup>33</sup> Ne'mine ogavo Paulo' aza go' lolosa neivo evene' muki' noso' nite' ma nalizave lo ti' lo lo-ngimine': Lingine noso' nite' nami gizebo igi nizavo salele seta' ogo vavo okodine hulikeze.

<sup>34</sup> Noso' nite' ni gili' likevo do amuzo mololengede minivo aka volone' nene okodine ngomosi ma do goloso amivo lisihe' ogo vo hetelelesune.

<sup>35</sup> Ne'mine lavo mukilite ningi nizavo noso' nite' ma do O'moso opo'ni lo do gito api' ogo nani'.

<sup>36</sup> Navo ningi mulu'ningu' lamine' gili a'mine'mine igi inginesi noso' nite' nani'.

<sup>37</sup> Ido' a'mine sipiu' minune' evene' nene tu hadeti sevedi sikisi ne'mine minune' ve.

<sup>38</sup> Noso' nite' no gatude ogavo sipi geni amilive li viti gihile nene sipiuti' ehelu' mili huli nosou' nosou' ani'.

<sup>39</sup> Ne'mine ikevo go' lo labana' noilivo misubo ma ningani'za zaa' ebe' nehe li ningi lamine' amani'. Guvo noso gahevela nene zovo' izo

kebili galala' ikevo ngipu line' ne'mino minida nene gepe lamine' vai' neivo ningani!. Ningi do volonido' o neivo ma laza sipi nene do vo a'mine gepelo' do dizo hulolone li gilani!.

<sup>40</sup> Ne'mine li gili sipi di gili' laa' ani' initeli'mi nalava nene huki huli a'mine sipi do gili' laa' ani' inite' nene guvo noso hemuvolo' nizada ha minilizave li hulani' ido' sipi'mi sitia've setato' nala' di gili' lani' nene apasi huli seli've nene ngomo ma di patelikevo hepeli'mo gepela hilulu' ogo do novivo

<sup>41</sup> vo seveto' hize gili' logavo sipi golo've nene misubou' hize gili' lavo guvo noso ne'mo velo ogo sipi isevela izo itine!.

<sup>42</sup> Izo etavo ami ingine nene nalato' ve gulo anese izi misubola vi golise vikelizave li ngebele gese' olone li lovo gizani!.

<sup>43</sup> Lovo gizikevo gizebo ve'ine aza Paulo'ni bilikelizave lo gelo ne'mine amilizave lo o've longedo evene' gulo anese izaa' monovo ningikave ingine guvo nosou' oluto' moze' moze' igi gomu' mili gulo anese izi vi kelala vilizave lo

<sup>44</sup> evene' lingela alinge' mili linge ma palani malo' dizi mini linge ma sipi izo itido' dizi mini kelala vilizave line!. Lavo ne'mine ogo laza mukito' do goloso amo lamine' vo kelala hetelune.

## 28

*Paulole Melita Ailanilo' Dizani' Gamazi*

<sup>1</sup> Kelala vo osu' lokunivo ailani gulive Melita ve likevo gilune!.

<sup>2</sup> A'mine ailaniuti' aleve ingine leze muki' di lamine' i-lidi nasahili' i-lidani'. Goline izo hepe' lolavo olo' gizi-lidikevo nolahizunivo

<sup>3</sup> Paulo' aza olo' ngomo ngomo nubuho ogo oluku' nohulivo a'mine olokuti' gosihe' ma olokumu' golise higusagu izo lemo ogo Paulo' analo' ongoho zu' lo minine'.

<sup>4</sup> Ne'mine ogavo a'midot'i aleve ingine gosihe' ne'mo Paulo' analo' ongoho zu' lo minine' nene ningi li volelo' melo' igi Paulo'nimu' ti' li gili lani': Evene' ngebele hulo' hulo' ve noloseinako guvo nosou' lemo helamo kelala haza dizavo lihime apase-ngedaa' neine' o'moso niteli'mo aza velesi minalive lavo gosiheli'mo belanako heleleseive.

<sup>5</sup> Ne'mine li nilavo Paulo' aza gosihe' do hibi' ize hulavo oluku' lemavo gosiheli'mo belamine' gelo haza minine'.

<sup>6</sup> Neivo ingine lulu izelihe li ido' lemo pou' lo ongo helelihe li gizebo igi ningi minani'. Ningi nizavo gamene ha'na ogo novivo ne'mine mana'mine amivo lu'ine di velepe' izi ti' li lani': Mene ve nene o'moso inite' noloseive.

<sup>7</sup> Ido' a'mine aleveti ve naba'ine gulive Pupilio' ne'mi misubo nene leli' minune' gahevela minine'. Nemu' nene aza lele'mize molo zogo lemo nasahili' o-lidivo ei' numu'veu' minune' nene gamene setohamo minune.

<sup>8</sup> Nonivo Pupilio' meleho aza oko'nou' olo' lo iseveti' vovo' vovo' ivo gizeho' numuno ogo neivo Paulo' aza neida dizo O'mosola lo ana hito do lamine' o-dine'.

<sup>9</sup> Ne'mine ogavo a'mine ailaniu' evene' inite' gizi dave muki' ingine nonida igi a'mine'mine igi

lamine' ani'.

<sup>10</sup> Nemu' nene ingine mulu'ningu' lamine' gili  
inite' muki' lehizi-lidi volone' gamene alitavo  
akalokumu' inite' di va'va' i-lidi sipi' di mili'  
mili' i-lidani' ve.

### *Paulo' Loma Ebeta Vo Heteline' Gamazi*

<sup>11</sup> A'mine ailani ogo heteluningu' nene sipi  
gohi ma minine'. A'mine sipi nene Alekisadilia  
ebetati' ogavo hepe' naba eleli gamene alitavo  
nemu' golise gizebo ogo minine'. Ido' a'mine  
sipilo' nene engi' o'moso nite'ine'mi lobe' izipa-  
hala avazaha igi lili' igi di badikani' minine'. Ne  
neivo lazasi nonivo ike'ni setohamo lomo helavo  
a'mine sipi' dizo vune.

<sup>12</sup> Guvo noso huko vo Silakusa ebeta hetelune.  
Hetelo a'mido' numuno setohamo ungue.

<sup>13</sup> Ongo gohi sipi' dizo a'mine ebe' hulo hep-  
eli'mo sipi do zovo' zava' ize-divo novivo Legio  
ebeta vo hetelune. A'mido' numuno hamo' ongo  
go' lavo mehedelati' hepeli'mo hilulu' o-do vivo  
akalo' numuno seta' ongo Puteoli ebeta vo het-  
elune.

<sup>14</sup> Hetelo sipiuti' lemo Izesu' evenele zuho linge  
ma ningune. A'minete minelone likevo engikisi  
salele hamo' makato' minune'. Mino gohi oto vo  
Loma ebe' do avito' une.

<sup>15</sup> Akalo' novunivo Izesu' evenele zuho Loma  
ebeku' minani' nete leli' une' gamazi gili lelikisi  
votene' olone li ani'. Ne'mine ikevo linge masi  
votene' une' nene Apio Maketilo' votene' une'.  
Ido' linge masi votene' une' nene ebe' gulive  
Venenga Velite Meni Hizi Ingaa' Ani' Numuno Se-  
tohamo ve laa' ani' malo' votene' une' ve. Paulo'

aza eveneto' ningine' nemu' O'moso opo'ni lo mulunou' lamine' gilidi'mo ngi lo-dine'!.

<sup>16</sup> Loma ebeta hetelekunivo ngamani aleve Paulo'ni gili imikevo ami mali'mo gizebo o-divo engikovo' numuno mau' ingi minasine' ve.

*Paulo' Loma Ebeku' Mono' Lo-ngimine'  
Gamazi*

<sup>17</sup> Paulo' nelo' numuno setohamo ongo Zuda ve Loma ebeku' minani' neti gizebo ve Paulo' elese molo-ngemavo ikevo Paulo' aza ti' lo lo-ngimine': Neze zuhokizo, naza leze evenete zuho inite' goloso ma do-ngedamo ido' avotemoti monovo danavasi do goloso amuvoni'za ingine hazalo' gopo Loma veti a'ningu' mili-nidikevo Zelusalemi numuda nala' nimani' ve.

<sup>18</sup> Ne'mine igi goni' i-nidi lihime've apaso bele hele lone' votigilelo' lihime dahe damihe li vise' aha aha nomivo nala' numunguti' kuluhizi-nidilisa lani'za

<sup>19</sup> Zuda vete o've likevo naza neze zuhomu' gamazi mela do ogo lolove losa amuvoni'za haza mineloni' aka gohi ma nomivoo Loma veti guve'inesi ve naba'mo goni'ne gelelive lo luvoni' ve.

<sup>20</sup> Nemu' nene ninge-lengedo linginesi lo volelo' melo' olone lo elese molo lengemekuvo nave. Ido' Isilaele' aleve none' laza ve ma ogo do lamine' o-ledeleseive lo gelo ezemu' gizebo oga' ube. A'mine ve mo ogave lo lokuvo ingine ataize li nemu' nala' mene a'nelo' izi-nidikevo nouve.

<sup>21</sup> Lavo ingine ti' li li-imani': Volela Zudaia misubou' minavete ingine gei' gamazika li gizi luhuovo nite' limamave. Ido' evene' ma a'midati'

igi gei' monovomu' gamazi goloso ma lavo gelamune.

<sup>22</sup> Ido' numudo' namado' evene' ingine gei' e'metaa' ane' mono' aka nemu' divi' ledivi' iga' nani' nene mo gele none. Nemu' nene gei' gaka gelaa' name' nene gei' vekati' lanivo gelelone losa nolune.

<sup>23</sup> Ne'mine li gamene milani' nene alitavo Zuda ve muki' nene Paulo' numu'veu' igi di gese' ani'. Ne'mine ikevo Paulo' aza nedenga' api' ogo O'moso'mo gizebo o-ledaa' neine' ne'mi gamazi aka've lo soto' ogo lo ngolo' lo lo-ngemo neivo liti'muso izine'. Nolo-ngemo Mose' lo huko line' gamazisi O'moso'mi gamazi li soto' iga' ave poloheteliti gamazisi gizikani' gamazi nene gato nongemoo Izesu' monovo've ngelebizo ezemu' gili ele'vole' ilizave lo ga'ine dani'.

<sup>24</sup> Ne'mine ogavo linge nene gamazi've gili dikevo linge nete gili hulani'.

<sup>25</sup> Ne'mine igi di bizi lani' gamazi'ine ato ato' vavo vilisa navo Paulo' gamazi hamo' ti' lo lo-ngimine': O'moso'mi Sikalahu' ne'mo do ote-davo O'moso'mi gamazi lo soto' oga' ive Isaia' aza O'moso'mo lo-imine' gamazi nene gamazi gihile lamine' avotingine ti' lo lo-ngimine':

<sup>26</sup> Gaza voo mene zuho Zuda ve nizangu' ti' lo lo-ngemezo:

Lingine gilii gilii gililizaha gili lamine' amilisave. Ido' ningii ningii ningilizaha ningi lamine' amilisave.

<sup>27</sup> Inginge lu'ine hize tilavo ga'ine nunu lo ve'ine likavo ve'inedunu' inite' ma ningisa'mave. Ga'inedunu' nene inite' ma gili hehe lisa'mave.

Ido' lu'inedunu' nene gamazi monovo gili  
lamine' isa'mave.

Inginge ne'mine amadiniko lu'ine di velepe'  
izikevo

ha do lamine' o-ngiduvodine lo line'!

<sup>28-29</sup> Nemu' nene lo-lengemeloze. Gililo.  
O'moso'mo do lu' izaa' aka viline' ne'mi gamazi  
nene lingine o've likevo O'moso'mo heta ato'  
ve lo-ngemeline lo lo-nemavo engita do novuve.  
Inginge gili lamine' ilisave.

<sup>30</sup> Ne'mine lo lo-ngemavo vikevo Paulo' nene  
kilisimasi seta' Loma ebeku' mino numuno asi've  
meni hizo numuno me'ningine meni ngemeka'  
ngemeka' ogo a'mingu' ongo minine'. Neivo  
evene' muki' ezela igi vigi igi minani' nene  
ngele'mize lamine' ogo

<sup>31</sup> O'moso'mo gizebo o-ledaa' neine' ne'mi  
aka've lo soto' o ngemoo Guvelesi ve Izesu'  
Kilisito' ei' monovo apize ngemo mino a'mine  
gamazi lovo' kiselevo' ogo lo-ngemo neivo Loma  
ve ingine Paulo'ni aka gizi-damani' ve.

cl

**MONO' GODOLO GOSOHO'  
The New Testament in the Dano (Upper Asaro)  
language of Papua New Guinea  
Nupela Testamen long tokples Dano (Upper Asaro)  
long Niugini**

copyright © 1989 Wycliffe Bible Translators, Inc.

Language: Dano

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

    You include the above copyright and source information.

    You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-06-24

---

PDF generated using Haiola and XeLaTeX on 18 Apr 2025 from source files dated 31 Aug 2023

76c78bc1-63e6-5f61-a363-169051cf72e